

ЖАРАСБАЙ СҮЛЕЙМЕНОВ




Еменің
ШІРБҰТАҒЫ

ЖАРАСБАЙ СҮЛЕЙМЕНОВ

Еменнің
ШІР БҰТАҒЫ

повесть, эпізодер, скетчтер



АСТАНА
2007



ЕМЕННІҢ
ИР БҰТАҒЫ

повесть



Сыртта боран ұйытқып тұр. Бұгін төртінші күн. Боран болғанда да, кәдімгі жынды боран, аш қасқырдай ұлып, ышқына соғып терезені сабалағанда жанынды қоярға жер таптайсың. Алқа-котан отырған ауылды жұтып қойғандай. Көрші үйдің өзі көрінбейді.

Алтайдан маза кеткелі де төртінші күн. Төрт қабырға қамалып аласұрғанмен қолдан келер шара жок. Үйдің іші де азынап барады. Таңертең жақкан бір құшақ отын не болсын, әйтекеір, пимасын шешпей жан сактап отыр. Көмір деген бұл ауылда атымен жок. Көмір ғана емес, Қаратал соңғы екі-үш жылда бәрінен жүрдай болған: жарықта, телефон байланысы да жок. Дәрігерлік пункт қираған, әп-әдемі мәдениет үйі бар еді, оны өздері соңғы кірпішіне дейін бөліп-бөліп әкетті. Қалғаны жалғыз мектеп, оның да шекесі шылқып тұрған жок, бұгін болмаса ертең жабылып қалуы мүмкін. Өйткені соңғы жылдары ауылда бала саны күрт кеміп, мұғалімдер екі-үш сыныпты қосып оқытуда. Қысқарып қалған мұғалімдердің көбі көшіп кетті. Осы мектепте он жылдан астам уақыт математикадан сабак берген жалғыз ұлы Берігі де қазір облыс орталығында істеп жүр. Тіпті соның немен айналысатының да білмейді. Көрмегелі бір жылдай болып қалыпты. Катынас нашар: ауылға автобус жүрмегелі қашан. Өзінікі деген көлігі жок. Осында екі қолға бір жұмыс таба алмағаннан кейін өз көліктерімен жолаушыларды тасымалдап жүрген бір-екі жігіт бар, оларға күнің түссе тіпті кісінің күнин сұрайды. Осыдан бір апта бұрын кемпірі солардың

біріне отырып “Балалардың жағдайын біліп келейін, осы он бүйірім шанша береді, мүмкін дәрігерлерге көрсетер” деп қалаға кеткен. Содан бері хабар жок. Хабар қайдан болсын, боран көз аштыратын емес.

Таңның атқаны жаңа ғана сияқты еді, міне, төңірек тағы да тұмшалана бастады. Асқа зауқы жок, үйқы қашқан. Жайшылықта жастыққа басы тисе, кірпіктері айқаса калушы еді, қазір қалжырап барып бір-ак ұйықтайды. Неше түрлі ой миын шағып жатқаны. Содан ба екен, неше құннен бері жиылмаған төсегінің шетіне келіп отырғанмен көрпенің астына кіруге асықлады. Төрт құннен бері осы үйдің есігін ешкім ашқан жок. Тіпті төніректе тірі жан жок сияқты. “Әркім өз басымен әуре болып кеткен заман-ай!” Бір құнде аспан айналып жерге түседі деп кім ойлаған. Бәрі көзден бұлбұл ұшты. Қаратал аты, аудандыбылай қойғанда, облысқа кең танылған ірі шаруашылықтың орталық қонысы еді. Бүгінгі сиқына қарап оны солай болған деп кім айтар? Анада теледидардан Шешенстандағы соғыстар зардап шеккен елді-мекендерді көріп жағасын ұстаған еді. Қараталдың бүгінгі сыйқы сол сойқанды көз алдыңа келтіреді. “Дүние не болып кетті өзі?! Осының бәріне кім кінәлі ?..” “Сенсің! Сенсің!..” – Астағапыралла, мынау Сайлаудың дауысы ғой... Бісміллә, бісміллә!!!

Сайлау осы ауылдың тумасы, өмір бойы тракторшы болып істеген, өзі мұнымен түйдей құрдасты, екеуі катты ойнайтын. Өткен жылы аяқ астынан қатты науқастанып, ақыры зейнет демалысына да шыға алмай о дүниелік болып кете барды. Жай кетсе жарайды ғой, мұны жұрт алдында жерге қаратып кетті. Қайтарынан бір аптадай бұрын көнілін сұрай барғанда: “Алда-жалда ана жаққа жүріп кетсем – обалым саған, осы шаруашылықтың икі-тикісін шығармасандар адам сияқты ем-дом, дем алмас па едім, омбылап бір апта ауылдан шыға алмадым, одан аудан орталығына итшілеп жетіп дәрігерге көрінген болдым, тек одан не пайда, бәрі сатулы көрінеді. Бәріне ақша

керек. Мен оны қайдан алам, қорадағы малдың бәрі бітті. Енді не болса да, құдайдың салғанын көріп алдым!” деп кәдімгідей жүрт алдында кейіген. Бұл: “Әй, кетсөң пәленді біреуге жақпай дұрыс кет, өкпелесен ана Горбачевқа өкпеле” деп құрдасының қинала айтқан сөздерін ойынға шаптырмақ болып еді, онысын ешкім қоштай қоймады. Бәрі рай бермей томаға тұйық отырып қалған. Ақыры Сайлау көп жатқан жок. Асқынған ауру азаматты алып тынды.

Жалғыз Сайлау ғана ма? Қарап отырса осы үш-төрт жылда өз қатарластары бар, өзінен үлкендер бар, талай адам өмірден өтіпті. Бала-шағасын, туған-тусыны сағалап сырт көшіп кеткендер қаншама. Қебі облыс, аудан орталықтарында тұрып жатыр. Бәрі тұрмыстың ауыртпалығынан, жұмыссыздықтан, қиуы кете бастаған тіршіліктен өкше көтеруде. Үлкендер осындай жаппай көшу сонау отызыншы жылдары болған дейді. Онда жүрт ашаршылықта “қара қазан, баланың” қамы үшін шет жағалап кетсе керек. Бірақ, олар қазіргі жүрт сияқты аяқ астынан болған өзгеріске антарылып дәрменсіздік танытпай, “өлмегенге өлі балық” кездесер деген үмітпен, “қыбырлағанға құдай берер” деген сеніммен үдере көшкен. Енді мына құбылысты қалай түсінуге болады? Қандай тәлсім жасаған жөн? Көнілге көк сұңгідей қадалған сан мың сұрақ сананы шырлап кеткенімен жөні түзу жауап таба алмай шарқ ұрады. Мына жынды боран да жығылғанға жұдырық дегендей, басылар емес.

Ол қаранғы үйде қалғып-мұлғіп әлі отыр. Осы сәтте біреу терезе қаққандай болды. Терезені сабалап жатқан кар киыршықтары еken. Боран тіпті күшейе түскен сияқты. Мұндай да болады еken-ау, баяғыда екі-үш күнде сейіле бастаушы еді, міне, бесінші күнге ауып барады, толас жок.

— Бәріне сен кінәлісің! Сен кінәлісің!.. Әлгі дауыс. — Астағапыралла!.. Ол төсегіне кисайып, көзін жұмды. Сол-

ақ екен, осыдан бес-алты жыл бұрын болған оқиғалар көз алдынан тізбек-тізбек өте бастады.

“Бірлік” кеңшары дүркіреп-ақ тұрған. Бесжылдықты төрт жылда орындалған облыстық Құрмет кітабына жазылды. Ана кездері егінмен аты шығып жүруші еді, осы директор келгелі мал шаруашылығы да біраз көтеріліп калды. Эсіреле, сауын сиырдағылардың енбегі жанып тұр. Эр сиырдан үш мын килограмның үстінде сүт сауған Құлпәш Бекенова Мәскеуден бір-ақ шығып, Бұқілодактық халық жетістіктері көрмесінің алтын медалін өніріне тағып қайтса, оның жарыстас құрбысы Айман Қадіржановаға аудан басшылығы көк “Москвич” сыйлады. Бір кездері директор, парторгтардың үйлерінің ғана қабырғасына ілінетін түкті кілемдердің бірнешеуі де келді. Соның бірі кеңшар кәсіподак ұйымын басқаратын Алтай Сәлиевке тиген. Оның несі бар, бұл да халықты іске жұмылдыруда аз тер төгіп жүрген жок. Жыл он екі ай көлік үстінде, әйтеуір, жанға тыныштық жок. Соның қайтарымы шығар, елеп ескерген директорға мында бір раҳмет! Бұрынғылар бәрін өздеріне тартуши еді, Ерлік Бәйкенұлы ұжым мүшелерін ренжітіп жатқан жок. “Колы кимылдағанның аузы қимылдайды” деп жасына да, кәрісіне де төгіп беріп жатыр. Қазір екі үйдін бірінде тоңазытқыш, теледидар. Жылдан-жылға женіл көлік мінгендердің де қарасы көбейіп келеді, кезекте тұрғандар қаншама. Бұл халықта ақша бар деген сөз. Эйтеуір “қой үстіне бозторғай жұмыртқалаған” заман. Соның бәрі осы директордың арқасы. Айналасы алты-жеті жылда аудан, облыс орталықтарынан шалғай жатқан шаруашылықты қатарға кости ғой. Мұнда кадр, әсіреле, жастар жағы тұрактай қоймайтын. Өйткені бөлімшелерді былай қойғанда, Қараталдың өзінде дені дұрыс демалыс орны жок еді. Бір жылдан кейін: “Мәдениет үйін саламыз”, – деді. Айтқанында тұрды: кешікпей Мәдениет үйі ғана емес, кітапхана, спорт залы, дәрігерлік пункт іске қосылды.

Енді басы ауырып, балтыры сыздағандар аудан, облысқа шапқылап қиналмайтын болды. Одан кейін ауылдағы асыраушысы жоқ жалғызбасты қарияларды бір шатырдың астына жинап, электр қуатымен жылтытылатын үй салып берді. Суы да ішінде, әйтеуір, бір рахат. Ол байғұстар сол жақсылығы үшін директорды көрген сайын көз жастарын сығып, жік-жаппар болады. Алла ісіңе жар болсынды жаудырып, бір өліп, бір тіріліп қалушы еді.

Осылай “Бірліктің” желі онынан ескенмен шішілменген бір үлкен түйін бар еді. Ол – жол мәселесі. Жаңбыр жауса ауданға дейінгі қырық шакырым жол ми батпак болып езіліп кететін. Қыста да сол, қар алып қалса, ауылға не кіре алмайсың, не шыға алмайсың. Бірде жиналыста осы мәселе көтерілгенде директор: “Көбіне шыдаған енді азына да шыданыздар, оны өз күшімізben шеше алмаймыз, көп қаржы керек” деген. Айтқандай арада жарты жыл өтпей жатып-ақ, “Қаратал мен аудан арасына ас-фальт төсөледі екен” деген әнгіме дүнк ете түсті. Бұл республика Жоғарғы Кенесі депутатының мандаты үшін құрестің нағыз қызған шағы болатын. Сұлікті ауданынан ұсынылған екі кандидаттың бірі облыстық атқару комитетінің төрағасы Руслан Керімбаев та, екіншісі – “Бірліктің” директоры Ерлік Бәйкенов. Алғашында кейбіреулөрге бұл бәсекелестік баланың ойынындай көрінген.

– Облыстық атқару комитетінің төрағасына қарсы тұру қайда?!

– Рас айтасың, облатком кім, ”тәйт!” десе тайып тұрмай ма?

– Баяғы халықты алдау ғой, балама кандидаттар дауысқа түсті деген сияқты...

– Жоқ, олай деменіздер, аудан орталығында өткен, сосын ана көрші – Ақсуат ауданында болған кездесулерде “Бірліктің” директорына бүйрекі бұратындардың басым екені байқалып қалды.

— Ертөн дауыска түсті бар ғой, Ерлік ұтып кетеді.

Күнде гу-гу әңгіме. Сайлау жақындаған сайын тіпті үдей түскендей.

— Жарайды, басқаларды көре жатармыз, осы өзіміз кімге дауыс береміз?

— Кімге дауыс бергені несі, өз басшымызды қолдауымыз керек.

— Дұрыс айтасыз, жас та болса іскер азамат, айналасы бес-алты жылдың ішінде ешкімге керексіз болып қалған шаруашылықты алға шығарған жоқ па, дауысты соған беруіміз керек, оның бағы жанса, біздін де ешнәрседен ұтылmasымыз хак.

— Бәрін айт та бірін айт, ертөн жоғары жақтағылардың көзіне шалынып, алып кетпесін де. Қолына берді бар ғой, ауданынды да ұршықша үйіреді.

— Жанып тұр, біздің бағымызға қарай келген ғой, Алла тағала соны көпсінбесін деніз. Әйтпесе, ана Суаткөл сияқты баяғыда-ақ тоз-тоз болып кетер едік.

Осылай халық әңгімені қыздырып, алақанына түкіріп отырғанда: “Ерлік Бәйкенов кандидатурасын алып тастайтын болыпты, дауыска тұспейді екен” деген әңгіме тарай бастады. Өзі жұмысында жүріп жатыр, тіс жарып ешкімге ештene айтпайды. Сайлау болса жақындап қалды. Алтай партком хатшысынан сыр тартып көріп еді, ол: “Өтініш түсті деп естігем жоқ” деп әңгімеге иліге қоймады. Осылай дел-сал болып отырғанда бір топ жұмышы сау етіп кіріп келмесі бар ма. Сөзді фермадағы партия тобының жетекшісі Наурызбай Сапаров бастаған:

— Сіздерге бір үлкен өтінішпен келіп отырмыз, — деді ол әр сөзіне салмақ сала сөйлеп.

— Тиыштық па, бұлай бастарыңыз қосыла қоймаушы еді ғой. — Партком хатшысы мына келісті не жақсылықка, не жамандыққа жоруды білмеген сынайлы.

— Тыныштық қой, ел аман, жұрт тыиш, шаруаның жайы да жаман емес. Тек бізді мазалап тұрған Ерлік Бәй-

кенұлы кандидатурасын алып тастайын деп жатыр деп естідік. Осы мәселеге байланысты келіп тұрмыз. Біздің білуімізше халық сол кісіні қалаиды.

Осы арада сөзге жайшылықта көп сөйлей қоймайтын малшы Мұхтар Тәжіахметов араласты.

— Кеше Ақсуаттан құдаларымыз келіп кетті, ол жақтағылар да біздің директорға дауыс береміз деп отырған көрінеді.

— Элде жоғары жақтан бір қысым бар ма екен?

— Олай болса, қайта құру, қайта құру деп күнде қақсан жатқандарынан не пайда?!

— Горбачевтың өзіне жазу керек!

Осы арада партком хатшысы қолын көтеріп “токтаңдар” дегендей белгі берген.

— Текке даурықпаңыздар, Ерлік Бәйкенұлына жолығып мән-жайды білейік, шешімді қабылдайтын сол кісі ғой.

— Солайы солай ғой, бірақ сіздер ұжым мүшелерінің көңіл-күйін ол кісіге жеткізіңдер. Біз бір кісідей қолдаймыз.

Директор күнде таңертең бас мамандармен лездеме өткізіп, тәулік ішінде тындырылған істерді тиянактап, алда тұрған міндеттерді айқындалп отыратын. Әдette ұбақ-шұбақ әңгіме болмайды, асса жарты сағатқа созылады. Сосын бәрі өздерінің жұмыс участкеріне аттанады. Бүгін де солай қадау-қадау нұсқау алған мамандар шығар есікке беттегенде парторғ пен кәсіподак комитетінің төрағасы орындарынан қозғала қоймаған. Директор кабинетте үшеуі оңаша қалғаннан кейін құлағым сіздерде дегендей, бұларға жанар кадады. Партком хатшысының қызметі үлкен болса да сөзді жасы үлкен кәсіподак комитетінің төрағасы Алтай Сәлиев бастады.

— Ереке, өзінізге ұжым мүшелерінің өтінішін жеткізгелі отырмыз. Кеше сіз сайлауға қатыспайды екен, кандидатурасын алып тастайтын болыпты деген сөздерді естіген

бір топ жұмысшы келіп кетті. Аландарды орынды сияқты. Алған бетінен қайтпасын біз қолдаймыз деп отыр.

— Біздің кеңшарда ғана емес, басқа учаскелерде де осындай ахуал бар көрінеді.

— Тіпті әлгі Қади тентек Ерекен дауысқа түспесе, біз сайлауынызға келмейміз дегенді де айтып қалды.

Осылай жарыса сөйлеп біраз жерге барып қалған парторғ пен кәсіподак төрағасы сіз не айтасыз дегендей директордың аузына қараған. Бірақ Ерлік Бәйкенұлы елп ете түспеді. Сәлден соң ғана:

— Шешім қабылдау маған да онай болған жок. Әрине, халық сенім білдіргеннен кейін жарты жолда қалу ұят іс. Соған қарамастан өтінішімді жазып қойдым, казір ауданға жүргелі отырмын, округтік комиссияға тапсырмақпын, — деді.

— Қысым жасалып жатыр деген рас болды ғой.

Алтай шын көнілден бір түрлі кіжініп кетті.

— Қысым деу артығырақ болар. Рас, сөзсалып, жолынды Керімбаевқа берсейші, дегендер болды. Қыскасы, беретін болдым. Бірақ жай бере салғам жок, олар таяудағы екі жылда Қаратал мен аудан орталығының арасын асфальт жолмен қосатын болды. Менін депутат болғанымнан халыққа осы пайдалы шығар деп ой түйдім. Халыққа бәрін түсіндіріңдер, облыстық атқару комитетінің төрағасы лайықты кандидат, қырқында қамал бұзатын жігіт. Кездесулердің барысында, сан мәрте әнгімелескенде оған көзім анық жетті.

Осымен әнгіме тәмам болып әркім өз жайымен кетті.

Ақыры, сайлау комитетіне бір ғана адамның облыстық атқару комитетінің төрағасы Руслан Нұрланұлы Керімбаевтың аты-жөні ғана енгізілді. Бірақ неге екенін кім білсін, сайлауға тізімге енгізілгендер түгел қатысқанмен, Керімбаев бұрынғыдай 99,99 пайыз дауыс жинай алмады, оны қатар жатқан үш ауданның ересек тұрғындарының үштен екі бөлігі ғана жақтады. Бұл бұрын-сонды бұл өнір-

де болмаған жағдай. Қалай болған күнде де депутат мандаты соның қолына тиді.

Сайлаудүрмегі де, одан кейінгі гу-гу өнгіме де басылды-ау. Бірақ көп уақыт директор айтқан жолдан хабар болған жоқ. Сөйтіп жүргенде кеншарға Керімбаевтың өзі келе қалмасын. Мәдениет үйінде кәдімгідей үлкен жиналыс өтті. Шаруашылық басшысының есебін тыңдағаннан кейін мінбеге Керімбаев көтеріліп “Сіздің шаруашылықтың тәжірибесін республикаға тарату жөнінде жоғары жақ шешім алып отыр, бұл үлкен жауапкершілік”, деп бір тоқтады. “Бұл орынды тандау екенін айтқым келеді. Өйткені “Бірлік” – таза пайдамен жұмыс істеп жатқан санаулы ұжымдардың бірі”.

Бұдан кейін тағы бірнеше адамға сөз берілді. Сөз жоқ, бірліктіктердің соңғы жылдардағы табысы толымды. Оның сыры дегенде бәрі бірінің аузына бірі түкіріп койғандай, Ерлік Бәйкенұлы келіп көзіміз ашылды, бәрі осы кісінің арқасы, біз сияқты қарапайым адамдардың қолынан не келеді. Біз түгіл, Ерекене дейін істеген талай басшылардың да тауы шағылған деп жарыса сөз сабактаған.

Облыстық атқару комитетінің төрағасы осы арада: “Жағдайларыңыздың алдағы кезенде де жақсара беретініне сенімдімін, баршанызды қуантып қояйын, биыл сіздерден аудан орталығына дейін асфальт жол салатын болдық, тиісті қаржы бөлінеді” деп жиналғандардың көңілін бір көтеріп таставады.

Айтқандай, кешікпей жол құрылышы басталып та кетті. Азғантай ғана уақытта жыирма шакырымға киыршық тас төселип, бес шакырымы асфальтталған еді, әттен ... Әттен, соның бәрі адыра қалды. Бүгін сол игіліктердің бірі де болмағандай.

“Бәріне сен кінәлісін!” Астағапыралла! Сайлаудың дауысы. Жоқ, басқалар да косыла шуласып жатқандай: “Сен кінәлісін. Сен кінәлісін!!!” Ол екі аяғын бауырына алып, бүрісіп жатыр. Көзі ілінер емес. Өткен күндерге

оралған сайын неше түрлі ойлар кеуде тұсын тырналап, жанын көзіне көрсетуде.

... Сол күні директор, парторг үшеуі кабинетте ұзак отырған. Директордың кейбір сөздері мұның ақылына конып жатқан жок.

— Жағдай жыл сайын емес, күн сайын өзгеріп барады. Нарықтың заны басқа, бүгін болмаса ертең көптеген ұжымдарда меншік иесі өзгереді. Көштен қалмау керек. Егер қазір кеншарды жекешелендіріп алмасақ, ертең бәрінен де айырыламыз... Жекешелендіру! Бұл не нәрсе? Ұжымды жеке меншігіне алғысы келе ме? Сол күні де осы сияқты неше түрлі сауалдар мазалап, түннің бір уағына дейін дөнбекшіп ұйықтай алмаған. “Жок! Оған жол беруге болмайды. Бұл дегеніңіз баяғы бай мен кедейдің заманына қайта оралу ғой. Олар бар байлықты бауырына басып қалып, мына қалың елді уысына ұстамақ қой. Осында кейбіреулер: Біздің директордың арғы аталары бай болған көрінеді. Ел басқару мұның қанында бар – деп жүруші еді, сол әніне қайта басқысы келе ме, қалай? Жок, оған жол беруге әсте болмас.” Осындай ойлардың жетегіне ерген ол директорды аяқ астынан қалай жек көріп кеткенін анғармай да калды.

Күбір-күбір, сыйыр-сыйыр, әйтеір, бір әрекет жасалып жатқаны анық. Бірде “Құжаттары дайын болуға жақын екен” дегенді құлағы шалып қалған. Былайғы жұртқа екі дүние бірдей сияқты: әркім өз жұмыстарымен жүріп жатыр. Директор осы ауылды тік қотарып, көшіріп әкетсе де тырс ететін түрлері жок. Бүгін солайы солай-ау, ал ертең болар іс болып, бояуы сінгеннен кейін бәрі де сандарын соғып шыға келді. Сонда: “Жарайды, біз қаранды халықты, ал сендер қайда болдындар, ай қарадындар ма?!” деп сөгулері хак. Мұның тубі жақсылыққа апармайды. Қарап отырмай бір амалын ойластыру керек, ертең құжаттар жоғары жаққа кетіп қалса, кеш болуы да мүмкін. Қап, осындайда қасында ақыл қосатын бір жанның да

Болмаганы киын екен. Кім бар, осы ойларын кімге сеніп, жеткізсе екен? Ойға алдымен партком хатшысы Нұржан Ішіножаұлы оралған. Эй, содан ештеге шыға қоймас, қашан көрсөн де директордың аузына қарап, сілекейі шүбырады да отырады. Өзінікі деген бір пікірі жоқ қой. Іуқталтердің не ойлағаны бар екен. Есеп-кисаптың бәрі соның қолында емес пе, жекешелендіру деген пәленің не екенін бір білсе – сол білетін шығар. Оның үстіне Асхат мұның немере інісі, оған сенбекенде кімге сенеді?

Асхат бәрінен хабардар болып шықты.

Күнде ауданға, облысқа шауып жүрғой, не шығара-ның кім білсін, – деген ол шегір көздерін бұған қадап.

– Осының айтып жүргені не нәрсе, сен маған соны түсіндіре аласың ба?

– Оны түсіндіретін ештеге жоқ, мына кеңшарды са-тып алғысы келіп отыр. Бәріне өзіміз ие болуымыз керек, соңда өндірілгеннің бәрі осы жерге қалады, игілігін өзіміз көреміз дейді.

– Өзімізді кімдер, бізге де бірдене тие ме?

– Ол жағын ашып айтпайды, әйтеір, байлықта, билік те бір қолға көшу керек деп отырғой.

– Сенің өзіннің не ойлағаның бар, мендей емес, оқы-ғап-тоқығаның молғой, ертең далада қалмаймыз ба?

– Алтеке, бұл түске де енбеген нәрсеғой. Қайдағының кайдан шығарып отырғаның бір алланың өзі білсін. Қашан көрсөн қолынан кітабы түспейді. Екі сөзінің бірі – шетел. Шын байлық соларда дейді. Кейде өзімен әңгімелесуге де қорқамын. Ашып айтпаса да бәріне карсы сиякты.

– Менің білуімше осындай сөз шығарып жаткан бірде-бір директор жоқ. Осының сандырағына еріп, әліптің артын бағып отыра береміз бе, ел емеспіз бе, өршіп кетпей тұрғанда қойдыру керек шығар.

Асхат үндеңдегі қалды. Оны келіскендіктің белгісі деп үқкан Алтай:

— Енді қимылдамасақ, кеш қалуымыз мүмкін, халыкты қөтерейік, жиналыс өткізуіміз керек, деп ойындағысын бір-ақ актарды.

— Сосын?..

— Айтсын халыққа не ойлап жүргенін.

— Халық деп отырғаның, анау Жексен, Бейсендер ме, олар мал емес пе, қайда айdasан, сонда жүретін.

— Басқалар да бар ғой, мына өзіміздің Әутектен шыққандардың бетін бері қаратсақ, сонын өзі жетіп жатқан жоқ па, солар косылып кетті бар ғой, директорының шләпісін теріс айналдырып жібереді.

— Алтеке, бұл арада қызбалыққа салынуға болмайды, бәрін ойластыру керек, директордың да арқа сүйейтін адамдары осында да, жоғары жақта да жетіп жатыр.

— Е, ондай адамдар бізде жоқ па, ауданда да, облыста да отыр ғой, шакырайық бәрін, ақылдарын айтсын. Қалай десен де бүгін қимылдамасақ, ертең кеш болады.

— Сонда не, істейміз?

— Жатпай-тұрмай халықпен жұмыс істеп, солардың көзін ашу керек. Мынау бізге енді директор болып онбайды, шығару керек жұмыстан.

— Жұрттың бәрі бізді колдай қойса жарайды ғой?

— Колдайды, осында оның басқан ізін андып отырғандар аз емес. Басшы болғасын жұрттың бәріне бірдей жағу киын ғой. Білемін, осында өкпесі кара қазандай болса да, іштен тынып жүргендер бар. Алдымен соларды қөтеру керек. Ана өзіміздің Теміrbай қолдамайды дейсін бе, колдайды, осы директордың кесірінен баласы тұрмеде отырған жоқ па? Сол сияқты Биғожаның балаларын да сыйғызыбай қанғыртып жіберген жоқ па? Тізе берсек бір ауыл болып шыға келмей мә?..

— Теміrbайдың баласы сотталса, өзі кінәлі. Директор оған қандай жақсылық жасамады. Орактың озаты деп жолдама беріп, сонау Австрияға да жіберді, жұрттың колы кілемге жетпей жатқанда машина мінгізді. Соның бәрін

бағалады ма, араққа салынып, ақыры мас болып жүріп біреудің баласын басып кеткен жоқ па?

— Солайы солай ғой, бірақ “Бас жарылса бөрік ішінде, кол сынса жен ішінде” дегендей, алып қалуға болатын еді ғой.

— Биғожаның балалары да онып тұрған жоқ, біреуіне ғызметтік, екіншісіне мал дәрігерінің қызметін берді. Бірақ екеуі не істемеді, қосылып алғып, бір отар койды сатып тауса жаздаған жоқ па? Қайта аман кетті де...

— Оны сен білесін, мен білемін. Басқалар үшін бәріне директор кінәлі.

Қанша бұлғактағанымен, Асхат ағасының айтқандарынан шыға алмаған. Ақыры, екеуі өздеріне қараған сенімді деген адамдардың басын қосып тағы бір ақылдасуға келісті. Неше тұрлі ойлар бүйірін қыздырған Алтай директордың ауылда жоғын пайдаланып, ағайындардың басын сол күні-ак қосып жіберген.

Бұл жолы алыстан орағытқан жоқ:

— Директор кеншарды сатып алайын деп жатыр, естідіндер ме? — деп төбеден түскендей қоя салды.

— Сатып алғаны қалай, соншама ақшаны қайдан алады?

— Бұрын-сондық көз көріп, күлак естімеген нәрсе. Сірә бірнеше жылға қарызыға алады білемін.

— Анада әйелі осы маңайдағы ауылдардың тұрғындарының купондарын сатып алып жатыр деп еді, рас болып шықты ғой.

— Сатыпалса, оған біздің неміз кетеді? Үкіметке де істеп жатырмыз ғой, әлгі кім айттып еді “Бізге пролетариатқа бәрібір, бұғаудан басқа жоғалтатын түгіміз жоқ” деп, екі колға бір жұмыс қайдан болса табылар.

Мұны айтқан Сайлау еді. Сайлау Алтайға бөтен емес, екі үйінің бірі десе де болады. Бірақ осылай кейде бүйректен сирак шығаратыны бар. Алтай жақтырмай қалды.

Сайлау, сенін осы орынсыз жерде ойының келе қалады екен. Елдің тағдыры таразы басына тартылып отырылғанын түсінесін бе? Директордың ынғайына жығыла кетсек біріміз құл, біріміз құн боламыз.

Алтайдың сөзін бухгалтер іліп әкетті:

— Алтекен екеуіміз осы мәселенің төнірегінде көп әңгімелестік. Расында да ойлануымыз керек. Ата-бабамыздан қалған игіліктерді көлденен қек аттыға ұстата салғанымыз қалай болады? Тіпті осы ауылдан шыққан жан болса бір, сірә. Ертең маңайға құлкі болмаймыз ба?

— Төрт тағандап қирап жатқан шаруашылықты аяғынан түрғызыған сол директор емес пе еді, осы ауылданда біраз адам басқарды ғой, керемет болса солар қайда қалған? Енді есімізді жиып алған соң келімсек деп мұрнымызды шүйіргеніміз қалай болады? Мен сіздерді түсінбей отырмын.

— Сәке, алдымен тыңдап алсаңызшы, осы арада бөтен адам жоқ, біз сіздерге жамандық ойладап отырғамыз жоқ. Ақылдасайық деп шакырдық.

— Ал, тыңдадым, — деді Сайлау тағы не айтасындар дегендей.

— Тыңдасан, осы аттадан қалдырмай азаматтар жиынын өткізіп, директорға сенімсіздік білдіруіміз керек. Келген жағына кетсін. Бұл арада басқа таңдау жоқ. Райынан қайтып, жұмысында қалса да енді бізге құн көрсетпейді ол.

Осы арада Сайлау шыдай алмай кетіп тағы да сөзге араласты..

— Маған сендердің бұларын ұнап отырған жоқ. Отпен ойнап отырсындар. Мына сөздеріне қарағанда сүттей үйіған елдің шырқы бұзылайын деп тұр. Бұларың не қылғандарың, директордікі теріс болса, парткомы, профкомы бар, шакырып алып сөйлеспейсіндер ме? Сырттан тон пішіп, аяғынан шалмақсындар ма? Мен бұларына косыла алмаймын. Алтай, осы сөздің бәрі сенен шығып

отырған сияқты. Жұрттың обалына қаламын деп қорык-шайсың ба? Кеше ғана директормен екеуің бір-біріңсіз тاماқ ішпеуші едіндер ғой. Арапарынан кандай қара мысық жүтіріп өтті, оны мен білмеймін, білгім де келмейді.

Осылай айтарын түйдек-түйдек актара салған Сайлау үйден шыға жөнелді.

— Кетсен, кете бер, сенің намыссыз екенінді баяғыда-ақ білгем, ағайын болған соң қимағандықтан шакырып едім, сенің орныңа бір қурай...

— Алтеке, қайтесіз, Сайлаудан басқа ешкім сіздікі жөн емес деп отырған жоқкой. Ағайындар-ау, сендер неге оқтау жүтқандай үндемейсіндер? Жұртқа қарап сөйлеген Асхат Әутектің бүгінгі үлкені трактор-егіс бригадасының бригадирі болып істейтін Талғатқа қарады. Басшылардың алдында көп сөйлеуге дағыланбаған Талғат:

— Сөйлегенде не қыл дейсіндер, жағдайды бізден гөрі өздерін жақсы білесіндер. Біз сендердің айтқандарыннан шығамыз ба? Тоқетерін кесіп бірақ айтындар, — деді қипактап.

Сол-ақ екен басқалар да шулап қоя берді:

— Рас, рас өздерін шешсендерші.

— Біз не білеміз, айт дегендерінді айтайық. Қол көтеру керек болса, көтерейік. Он жерден директор болса да, ағайынды айырбастамаймыз ғой.

— Онда былай болсын... — Алтайдың дауысы қаттылау шықты. — Жұма күні жиналыс өткіземіз, жұртты түгел жинау керек. Оған дейін бәрін ағайын-туған, көршиқолан бар деген сияқты, халықпен жұмыс істеулерін керек. Түсіндіріндер... Біреу-міреу бұра тартып сөзіміз өтпей жатса ереуілге дейін шығамыз. Сосын көпке күл шашып көрсін.

— Тым артық кетіп, бірдемені бұлдіріп алмайық.

— Тұқ тे бұлінбейді, Горбачевтың өзі күнде айтып жатқан жоқ па, демократия, жариялыш деп, корқатын ештеңе жоқ. Керек болса ЦК-ға да жазамыз.

Алтай сол түнде көз ілген жок. Ереуіл комитетінің, жиналыста сейлейтіндердің тізімін жасады. Қойын кітапшасына сырттан шакырылатын адамдарды да тұртіп алды. Аудан басшыларын, газеттерден тілшілер шакыру керек. Қайткен күнде де есін жинай алмайтындағы етіп соғу керек. Директорға кім дос, кім қас дегенге де жауап іздеп, өткен-кеткен біраз оқиғаларды еске түсірді. Есептеуінше іштей тынып, қойынына тас тығып жүргендер толып жатыр. Соларды шапқа тұрт те, қызығына қара да отыр. Көп түкірсе, көл емес пе, тұтіп жейді...

Осылай “Бірліктे” дүрбелең басталды да кетті. Облыска хабар берілді. Ауданға аттанған екі ардагерді аудандық партия комитетінің бірінші хатшысы өзі қабылдапты. Омырауларында орден, медальдары саусылдаған майдангерлерге не десін, “Барамын” депті. Істің мән-жайына терен бойламай көне кеткеніне қарағанда, “Бірліктің” директорын корғайтын түрі жок. “Олжабай Тентекұлы Сағынов кететін көрінеді, оның орнына Ерлік Бәйкенұлы бірінші хатшы болады екен” деген сөздерді оның құлағы шалмады дейсін бе, іштей тынып, тісін қайрап жүрген ғой, “Құланның қашуына мылтықтың басуы” деген осы болады. Жан-жаққа шапқылап кеткен шабармандары кіріп шықкан сайын Алтайдың іші жыли түседі: “Әй, бәлем кімнің бай болғанын көрейік, әзірше бәрі ойдағыдай, Сайлау сиякты директордың сөзін сөйлеп жатқан ешкім жок. Осыдан кейін Ерліктің өзі де мұнда қала қоймас. Демек, оның орны міндетті түрде босайды. Осы оқиғадан кейін сырттан біреудің келе коюы неғайбыл, ал ауылда директорға лайық кім бар? Бас зоотехник, бас инженер... Институтты бітіргендеріне екі-үш жыл ғана болған ол бозөкпелерге ешкім шаруашылықты сеніп тапсыра коймас. Парторг ше? Оны қойса баяғыда-ақ тағайындар еді ғой. Осы жолы кезек өзіне келген шығар. Жасы келіп қалды демесе... Жасы ұлғайса, оның несі бар, талайлар отыр ғой”.

Ганертенгі онға белгіленген жиналыс уақытында бастап кете қойған жок. Жайшылықта жиналыс десе төбе көрсете қоймайтын халық бұл жолы тез жиналды. Мәденист үйінің үлкен залына лық толды. Аудандық, облыстық газеттердің, теледидар мен радионың тілшілері де осында. Алтай даға жұз шығып, жұз кірді. Аудандық партия комитетінің бірінші хатшысы мен келмей бастамаңдар деп қатты тапсырған. “Неге кешікті еken? Әлде жағдай өзгеріп қалып жатыр ма?..” Бір кезде араның ұясында шуылдаған халық тым-тырыс бола калды. Іле бірінші хатшы да көрінді. Жалғыз емес, аудан басшылары тайлы-тұяғымен түгел келіпті. Арапарында бұл танымайтын тағы екі-үш адам бар. Конактар орналасып, зал тынышталғаннан кейін президиумда аудандық партия комитетінің бірінші хатшысының сол қолын ала отырған кеншар партия ұйымының жетекшісі орынынан көтерілді:

— Жолдастар! — деп тамағын бір кенеп алған ол кеншар ұжымы мүшелерінің жалпы жиналысын ашық деп жариялады. Сосын аудандық партия комитетінің бірінші хатшысынан бастап жиналысқа сырттан келгендерді түгел таныстырып шыкты. Алтай шырамыта қоймаған үшеудің біреуі облыстық партия комитетінің ауыл шаруашылығы бөлімінің менгерушісі болып жақындағана тағайындалған Степин еken, екеуі облыстық прокуратуралың қызметкерлері болып шыкты.

— Күн тәртібінде бірақ мәселе: “Бірлік” кеншарындағы моральдық-психологиялық ахуал туралы. Сөз кеншар директоры Ерлік Бәйкенұлына беріледі.

Сол-ақ еken зал шу ете түсті.

— Оның сөзінің бізге керегі жок!

— Алдымен ереуіл комитетін тындеймый!

— Директордың не айтатыны белгілі!..

Залдың орта тұсында отырған жастар жағы еліріп барады. Кейбіреулері тіпті сәкіні тепкілей бастады.

— Жолдастар! Жолдастар, тынышталыңыздар, тәртіп сактайық!

– Сөз ереуіл комитетіне берілсін! Басқаларды тында-
маймыз!

– Жақсы, жақсы, келісіп алайық. Сырттан адамдар бар
екенін ұмытпаңыздар, үят болады.

Бастырмалата сөйлеген партком хатшысы не істейміз
дегендей қасында отырған аудан басшысына қарап еді,
анау дегендері болсын дегендей бас изеді.

– Онда сөз кеңшар кәсіподак ұйымының төрағасы Ал-
тай Сәлиевке беріледі.

Ешкім шақырмаса да президиумдағылардың сыртын
ала отырған Алтай лып етіп мінбеге көтерілгенмен, бір
сәт аузына сөз түспей тұрып қалды. Жүргегі аузына тығы-
лып, құлағы шуылдан кетті. Залда тырс еткен дыбыс жоқ,
ұшқан шыбынның ызыны естілетіндей тыныштық. Бәрі
бұған қадалып қалған.

– Алтай Мәлікович, бастай беріңіз. – Партком хатшы-
сының осы сөздерінен кейін ғана есін жиған ол:

– Жолдастар, бұғін біздің ұжымның, ұжымның ғана
емес-ау, әрқайсымыздың тағдырымыз шешілетін күн, –
деді. – Өздерініз білесіздер, кәсіподак – халықтың ұйымы,
ол әркашан еңбекшілердің мұддесін қорғауға тиіс. Өз
басым осы дау-дамайға араласпай-ақ қояйын деп едім,
халық ҫұраған соң олардың тілегін аяқсыз қалдыра ал-
мадым. Ал, мәселенің мәнісіне келсек, осында отырған-
дардың біреуі естісе, біреуі естімеген шығар, осыған дейін
шаруашылықты басқарып келген Ерлік Бәйкенұлы кең-
шарды сатып алуға әрекет жасап жатыр. Мен бұған үзілді-
кесілді қарсымын. Ай жарық, күн ашықта жалшылықтың
камытын қайта кимекпіз бе? Сонда біздің әкелеріміз ке-
шегі Отан соғысы кезінде не үшін қан төкті. Осының бә-
рін өзіне түсіндірмек болған едік, онымыздан түк шықпа-
ды. Директор алған бетінен қайтар емес. Бар айтатыны:
“Сіздер жағдайды бағалай алмай отырсыздар, шетелдің
экономикасының қозғаушы қүшіне айналған нарық бізге
де келе жатыр, бұғін кисылдамасақ, өз дүниемізге өзіміз

иे болмасақ кеш қаламыз” дейді. Менінше, мұның бәрі бос сөз, халықтың мәндай терімен жиналған игіліктерді пайдаланып кетудін айла-шарғысы.

— Тұтас бір шаруашылықты сатып алатын ақшаны қайдан алмақ?

— ...

— Иә, иә, директорды айтамын!

— Ол жағын мен білмеймін. Өзі осында отыр ғой, қайдан алатынын айттар, мүмкін ондай ақшасы бар да шығар. Бірақ, мәселе онда емес. Біз өз елімізді сактап қалуымыз керек. Түсінген адамға мұның өзі қарғыс атқыр капитализмге кайта оралу емес пе? Баяғыда Ленин бабамыз халықты құлдықтан құтқарамын, капиталистік елдер анталарап тұрса да жеке бір елде социализм орнатамын деп жан ұшырса, біздің директор соның бәрін сатып аламын дейді. Осы сау адамның сөзі ме?! Бұл дегенініз – нағыз сандырак, саяси көрсөкүрлік. Олай болса, жолдастар, бұдан былай мұндай адамға сене алмайтынызды осы арада ашық айтуымыз керек.

— Дұрыс айтасың! Қайдан келсе, сонда кетсін, табанын жалтыратсын!

Топтың ортасынан тағы да сөз тастаған Наурызбай малақайын қыса ұстап, кәдімгідей екіленіп тұр. Талай жыл жергілікті халық театрында ойнаған қу ғой, рөліне еніп алыпты. Тіпті бірдене десен, білегін сыйбанып төбелесіп кететін тұрі бар. Көзін ойнакшытып, кояншығы ұстаған адамдай қалш-қалш етеді. — Қарай гөр, бүкіл елді сатып алып, бәрімізді жұмысқа салып қойып, үйінде шалқып жатпақ қой. Ол болмайды!..

— Нәке, Нәке, сабыр сақтаңыз, сөзімнің сонында айтадырым ұжым мүшелері директорға сенімсіздік білдіріп отыр, бұдан былай ол кісімен жұмыс істей алмаймыз. Аудан, облыс басшылары бізге осы мәселені шешіп берсе, елдің тыныштығы сакталады, ал болмаса іс насырға шабады.

— Алматыңа да, Мәскеуінде барамыз!

Наурызбай тағы айғайға басып, көтеріле беріп еді қасында отырған біреу етегінен тартып әзер отырғызыды.

— Масқара ғой, масқара! Тіпті адамның қанын қыздыратын іс кой, мынау! Бүкіл ауылыңды үрім-бұтағынмен сатып аламын дегені қай қорлағаны!

— Алтай Мәлікұлы, сіз болдыңыз ба?

— Иә, болдым.

— Онда ...

Партком хатшысы келесі сөзді кімге беремін дегенше, мінбеке Сансызбай Ахметов көтеріліп кеткен. Келісім со-лай болатын. Жігіттер бірінен сон бірі сөйлеп, залдағыларға ес жиғызбауға тиіс. Сансызбай Алтаймен аталас, ауылдағы пысықтардың бірі, төрт кластық қана білімі болса да, бәлен жылдан бері бригададағы есепшілікті ешкімге бермей келеді. Өзі көп оқиды, қайдағы-жайдағыны біледі.

— Бәріміз де жағамызды ұстап отырмыз, — деп бастады ол сөзін. — Директорымыз іскер, жұмыстың жайын біледі деп жүрсек, көрешекті дайындал қойған екен ғой. Бұл шынында да “пан или пропал” болатын кез. Бізде таңдау жок, не директордың айтқанына көніп құл боламыз, не ... Осы бізде намыс бар ма?! Эй, жоқ-аудеймін. Эйтпесе айдаладан қаңғып келген шүрегей қалың елді сатып аламын деп айттар ма еді? Ойланатын ештене жок, жұмыстан шығару керек. Елдің шырқын бұзбайтын басшылар бар шығар, солардың біреуін әкелу керек.

— Мен де осы пікірді қолдаймын. — Сансызбайды Женіс іліп әкетті. — Бірак, осы, директорды сырттан әкелуді кою керек. Немене, өзіміздің жігіттердің көзі сокыр, аяғы қисық па? Қолынан іс келетін жігіттер өз арамыздан да шығады. Сырттан келгендерден не пайда? Осы ауылға неше директор келмеді? Қазір солар қайда? Бәрі жеп-жеп, койны-қонышын толтырып тайып тұрған жоқ па?

– “Бажылдақ кайда?” – Алтай залдан жұрттың бәрі ғажылдақ деп кеткен Құлзираны іздей бастады. Қазір сол сойлеуге тиіс. Бажылдақ десе бажылдақ, біреу қылқындырып жатқандай қиқулатқанда жаңынды қоярға жер таппайсын!

– Құдай бар екен ғой, әйтпесе Ерлік біздің сөзімізді тыңдалап осылай отырар ма еді? Тіпті осы отырған халықты мал құрлыш көрмеген ғой. Сатып аламын дегені қай сасқаны? Мейлі, үкімет беріп жатса, ала қойсын. Мәселе онда емес. Мәселе оның кіслігінде, анада ауданға барайын деп жолға шығып едім, тоқтамай өте шықты. Күнде әйелі мен бала-шағаларының астынан түспейтін машинасының бір бұрышына отырғыза салса, немене сыры түсіп қалатын ба еді?

Жұрт ду құліп жіберді. Тынышталындар дегендей, партком хатшысы қолын көтерді.

– Апай токетерін айтыныз.

– Токетері сол, бұл директорды шығару керек. Орнына мына өзіміздің Алтайды қою керек. “Бұлдірді, бұлдірді”. Кәсіподак төрағасы жұрттың назары өзіне ауғанынан қысылғандай, аудандық партия комитетінің бірінші хатшысының артына тығыла түсті. “Мыналар көр-жөрді айтып кетті-ау, Қадіржан қайда, Қадіржан?..”

Мінбеге келіп қалған Қадіржан бажылдақ түсер-түспесте гүжілдей жөнелді.

– Директорымыз кеншарды сатып аламын деп жай айта салып отырған жок. Өзіне-өзі сеніп отыр. Өздерін ойландаршы, осы ауданда біздің директордан басқа “Волга” мініп жүрген басқа басшы бар ма? Ондай машина мына аудандық партия комитетінің бірінші хатшысында да жок. Жай іштей тынып жүрміз ғой. Эйтпесе бұл баланың оғаш қылқытары толып жатыр. Анада Қостанайдағы құдама барып келейін деп көлік сұрап едім, орак жүріп жатыр деп бермеді. Сонда орак кезінде ешқайсымыз ешқайда шықпауымыз керек пе? Жарайды, оған да көндік.

Менің ана көршімнің баласы неге асылып қалды? Соны ойлағандарың бар ма? Директор арак іштің деп астындағы машинасын сыйрып алып, ел-жүрттың алдында маскара қылған жоқ па? Айта берсек, осындай қылыштары толып жатыр. Жұмыстан босату керек деген ұсынысты мен де қолдаймын.

Төрде отырғандарда үн жоқ. Парторг те тізгінді босатып алғандай, ешкімге тоқтау айтар емес. Шығам дегендер шығып, сөйлеймін дегендер сөйлеп жатыр. Бәрінің айтатыны: Бұдан әрі бұл директормен жұмыс істей алмаймыз, бізден әкетіндер...

Алтайдың көзі бір кездे Сайлауға түсіп кетті. Қабағын түйіп алыпты. Бір қарағанда басын шайқап отыр еді, енді бір қарағанда маған да сөз беріндер дегендей, қолын көтеріп отырекен. “Мынау бірдемен бұлдірмесе жарап еді”. Алтай қылпылдай бастады.

Сайлаудың сұстануы тегін болмай шықты. Райынан кайтпапты, бірден қатты кетті.

— Ауылымыз іштей әбден шіріген еken. Бәріміздің де жаулық жамылуымызғана қалыпты. Не деп отырсындар? Жақсылықты тез ұмытқандарың қалай? Кеше осы кеншар көштің соңында қалып, қирап жатқанда көтеріп алып, катарға қосқан осы Ерлік Бәйкенұлы емес пе еді. Кәне, айтындаршы бір жылда отыз үй тұрғызып, отыз шаңыраққа қуаныш сыйлаған қай директорың бар? Ана жылдары сепкен тұқымымызды да ала алмай қалғанымыз өтірік пе? Құдайға шүкір, осы директор келгелі Жер-Ана да иіп тұр, соңғы жылдары гектар шығымдылығы 20 центнерден төмендеп көрген жоқ. Өткен жылды 2 комбайншымыз аудандық жарыста көш бастап, бірі “Жигули”, бірі “Нива” мінген жоқ па? Осының бәрі кімнің арқасы? Оны мен айтпасам да, іштерін сезеді. Солай бола тұрса да, істің байыбына барып алмай, байбаламға басып, бүкіл елге жаман аттарынды шығарайын деп отырсындар. Қөржөрді теріп кімді мұқатамын дейсіндер. Қадіржан, сен

Командиректор “Волга” алды деп сөктің. Онда тұрған не
шып Мүмкіндігі болды, алды. Алып үйіне апарып тығып
біттіл жоқ қой, шаруаға мініп жүр. Жоқтан өзгені сөз
шыныңдар. Мыналарың іс емес, мұның аяғы жақсы-
шында апармайды. Құдайдан қорықсандар етті. Сосын
шының бір түсінбей отырғаным, осы жиналысқа ауданнан,
шының жауапты қызметкерлер келіп отыр. Олар неге
үшіншемейді? Тым болмаса алдымен директордың өзін тын-
шының барып, жиналыстарынды жалғастырмайсын-
шып ма?

Осылай залда отырғандарға шүйліккен Сайлау “Ойла-
шындар, елдің обалына қалмандар” деп мінбеден түскен
бүшін орына оралмай залдан шығып кетті.

Осыдан кейін мінбеге ешкім үмтыта қойған жоқ. Бәрі
біттіл қалғандай. Партком хатшысы аудан басшы-
сымен күбірлесіп-сыбырласып алғаннан кейін ғана: “Сөз
шының директоры Ерлік Бәйкенұлына беріледі” деді.

Директор мінбеге қөтерілгеннен кейін сөзді бірден
біттіл кеткен жоқ. Залда отырғандарды бастан-аяқ шо-
ның шықты. Кейбіреулер бұған “ә, бәлем қалай екен?”
дегендей, кекесінмен қараса, жаңарларын тайдырып
жеттіл жатқандар да бар...

Бұл мәселені мен жай да ұжымның жалпы жиналы-
смын ұсынғалы жүр едім. Бірақ кейбіреулер алдымды
орал кеткен сияқты. Олар шынында да мәселеге терең
біттіл жатқан жоқ. Жекешелендіру дегеніміз шаруашы-
лықты сатып алу емес. Біз бүгінгі күнді ғана ойламай, ер-
тегіне де көз жүгіртуіміз керек. Осы тұрғыдан алғанда
шаруашылықты неғұрлым ерте жекешелендірсек, соғұр-
шым ұтарымыз да көп болады. Қазір қайда болмасын өн-
шірісті қайта құру жүріп жатыр. Ол бізді де орап өтпейді.
Егер соған дайын болмасақ, ертең бәрінен бір-ак күнде
айырылып қаламыз. Көбінізге түсініксіз нарық деген сөз
бүгін оқта-текте ғана ауызға алынса, ертең өз әмірін жүр-
ті келді. Тағы да айтамын, жекешелендірудің түпкі мәні –

жиналған иғліктерді халықтың өзіне кайтару. Осыдан бас тартсаныздар, өздерініз білесіздер. Бұл, сайып келгенде, ұжым мүшелерінің еркімен жасалатын іс. Егер сіздер мені қолдамасаныздар, сенімсіздік білдірсөніздер, мен қызметтімнен бүгіннен бастап кетуге әзірмін.

Осы сөздердің бәрін директор жанарын бір сәтте төмен түсірмей жұртқа қарап айтты. Залдағылар біршама сабаларына түсіп қалғандай, қебінің бастары салбырап кеткен.

— Мен колымнан келгенше партияға, осы отырған халыққа адад қызмет еттім. Сіздерге ренішім жоқ. Осы жиналыстан кейін жұмыстан босату жөнінде өтінішімді жазбаша беремін.

Әсіресе, соңғы сөздеріне салмақ сала сөйлеген директор тағы бірдене айтпак болып, аузын аша бергені сол еді, оны аудандық партия комитетінің бірінші хатшысы киіп кетті:

— Сіз, Ерлік Бәйкенұлы, олай осалдық танытпаңыз. Сізді директорлыққа халық сайлаған жоқ, Қазақстан Компартиясының Орталық Комитеті бекіткен. Бұл не сөз? Кетемін, өтініш жазамын... Кімді коркытасыз? Қажет болса, біз партиялылығынызды қараймыз.

Бірінші хатшы осылай күркірәй сөйлегенде жиналған халық сілтідей тына қалған. Осыны пайдаланып қалғысы келді ме, енді аудан басшысы залдағыларға шүйлікті:

— Жалпы бұл не жиналыс, сіздерге оны ұйымдастыруға кім рұқсат берді?! Ереуіл комитеті деген не сүмдық! Мұның аяғы неге әкеліп соктыратынын білесіздер ме?! Бұл — партияға, үкіметке қарсы шығу деген сөз. Отпен ойнап отырсыздар. Біз мұны аяқсыз қалдырмаймыз, кінәлілерді табамыз, жазалаймыз!..

Бірінші хатшы осылай зіркілдей берер ме еді, кім білсін, қасында отырған қасқабастың ерні жыбыр ете түсті. Сол-ақ екен хатшының дауысы жұмсарып:

— Соңғы бір айда ғана осы кеңшардан директордың үстінен түрлі ұйымдарға он шағым түсті. Олардың бәрі мұқият тексеріледі. Хатта айтылған жайлар анықталса, өрине, директорды да ешкім мандайынан сипамайды. Прокурорға да, басқа да құқық қорғау органдарының басшыларына бұл жөнінде тапсырмалар берілді, — деді.

Бірінші хатшы осылай екпінін сәл басқанмен біраз жерге барып келді. Жиналғандарды КОКП Орталық Комитетінің Бас хатшысы Михаил Сергеевич Горбачевтың игі бастамаларына іспен жауап беруге шақырып барып бір-ак тоқтады.

Партком хатшысы жиналысты жабық деп жариялады. Сол-ақекен жұрт үн-тұнсіз тарай бастады. Сырттан келгендер де көп бөгелген жоқ, сарт-сұрт машиналарына отырып, көшенің шаңын көтеріп кете барды.

Сол түнде талайлар ала-құйын ойға беріліп, көз ілмей шықкан шығар. Осы дүрбелен басталғаннан бері үйқыдан айырылған Алтай да дөңбекшумен таңды атырды. Тұқ түсінсе бұйырмасын. Не деп кетті өздері? Тақттың бір ұшы келіп өзіне тимесін... “Табамыз, жазалаймыз” деді ме... әйтеуір, не десе де қорқытып кетті. Қарға қарғаның көзін шұқымайды. Ертен директор орнында қалса, енді бұған күн жоқ”.

Осылай талықсырап жатып көз ілген Алтай құндейі әдетімен ерте тұрып, шайын ішті де кенсеге беттеді. Ди-ректор лездеме өткізуге тиіс. Одан калуға болмайды. Қалса жеңілгені. “Кеше ереуіл комитетінің бастығымын деп өзеуреп еді, бетіне қалай қарайды. Басқалар қайда екен? Жайшылықта телефонда маза болмаушы еді. Кеше жиналыстан кейін бір адам хабарласқан жоқ. Жалғыз қалып жүрмесін...”

Лездемені директордың орынбасары Зекеш өткізді. Ди-ректор қайда деп бұлар сұраған жоқ, анда кетіп еді деп ол да тіс жара коймады. Ди-ректор келесі күні де, одан әрі де төбе көрсете коймады. Сол-ақекен жиналыстан кейін

сәл саябырлаған гу-гу әнгіме тағы өрши жөнелді. Біреулер “Директор ауырып қалыпты” десе, енді біреулер “облыс, одан әрі Алматыға кетіпті, басқа шаруашылыққа ауысатын көрінеді” деп даурығысты. Не десе де, директордың жұмысқа шықпауы тегін емес...

Ақыры директордың кететіні рас болып шықты. Рас болғанда хабарын директор көшіп кеткеннен кейін бухгалтерден бір-ақ естіген. Исті орынбасарына өткізіпті. Эзірше директордың кім болатыны белгісіз көрінеді. Алтайдан тағы маза кетті. “Мынадай айғай-шудан кейін кімнің жүрегі дауалап осы жаққа келе қояды дейсін. Осыннан біреуді қоятын шығар. Мұнда кім бар? Мамандардың бәрі оны мен солын танымаған жастар”. Көз алдына бір сәт директордың жұмсақ орынтағы елестеп кетті. “Жана “Волганы” қалдыра ма екен? Әлде бірінші хатшының өзі мініп ала ма екен?”

Арада бір айдай уақыт өткеннен кейін ауданнан “Ертең танертеңгі сағат онда жалпы жиналыс болады, бірінші хатшының өзі қатысады” деген хабар жетті. Оның қандай жиналыс екенін жүрт бірден түсінген. Жана директорды таныстырмак қой.

Айтқандай, хатшы жалғыз келген жок. Залға оған ере кірген жас жігіт президиумда да қатар отырды. Әдеттегідей, бұл жолы жиналысты партком хатшысы ашқан жок, бірінші сөзді аудан басшысының өзі алды.

— Жолдастар, өздерініз де естіп жатқан боларсыздар, “Бірлік” кеңшарының бұрынғы директоры Ерлік Бәйкенұлы өзін басқа шаруашылыққа ауыстыру жөнінде өтініш берген болатын. Оның бұл тілегі қанағаттандырылды. Қазір мына көрші ауданның осы шаруашылықпен іргелес “Ақжол” кеңшарында істеп жатыр. Ал “Бірліктің” тізгінін біз жас маман Ағыбай Шәкіұлы Балғабаев-қа сеніп тапсырғалы отырмыз. Бұл кісі отыздан жаңа ғана асып барады, іскер, алғыр, кеңшарда агроном болған. Соңғы кезде аудандық партия комитетінің екінші хатшысы болды.

Сосын ол жаңа директорға бұрылып:

— Ағыбай Шәкиевич, “Бірлік” аудан ғана емес, облыс қолемінде аты шыққан озат шаруашылықтарымыздың бірі, — деді. — Егіншілік те, мал шаруашылығы да жақсы ламыған. Әсіресе, соңғы кезде мұнда әлеуметтік салада көп он өзгерістер болды. Кеншарда жұмысшы күші жетелі. Тек шешілмеген бір ғана мәселе – ол жол мәселесі. Жаңа өзініз де байқаған боларсыз, бес шақырымдай жерге асфальт төсөлгенмен, жолдың қалған бөлігі кімді де болса қажытады.

Соңғы оқиғалар көз жеткізгендей, ұжымдағы моральдық-психологиялық ахуал да назарда болуға тиіс. Өзінізге сенімді көмекшілер іріктеп алыныз. Біз партком хатшысын басқа жұмысқа ауыстыруға үйіардық, қалғандарын рет-ретімен шеше берерсіз.

Бірінші хатшыдан кейін жаңа директор сөз алды. Көп созған жок. “Бар күш-жігерімді сенімдерінізді актауға жұмылдырамын” деген жаттанды сөзден асқан жок. Жас болса да жүзінен жылылық білінбейді, қабағының астынан қарайды екен. “Тоңмойын біреу болып жүрмесін”.

Кәсіподак төрағасы бұл жолы басшылардың көзіне түспеуге тырысты. Жиналыс жабық деп жарияланып, жұрт жапа-тармағай сыртқа шыққанда да бұл кібіртіктеп арт жақта қалып қойған. Оны іздеңген кісі болған жок. “Сірә, оның да мәселесі шешілген болуы керек”.

Үйге келісімен ішке сыймаған күдігін әйеліне білдірген. Бұрын-сонды әйеліне сыр аша қоймаушы еді. Қарап отырса, казір касында ой бөлісетін адам да қалмапты. Бәрі бұдан қашқақтайтын, өз бастарымен қайғы болып жүрген сияқты.

Рабиға негізінде момындау адам. Қазақ кой аузынан шөп алмайды деп осындайларды айтатын шығар. Қырық жылдан бері әбден сырмінез болып алған әйелі жайшылықта әңгімеге үйіріле қоймас та еді. Бұл жолы кесені ұстаташып жатып “өздерінде де бар” деп қалған.

— Сонда не, ол тұтас бір шаруашылықты сатып аламын деп жатқанда қарап отырайық па?!

— Үкімет өзі рүқсат беріп жаткан көрінеді ғой.

— Үкімет неге рүқсат беріп жатыр, неге бермей жатыр, оны сен менен артық білмейтін шығарсын, бәрі өзінің шығарып жүргені. Негізінде іскер адам демесен, біrbеткей, нағыз кисықтың өзі. Анада жиналыста “Сен Шойманның дөңіндегі жалғыз қисық қайың сияктысың” дегенімде ыршып түсті ғой.

— Қатырған екенсін?! Осында жүрттың бәрі сенін өзінді кисық деп жүрген көрінеді ғой.

— Кімнің аузына қақпак боласын? Мысыкка ойын, тышқанға өлім керек. Мына келген директор не дерекен?

— ...

— Парторг кетті, маған да басқа жұмыс ұсына ма, кім білсін?

— Ұсынса, жарайды ғой.

— Ұсынбаса, тағы мейлі, пенсияға стажым толады, төрт-бес жыл үйде отыра тұрармын. Осында өмір бойы шыбық басын сындырмай, корасындағы малымен ғана құн көріп отырғандараз емес қой. Құдайға шүкір, балалар есті, қызметтері, баспаналары бар. Енді бізге не керек? Не болса да көріп алармыз.

Осылай десе де ол іштей толқулы еді. Қалай дегенмен, өзінің пысықтығының арқасында талай жылдан бері аттан түскен жок. Жемшөп қоймасының менгерушісі, бригадир болды. Кәсіподактың тізгінің ұстағанына да қыруар уақыт өтіпті. Осында келіп-кетіп жатқан талай директормен бірге жүріп, бірге тұрды, дәмдес болды. Сонын бәрі қолдан сусып, көзден бұлбұл ұшайын деп тұр ма, қалай?

Айтқандай ертеңіне мамандарды кабинетіне жинаған директор мұны шакыртқан да жок. “Ереуіл комитеті” деп атын атап, түсін түstemесе де, біраз адам қызметімен қоштасады деп кесіп айтыпты. Осында прораб болып жүрген

Сөлменге ғана сеніммен қарайтын сияқты. Оны өзіне орынбасар етіп тағайындалды. Сәлмен қақ-сокта жұмысы жоқ, жуас жігіт. Айтқанды екі етпейді. Жұртқа сонысымен жағады. Бас бухгалтер жұмысын бас экономистке ғапсыратын болыпты. Бас агроном мен бас инженерді басқа жақтан әкелемін депті. Эйтеуір, не керек, бір адамның аузын аштырмапты. Бас экономистке, прорабка колдау жасағанына қарағанда бұл ауылдағы жағдайды, кімнің кімге жақын екенін біліп келіп отыр. Элде бұрынғы директор Ерлікпен таныстығы бар ма екен?..” Эр нәрсені ойлаумен Алтайдың басы әбден катты. Мұны апта бойы іздеген жан болған жоқ. “Мынаның корлығы өтті-ая? Соңғы жиналыста кәсіподак дегеннің керегі бар ма, осы. Ол кімді кімнен қорғайды деп төбеден жай түсіргендей болыпты. “Мәссаған, “Кәсіподак – коммунизм мектебі” деген қайда!!! Мынау бір әумесер болмасын?!”

Жаңа директордың қайда екенін, немен айналысып жүргенін ешкім білмейді. Келеді, кетеді. Отбасын көшіріп әкелу де ойында жоқ сияқты. Эйтеуір, бір жұмбак адам. Бұрынғы басшылар келісімен ауылдағы аксақалдардың, беделді адамдардың арасынан өзіне кенесші болатындай жандарды іздеп, солармен ақылдасып отыруши еді, бұда ол да жоқ.

Кәсіподак комитетінің мәжілісі де аяқ астынан шақырылды. Алтай күн тәртібін мәжіліс басталғанда бірақ естіді. Бәрін сыртынан пішіп, кесіп қойыпты. Эй-шай жоқ мұны төрағалықтан босатып, орнына бөлімше зоотехнигі болып жүрген Аманаттың Қайсарын сайлады.

Содан кейін Алтай едәуір уақыт кеңсе маңын басқан жоқ. Мұны іздеушілер де табыла қоймады. Сөйтіп, бұрын аспанды тіреп тұрғандай шіренетін Алтай бір күнде ешкімге керексіз болып қалды. “Қорадағы малмен де күн көремін” дегені бекер екен. Үйге кірсе де, далаға шыкса да, жатса да, тұрса да, неше түрлі ой маза бермейді. “Қой, бүйтіп ішкүса болып өлермін. Бұл директорға істеген

жамандығым жоқ қой, кеткенге қарсы шықсам – елдің жайын ойладым. Мүмкін менің жұрт сиякты барып, қайырлы болсын айтпағаным китиғына тиіп қалған шығар. Директор маған келіп жағдайымды ұрамас, өзім барайын, мүмкін кілтшілік болса да бір жұмыс тауып берер”.

Кеңседе көп жағдай өзгеріп қалыпты. Ерліктің кезінде директордың кабинетінің есігі жабылмаушы еді, бұл кіріп келгенде хатшы қыз: “Қазір директор жоқ. Қандай жұмыспен келіп едіңіз, мүмкін басқа мамандар шешер” деп сзыла қалды. “Әдірам қалғыр, кешегі бокмұрын Әспеннің шүйкебасқызы, танымайтын адамдай сөйлеуін”.

– Мен жеке жолығып әңгімелесейін деп едім.
– Ол кісі қандай мәселемен келгенінізді біліп алмай, бәрібір қабылдамайды.
– Баяғы жұмыс мәселесі ғой.
– Онда кадр бөліміне, Әсия Рахметқызына жолығыныз.

– Әсия Рахметқызы? Кадр бөлімі? Әлгі бухгалтердің көмекшісі болған қыз ба?

– Иә, Әсия Рахметқызы – кадр бөлімінің бастығы.
Күнде көріп, бұрын бірдене айтса елп ете түсетін Әсия да жылы қабақ таныта қойған жоқ.

– Өтінішінізді тастап кетіңіз, бір алтаның ішінде шешіліп қалар, – деді.

Амал нешік, өтініш жазып қалдырды да, ұнжырғасы түсіп үйге оралды. Содан бір алтаны өткізіп, кеңсеге тағы барды. Ернін шиедей қылып бояп алған Әсия бұл кіріп келе жатқанда әлде бұған солай көрінді ме, тыржын ете түскендей болды. “Тыржындасан, тыржында бер. Ертеңде күн бар ғой, көрерміз сонда”.

Әсия алдындағы қағаздарды актарыстырып, мұның өтінішін тауып алды да, шекесіне директордың өз қолымен жазылған нұсқаманы оқи бастады.

– Принять скотником.

— Принять скотником?! Ол құлап қала жаздады. “Мынаның корлығы-ай”.

— Қарағым, дұрыстап қарашы, мүмкін мына оқып тұрғаның басқа біреудің өтініші шығар?

— Жоқ, сіздікі, кеше ғана қол қойған. Маған қайтарып тұрып: “Барса – малға барсын, бармаса – өзі білсін” деді.

— Өзіне кіріп шықсам қайтеді?

— Жоқ, ол кісі бас мамандардан басқаларды қабылда-майды.

“Мынау бір керемет болды ғой. Қап!..” Шай үстінде де ерні жыбыр-жыбыр іштей кіжініп отыр.

Рабиғада үн жоқ. Күйеуінің қиналып жүргенін іштей сезеді. Бірақ өзінде де бар. “Бүкіл елді көтеріп қарсы шығатындаі сол Ерліктен не жамандық көріп еді? Үй салып берді, балалардың оқуына да көмектесті, жылда соғымын алып тұрды. Қонаққа барса да, “Алтеке, Алтеке” деп қасынан тастамайтын. “Семіздікті қой ғана көтере алады” деген рас қой.

— Маған мал бақсын депті, мынаның есі дұрыс емес шығар.

— ...

— Неге үндемейсің, мал бақ деп отыр ғой.

— Қайдан білейін, өзің шешсейші.

— Элде көшіп кетсін деп отыр ма екен?

— Көшіп қайда барамыз? Қазір үй салу онай ма? Ол жақта да қалаған жұмысынды бере қойса, жарайды ғой.

— Жай айтам да, кім көшейін деп отыр дейсің. Сенің де әке-шешен, менің де туған-туысқандарым осында жатыр, қайда барамыз? Басқа жақта бізді кім күтіп отыр дейсің. Элде, мені мал баға алмайды деп отыр ма екен? Қой, төрт қабырғаға қамалып, қора мен екі ортада сенделе бергенше, сол малына барайын, ертең ол да жоқ деп мұлде жұмыссыз қалдыrap. Мыналардың түрі жаман.

Қыста мал жайлау онай ма? Бұл айыр-күрек ұстамағалы қашан. Рабиға шай құйып отырып, ауық-ауық күйеуі-

не қарап кояды. Жағы суалып бара жатқан сиякты. Ана кездері үйге келсе алас-құлес тамағын ішіп кетуге асығушы еді, қызметтөн босағалы мұнымен кәдімгідей әнгімелесетінді шығарды.

— Мына заман не болып барады?

— Тағы не болып қалды, малдан да шығарып жатыр ма?

— Қайдағы мал, кенес одағы тарап жатқан жоқ па? Күнде теледидардың алдынан шықпайсын, ненди көресін сен?

— Менікі жай, кино-сино ғой, саясатта не жұмысым бар.

— Жұмысын болмаса, біліп қой, енді Мәскеудін бізде ісі жоқ. Ақыры, ана жалтырбас қайта құрамын деп бәрін құртыпты. Енді бізді алда не күтіп тұрғанын бір Алла ғана біледі. Шанырағы ортасына түскен одак сиякты шаруашылыктар да тоз-тоз болып кетпесе жарайды ғой.

Рабиға уәж қайтарған жоқ, ыдыс-аяғын сыйлышыратып, ауыз үйге кетті. Тұмшалаған ой енсесін көтертпей, ол әлі отыр. “Кешегі газет қайда екен? Такырыбы өзгешелеу бір мақала жүр еді. “Ортак өтіз өлді”. Ол газеттін екінші бетін етектей жатқан көлемді мақаланы көз жүгіртіп оки бастады. Мынау өзіміздің көршілес кеншартуралы ғой. Олардың халдері қалай екен? “Мәсссаған! Тұтас шаруашылық иесіз қалып, пышак үстінен бөліске түсті дей ме?! Иесіз қалғаны қалай?! Үкімет не бағып отыр?!” Ол тағы да газетке үнілді. “Тарап кеткен кеншардың мысалына жүгінетін болсак, колда бар техникасынан айырылған үш ауыл он бес мын гектардай жерді өндеп, баптап, егін сеуіп ойдағыдай өнім ала ала ма? Эй, кайдам? Менің күмәнім бар. Заманның тuzu кезінде, бәрі үйіліп-төгіліп жатқанда істің онтайын келтіре алмаған ағайындарымыздың бір жылдан кейін-ак танаптарға арамшөптерді қаптатып жібермесіне кім кепіл? Өгізге туған күн бұзауға да туады. Ертен ел, жер иесіз қала ма деп қорқам”. Ол кеншар кеше ғана дүр-

кіреп тұрған жок па еді. Басқаны былай қойғанда койдың озі он бес мыннан асатын. Сонын бәрін жер жұтып қойғаны ма? Мынау адам сенбейтін нәрсе ғой...”

“Өгізге туған күн бұзауға да туады”. Тілшінің айтканы айна-қатесіз келді. Алтай мал жайлауды қойып, қасапшы болып алды. Күнде он-он бес мал сояды. Терісін ғана сыпырып КамАЗ-ға артып жөнелтіп жатыр. Қайда әкетіп жатыр? Оны ешкім білмейді. Директор айтты, бітті. Бүгінгі танда бұл ауылда директорға “ә” дейтін адам жок. Сол “директор айттымен” бойдақ мал түгел бітті. Бір күні бас зоотехнігі, мал дәрігері, инженері бар үш КамАЗ-ды тіркеп қойып, сауын сиырларды сойындар демесі бар ма? Бұл үндеген жок. Осында отыз жылдан бері бақташи болып істеп келе жатқан, жайшылықта қой аузынан шөп алмайтын Мырзағали шыдай алмай кетті білем:

— Бұл қай шатасқандарың, пышақтарыңды жалаңдатып, бұзаулайын деп тұрған сиырларды соямыз дегендерін.

— Директор айтты.

— Бүйткен директорларың бар болсын, сол директор айттымен әкетіп жатырсындар, әкетіп жатырсындар, осының шегі бола ма? Мынау өзі біздін көсегемізді көгергепейтін адам болды ғой...

Әңгімеге бас инженер араласты:

— Отағасы, казір мал өсіру пайдасыз. Оны өзінізде жақсы білесіз. Енді егін салу керек. Оған қосалқы бөлшек, жанар-жағармай керек. Қолма-қол сатып алатын ақша жок. Бәрі айырбасқа кетіп жатыр. Бартер. Бартер дегенді естігенініз бар ма? Жалғыз біз емес мұндай жағдайға тап болып отырған.

— Ой, бартерлеріннің!... Мал тиімсіз деп кім айтты сендерге, атам қазақ малмен күн көрген жок па еді.

— Салғыласып кайтеміз, мұның бәрін біз шешіп жатқан жокпаз. Біз айтқанды істейтін адамбыз, ерте күнді кеш кылмайык.

— Істесендер, өздерін істендер. Мен малдың обалына қала алмаймын.

Мырзағали қолындағы айырын бұрышқа қарай лақтырып жіберді де, үйіне кетіп отырды.

Бас зоотехник:

— “Алтеке, өзіңіз бірдені қылмасаныз” деп бұған жақындай түскен. Ол енді жаңа Мырзағалидің сонынан кетіп қалмаған екенмін деп өкінді. Жүргі шайлығып қалған ба, бір түрлі қарсыласа алмай тұр.

— Жалғыз өзім үш КамАЗ-ды қашан толтырамын.

— Жалғыз соймайсыз, қазір ауылдан жігіттерді әкелеміз.

Сол күні ол үйге тұн ортасы ауғанда бір-ақ оралды. Қанша қалжырап келсе де, көпке дейін кірпігі айқаспай қойды. Көзін жұмса болды, бұзауын іздең сиыр мөнірегендей болады. Расында да, елу сиырдың бәрі буаз болып шықты. Оған қараған ешкім жок. Ферма басы қан сасыды. Осы ауылдың бар иті сонда. О, тоба! Ақырзаман деген осы шығар?

Қызмет істеп жүрген кезінде газеттен бе, әлде кітаптан ба, қоғамдық құрылыш өзгеріп, үкімет ауысқан кезде неше түрлі аласапыран болады дегенді оқығаны бар еді. Қазір дәл сондай кез сияқты. Сол аласапыранның ауылға тиіп тұрған бір ауыр көрінісі – ұрлық. Мал ұрлығы өршіп тұр. Ашаршылық пен соғыс жылдары да дәл осындай сипатта ұрлық болды деп естімеген. Өрістен, даладан жітіру былай тұрсын тұн құрғатпай қорадан әкетіп жатыр. Осы ауылдың өзінде қаншама мал қолды болмады. Марқұм Сайлаудың да қорасын біреулер бұзса керек. Эйтеуір, бірнәрсе бөгет болып, ұрылар дегеніне жете алмай, құр қол кетіпті. Құр қол емес-ау, сол тұнде Бәтіш кемпірдің тайыншасы қолды болды ғой.

“Ақырзаман” алда екен. Кешікпей кеңшардың бүкіл коралары қанарап бос қалды. Нәк осы кезде көзіне облыстық газетте жарияланған тағы бір мақала тұсті.

“Ауылдастарыма ашық хат”. Кім жазды екен?” Арман Жұсіпов, осы ауылдың баласы, журналист. Ол көзілдірігін киіп, жарыктың алдына отырды да оқи бастады.

“Ардакты ағайын, қымбатты аға-апаларым, іні-карындастарым, өздеріңізben таяуда ғана екі мәрте жүзлесіп, бүгінгі күн үрдісінен туындалап отырған бірқатар мәселелердің төнірегінде пікір алыссам да осы хат арқылы тағы бір тілдесуді жөн көрдім.

Оған мені итермелеп отырған ауылдың бүгінгі ауыр түрмисы. Өздеріңіз жақсы білесіздер мен отыз жылдан астам уақыт бойы қалада өмір сүріп келе жатсам да туған ауылым Қараталға at ізін жиі салып тұрамын. Ертеректе ауылға сокқан сайын оның уақытпен бірге көркейген бейнесіне көнілім толып, қуанып қайтушы едім. Сол күндері жасампаз істердің жетегінде жүрген жерлестерімнің жүзінде нұр ойнаса, бүгін мұн, уайым-қайғы басым екені байқалады.

Киім-кешекке түскен жамауға да көнерміз-ау, жүрекке түскен жараны қалай емдейміз?! Иә, дәл бүгін ауылда шекесі шылқып отырған ешкім жок, нарық әкелген қындықтар көше-көшені бойлап, қақпаларды кезек-кезек қағып келеді. Бұл бір түсініксіз заман болды: мандайтер еңбекақынды айлап ала алмайсың, алансыз қарттығымды қамтамасыз етем деп өмір бойы бел шешіп, тізе бүкпеген зейнеткерлердің де қолына көк тыын тиіп жатқан жок. Қаржының тапшылығынан ғана туындастын түйіндерді тізе берсем – қағаздың беті жетпес. Нарықтың торына түскен халықтың не нәрседен болсын қолы байланып отыр. Бір ғана мәселені алайықшы, басы ауырып, балтыры сыздағанмен, ауылдан аттап шыға алмай амалсыздан үйінде бүктүсіп жатқандар, болмаса сырт көзге сыр бермей тістеніп жүргендер қаншама.

Міне, осылай бір-ақ күнде әлеуметтік әділеттіктің аты өшті. Енді не істеу керек? Осы сауал көптен менің де көнілімнен шықпай жүр. Алдыма қарасам, жылт еткен сәуле

көрінбейді, ал артым быт-шыт қирап жатыр. Не істейміз, қайтсек казіргі жағадан алып, аяктан шалып жатқан киындықтардың бетін қайтарып, еңсемізді көтере ала-мыз? Осындай ойлардың жетегінде ақылласпак болып жақында өздеріңзге келген едім. Сіздер қойған сансыз сауалдар ойдағының бәрін актаруға тұрткі болды. Сонда мен сіздерге не ұсындым? Бұл арада екі сағаттан астам уақытқа созылған сол әңгімені қайталап жатпай-ақ қоя-ын. Тек, өзім ұсынған негізгі бағыттарды естеріңзге сала кетсем артық болмас.

Біріншіден, мен сіздерге нарық деген алпауиттын еш-кімді аямайтынын, дәл бүгін оның алдында баршаның дәрменсіздік танытып отырғанын, елде берекесіздік белен алып бара жатқанын, құдайдан да, заннан да корык-пайтындардың көбейіп кеткенін айттым. “Әй” дер әже, “кой” дер қожаның” жоктығын пайдаланып қойны-конышын толтырып жатқандардың да аз емес екенін жасырғам жок. Байлыққа құнығып, жауапкершіліктен жүрдай болған көптеген басшылар халықтың ондаған жылдар бойы тырнактап жинаған игілігін онды-солды шашуда. Осыны үкімет, жергілікті жердегі әкімдер, құқық қорғау органдары көрмей отыр деп кім айттар? Әрине, біледі. Білсе де үнде мейді, қолынан қақпайды. Осындай жағдайда үкімет бізді асырайды деп қол қусырып қарап отыру дұрыс па? Менін ше бұл шарасыздыққа мойынсұну деген сөз. Оның арты неге әкеліп соктыратыны белгілі ғой. Қайыршылық өмірдің қамытын киуге асығуымыз қалай? Мен сіздерге осыны, енді аспаннан шелпек жаумайтынын дәттедім.

Баршаңыз да түсінгендей бас шүлғысып: “Сонда не істеуіміз керек?” деген сауалды қолденен тарттыңыздар. Менін жауабым: бұл арада сіздерде кеншардан бөлініп шығудан басқа тандау жок. Бұл сіздерге не береді? Ең алдымен өндірілген өнімнің бәрі ауылда, халықтың өзінде калады, тістегеннің аузында, ұстағанның колында кет-

пейді. Араларыныздан іскер де адаптациялы шықса, бір жылда байып кетпегенмен, қайыршыланудың жолы киылады. Ол үшін, әрине, ауыл тұрғындары: жасы бар, кәрісі бар бір женнен қол, бір жағадан бас шығара ынтымақтаса еңбек етулері, әсіресе, үнем мен ұқыптылық жолындағы құреске белсене қатысулары керек. Мысалы, Қаратал ауылы үшін 200 бас ірі қараны жайлауға техника қүшін пайдаланудың не қажеті бар? Жалпы жан-жақты ойластырса, нарыққа өтпелі кезенде кез келген кәсіпорынды қарызып белшеден батырып отырған электр қуатын да, суды да есеппен пайдалануға, сол арқылы шығындарды едәуір азайтуға болады. Иә, бүгінде не нәрсеге болсын есеп төреші екенін түсінетін мезгіл жетті. Және осы істен ұжымның бірде-бір мүшесі шет калмауға тиіс. Мен осы жағдайларға егжей-тегжейлі тоқтала келіп, мәселені жедел, көктемгі егіске дейін шешпесеніздер соңғы мүмкіндіктен айрылып қалатындарынызды ескерттім. Сабак болар, ой салар деген мақсатпен негізгі қорлары таусылғанша титыктай берген, ақыры, ешкімге керексіз болып қалған кеңшарлар туралы мысалдар да келтірдім.

Ойды ой қозғайды деген емес пе, “Дұрыс екен, онаша бұзау айдалап та көрейік” дестініздер. Сол арада “Дауысқа салайық, несіне созбактай береміз” дегендер де болды. Мен мұндай қадамның жауапкершілігі зор екенін, сондықтан ауыл тұрғындарын мүмкіндігіне қарай түгел жинап ақылдасу қажеттігін, орталарының кеңшар басшыларын, жекешелендіру ісімен айналысып жүрген мамандарды да шақырудың артық болмайтынын түсіндірдім. Міне, осы сөзге тоқтап келесі аптада тағы да кездеспек болып, сонда туған ауылымыздың болашағына қатысты мәселелерді кен толғамак ниетте тарқастық.

Иә, дағдарыстан шығудың оңай жолын көріп отырған ешкім жок. Дегенмен, қасқырдан қорыққан адамның орманға бармайтынын естерінізге салдым. Жүрексініп,

ауық-ауық күрсіне бергенмен іс біте ме, соны неге ойла-
майсыздар? Өткен жылды 12 миллион теңгеге жуық шы-
ғынмен аяқтаған, басқа да қарыздарға белшеден батып
отырған шаруашылықтың ендігі жерде кімді асырап-сак-
тайтын қауқары бар?! Ертен аз ғана мал да бітеді. Соңғы
бір жылдың ішінде қатарға бір де бір төл қосылmasa, қайта
төрт түлік жүздел кеміп жатса, саланың болашағы туралы
не айтуда болады? Жақсы, колда бар майды түгел нарыққа
құрбандыққа шалайық, сонда халыққа не қалады? Сіздер-
дің ойларыңызды оятсам деген ниетпен мынадай қара-
пайым мысалға да жүгінген едім. Экенің қолында екі
сиыр болса, біреуін енші сұраған баласына бермей ме, ал
жоқ болса, несін береді? Сол сияқты кеншар тоз-тоз бол-
май тұрғанда бөлінсеніздер, қолдарыныңға әйтеуір, бір-
деме тиеді ғой. Ал, ертен қалтаның жыртығы әбден кеней-
генде таяқтан басқа не ұстап шығасыздар?

Бірак, соны ойлап жатқан ешкім жоқ. Баяғы жартас,
бір жартас: самарқаулық, жоғары жаққа қарап ауыз аша
беру, “Анау неге жоқ?”, “Мынау неге жоқ?” деген сияқты
сансыз сауалдар ғана халықтың ми катпарларына мықтап
сіңіп алған. Эрине, жекешелендіру зорлықпен жүзеге
асырылатын іс емес. Сол сияқты оның нарықтың ажыра-
мас маңызды буыны екенін де дәлелдеп жатудың қажеті
жоқ. Өйткені, қазіргідей халық шаруашылығы жаңа
экономикалық катынастарға көшे бастаған кезде жеріне,
еліңе ие болмасан, ісің алға баспайды, тұрмысың жақ-
сармайды. Алдын алмасаң – нарық ертен-ақ тұнғиығына
тартып әкетеді. Күндердің күнінде оны да түсінерсіздер-
ау! Бірак одан не пайда?!

Эрине, бұл барлық ауылдарға қатысты мәселе. Сон-
дықтан, өзімнің ауылдастарыма арнаған осы сөздерім
басқаларға да ой салар, үлken іске қозғау болар деген үміт-
темін. Халқымыз “Келісіп пішкен тон келте болмас”, –
демеуші ме еді, ұйқылы-ояу жүріп көштен қалып кой-
майық”.

Сөзінің бәрі дұрыс сияқты. Жас болса да жағдайды түсініп жазып отыр. “Бірақ бұл да жекешелендіруді жақтай ма, қалай? Сол жекешелендіру дегенді қайдан шығарған осылар. Баяғыда әкелеріміз айтып отырушы еді: “Бізді колхозға зорлап кіргізді ғой” деп. Енді бұлар соның бәрін таратып бермек пе? Түк түсінсем бұйырмасын. Білетін адам болса тым құрымағанда біреуі ауылға шығып осының бәрін халыққа неге түсіндірмейді еken? Одақпен бірге райком-срайком дегендердің де көзіне су құйылды. Экімшілік деді ме, әйтеуір, ара-тұра әкірендең кететін біреу бар.

Баяғыда колхозды үйымдастырғанда да осындай өкілдер мен шолақ белсендерділер тыным таппайтын деуші еді үлкендер. “Ортаға сал, колхозға бар” деп тепсінген өкілдер мен белсендерділер әйтеуір елді өлмestін күнін көретін сінбекке, ортақ жұмысқа айдайтын. Сол кездегі халық сірә, казіргі жұрттай бойкүйіз болмаған-ау. “Үкімет өлтірмейдінің кебімен қарап отырмай, күнді-тұнге ұластыра сінбек еткен”. “Бригадир терезенің алдында қамшысын шырт еткізгенде, етігімізді қонылтаяқ кие салып жұмысқа жүгіретінбіз деп айтып отырған үлкендердің әнгімесін талай естіп те еді.

Ең ауыры сол, жастар тығырықтан шығар жол таппай қиналуда. Жол сілтер кім бар? Эй, бірақ ана газетте жазылғандай ақыл-кенеске құлақ қойып жүргендер аз-ау. Ұрпақ өз пікірімен жол табатын ақылдан ада болып кеткен бе? Кеше ғана көрші ауылдағы бір өрімдей жас жігіт асылып өліпті деген хабар шықты. Екі қызын алдына алыш аймалап отырып, келіншегіне “қазір келемін” деп шығып кетіпті. Содан корада асылып тұрған жерінен бірақ тапқан. Оның алдында Никитенко селосында бір қазак жігіті асылып өлген. Ауру шешесін қалаға дәрігерге көрсетуге апаратын каржы таба алмай, намыстан қүйініп асылыпты дейді жүрт. Қалай болғанында да мұндай жайсыз хабарлардың қаптағаны сондай, елдің еті үйреніп те кеткендей.

Көп жерде кеншардың да аты өшті. Өндірістік кооператив деді ме, бірлестік деді ме, бәрі астанқ-кестен. Шаруа кожалығы деген бір бәле шықты. Айтуға тіпті оңай: жерінді бөліп алды, өзіңе-өзін жұмыс істе. Соған сеніп қалған бір-екі отбасы бөлініп еді, ешкімге керексіз болып шыға келді. Кеншардың басшылары: “Сендер крестьянсындар, бізге қатынастарың жоқ, өз күндерінді өздерің көр” деп жолатпайтын көрінеді. Бәрінен түніліп, бөлініп шықкан Серікбай да не анда емес, не мұнда емес, сандалып жүр. “Қырық жыл кеншарда енбек еттім, үлесіме техника беріндер десем, ешқайсысы маңайына жолатпайды. Сонда ана алпыс гектар жерді қолмен өндеуім керек пе” деп бір кездескенде жыларман болған.

Техника дейтін техника да жоқ. Бәрін осы шаруашылыктан алашағы барлар таратып әкетіпті. “Директор қайда?” Соңғы кезде директорды көрген ешкім жоқ. Біреулердің айтуына карағанда, Астанадан бір-ак шықкан сияқты. Өзіне алатынын алып, сататынын сатып “Бірліктің” орнына шөп шықпайтында қылыш кетсе де оны іздейп жатқан ешкім жоқ. Қазір жалғыз Алтай емес, бүкіл ауыл жұмыссыз. Үлкендер жағы үйлерінен шықпайды, ал жастар... Жастар қас қарайса топ-топ болып, көше кеziп, тәбелеседі. Әйткені, ауылда оларды тәртіпке шақыратын ешкім қалған жоқ. “Осылар ертең не болар екен?” Бұрынғылар тоғыздан алтыға дейін болса да сағатқа қарашы еді. Ал қазіргілер ше, оларды іздейп жатқан ешкім жоқ, өндіріс, жұмыс, тәртіп, жауапкершілік дегеннің не екенін білмейді. Тіпті кейбіреулері үйіндегі бір-екі малын жайлауға да ерінеді. Эйтеуір, бір етек алып бара жатқан бойқүйездік”.

Бұл ауылдың тұрғындары ақшаның да мөрін ұмытуға жақындаған. Тіпті бертінгे дейін жұмыс істеп келгендердің өздерінің де колдарына ақша тиғен емес. Енбек-акына осы шаруашылықта не бар, соны аласың. Алғанда да бағасы удай. Оның дәмін анада өзі де татқан, кеншарда

бұрыннан қалған мың тенгедей алашағы бар еді, соны сұрап барғанда есепші үш қап жем алмасаныз, одан басқа түк те жоқ деп аузын ку шөппен сұрткен. Ертең ол да болмайды. Осылай еңбек әбден құнсыздандыннан кейін жұмыска кімнің зауқы соқсын? Бірдеме істейінші-аудемейді ғой, демейді. Бар білетіндері басқа жакқа көшу. Осы ауылдың жартысы көшіп кеткен шығар-ау. Көбі үйлерін де сата алған жок. Қайтеді? Ертеде тұрғызылған үйлерден мықтасаң кора саларсын. Оны далита беретіндей қай малың сыймай жатыр? Ал, Ерліктің кезінде шпалдан салынған жана үйлерді берісі Сулышоктан, әрісі қаладан келгендер бұзып-бұзып алып кетті. Жай отырып жылағың келеді, бес бөлмелі үйлерін бір тайыншаның құнына айырбастап жібергендер болды-ау. Ерлік демекші, Ерліктің кезінде жыл сайын кем дегенде жиырма үй пайдалануға берілетін. Бұған ойлап отырса, соның бәрін етінің тірлігімен істеген екен ғой. Құрылыс материалдарымен бір орталықтан жабдықтау деген болған жок. Кім қайдан не табады – соған риза. Осы манайдағы көп директорлар Ерлік жиырма үй тұрғызып жатқанда екі-үш үйді әуپірімдеп әзэр салатын. Ерлік материалдардың бәрін Түменнен жеткізіп тұрды. Әсіресе, күзгі жиын-терін аяқталып, қар түскеннен кейін сол жақтан шыкпайды. Қасына прорабы бар, тағы екі-үш жігітті ертіп кетеді. Содан бір-екі апта өткеннен кейін бөренесін бөренедей, тактайын тактайдай артқан машиналар “Іш жақтан” ағылады-ай келіп. Сөйтіп, көктемге дейін құрылыс участесінің аумағы, ат шаптырымдай аланы материалға толып қалады.

Бірде Ерлік сол жақтан катты ауырып келді де, үйінде бір күн болды ма, болмады ма, ауруханаға түсті. “Жай сұық тиген шығар” деп ойлап еді, екі апта өтсе де шыға коймады. Сонын бір күні көнілін сұрайын деп ауруханаға барған. Өні бір тұрлі ашан тартып, кәдімгідей жүдеп қалыпты.

— Бұл не жатыс, жастар ауыра ма екен, — деп әзілдей кірген.

— Эй, Алтеке-ай, ауру жасқа қарамайтын көрінеді ғой, күнде сұранам шығарындар деп. Бірақ, мені тыңдайтын дәрігер жок. Анализден анализді алыш жатыр. Айтуына қарағанда ауруды асқындырып алған сияқтымын. Суық тигені өз алдына, бауыр мазалап тұр.

— Иә, ак қар, көк мұзда тайганы шарлау онай болып па, ел іші емес, алыс командировкада жүрген адамның бабы келе бермейді ғой.

— Көктайғағына да, боранына да, күн-түн жүріске де үйрендік қой, бәрінен орыстарға еріп арак ішу қын болды.

— Е, денсаулығың көтермесе, ішпе.

— Ішпеуге болмайды, мұндағылар ойлайтын шығар, бәрі өзінен-өзі келіп жатыр деп. Жоқ, орыстармен стакан соғыстырмасан, бір тақтай да ала алмайсын. Оларды ақша да онша қызықтырмайды. Жәшік-жәшік арак апарып, өздерімен бірге ертелі-кеш ішу керек, сонда ғана тіл табысасын, барған ісін біtedі. Сөйтіп, ағаш-ағаш деп жүріп біраз денсаулықты құрытып алышпаз ғой.

Осылай директор ағынан жарылған. Сол үйлер казір қайда? Үйінділері ғана жатыр. Япыр-ай, бұл не деген заман болды? Қандай іргесі сөгілмеген ел еді, бір-ак күнде быт-шыты шықты. Бүкіл дүние жүзін дірілдететін одактың шанырағы ортасына түседі деп кім ойлаған? Бәрі ағылып-төгіліп жатушы еді-ау! Қайда барсан да қоймалар аузы-мұрнынан шығып тұратын. Қағазынды толтыр да, керегінді ала бер. Қазір соның бәрі қайда? Жер жұтып қойды ма?! Ешкім білмейді. Бәрі қит етсе “нарық”, “нарық” деп каксайды. Нарығың кора-кора қойды қырып кететін аш қасқырдан да жаман болды ғой, бәрін тыптипыл етті. Барлық жерде осылай ма екен? Әлде нарықтың дауылды осы ауылдың үстінде ғана соғып тұр ма?

Оның ойына тағы да Ерлік оралды. Осыннан кеткеннен кейін ол көрші аудандағы “Ақжолға” директор болған.

Басқа аудан демесен, Ақжол Бірліктің дәл іргесінде. Заманның түзу кезінде желі онынан бір еспей қойған “Ақжол” қазір дүркіреп тұр. Анада өзі де барып, бәрін көзімен көріп келген. Сол ауылда мұның нағашылары тұрады. Нағашы болғанда шешесінің інілері қайтқан. Солардан қалған тұяқтар бар. Бірақ ана кезде ат үстінде жүріп соларға мойын бұра қоймады ма, әйтеуір, бұдан безбесе де, іздеп жатқан ешқайсысы жоқ. Тек Сәлімнің Нұрқаны ғана мұны “нағашылап” алай өткенде, бұлай өткенде ат басын тіреп жүреді. Бұрын мектепте мұғалім еді, қазір соның бәрін тастап, қанырап бос қалған сауда орталығын сатып алып, дүкен ұстап отыр. Анада барған. Барғанда кездейсоқ барған жоқ, ат басын арнайы бұрған. Нұрқан сейтіп жатыр, Нұрқан бүйтіп жатыр деген әнгіменің шеті бұл ауылға да жеткен. “Қанша дегенмен же жеке емес пе, мынадай тығырыққа тіреліп отырғанда ештене бөліп бермese де білгені болса айтар, ақыл қосар” деп барған тұра үйіне соғып еді, балалар “әкемізде, шешемізде қазір үйде отырмайды, жұмыста, товарға кетіп жатыр ма, осында ма, ол жағын білмейміз”, – деген. Сосын жұмысына іздеп барды. Бұрынғы рабкооптың бір үйде орналасқан бес дүкені болатын. Соның мандайшасына айшықты етіп “Н.Сәлімовтің жеке кәсіпорны” деп жазып койыпты. “Мәссаған! Мынаның бәрі Нұрқандікі болғаны ма?!” Іші де кірсе шыққысыз еken, сөрелер товарлардың неше түріне толып тұр. Сатушыны тани кетті, Нұрқанның кіші інісінің келіншегі – Әсима. Ол да мұны танып: “Ағатайым, бір жұмысымен әлгінде ғана кетіп еді, қазір келеді” деп жылы шырай танытты.

Айтқандай, Нұрқан көп күттірген жоқ. Амандық-саулықтан кейін: “Асхана ашпакшы болып жатыр едік, мына құрылышты жігіттерге жұмыстың мән-жайын түсіндіріп кетейін, сосын үйге барамыз”, – деді.

Астында “Волга”, үйінің алдында жаңа жоқ еді, “Газель” мен баяғыда өзі бәлен жыл мінген “Пирожковоз” қатарласа қалыпты.

- Элия да келіпті ғой. Танертең товарға кетіп еді.
- Иә, жаңа ғана жок та.
- Бүгін сіздің келетініңді сезгендей, мен ешқайда шыға коймап едім. Эйтпесе, үйде отыру жок. Жұмыс деген бастан асып жатыр, бірі бітсе, екіншісі дайын тұрады. Жүрініз, үйге кірейік.

Үйдің іші де ана жолы келгендердій емес, біраз өзгеріп қалыпты. Стенка да, диван да басқа. Сәкіде үлкен жаңа кілем жатыр. Сұқтана беруге ұялып отыр, әйтпесе, басқа да өзгерістер аз емес сиякты.

Дастарқан жиналғаннан кейін Элия балаларын ерітіп дүкенге кетті де бұл екеуі үйде онаша қалды.

- Жиен-аға, ауылдан шыға бермеуші едініз жай жұрсіз бе?

— Бәлендей шаруам жоқ, бірақ біраздан бері өзіңмен кездессем деп жүр едім.

— Эңгіменізді айта берініз.

— Менікі қай бір әңгіме дейсің, жұртта қалғандай болып отырмыз. Жалғыз сиыр бар еді, анада баланың бәлен айдан бері жиналып қалған пәтеракысын төлеуге кетті. Қазір бір пәле көрінеді ғой, тоғына, жылуына, тағы несі бар еді, суға ақшасын уақытында төлемесен сотқа беріп, пәтеріне дейін сыпырып алатын көрінеді. Түу, мен нені айтып кеттім, нағашы, мен бірдене сұрайын деп отыр екен деп ойлап қалма. Мені кинап жүрген жай, осы не болып барады?! Байқап отырмын, жағдайларың жаман көрінбейді. Не ақылың бар бізге қосатын?

— Алланың бергені шығар, әзірше жұмысымыз жүріп тұр.

— Элгі дүкен өзіндікі ғой.

— Иә, өзімдікі, үйі арзанға түскенмен жөндеу, ішін тоғарға толтыруға көп ақша кетті. Несие алдық, карызға кірдік, әйтеуір, өйтіп-бұйтіп төлеп құтылдық. Енді шағың асхана ашпак ойымыз бар.

— Өзіннен кейінгі балалардың жағдайлары қалай?

— Жаман емес, солардың бәрі осы дүкеннің маңында жұмыс істеп жүр. Енбекақыларын ай сайын алып тұрады. Жалғыз біз емес, осы ауылдағылардың бәрі солай. Осында Нәби деген болған.

— Білем ғой.

— Соның балалары Мәдениет үйін алған, сол сиякты моншаға да біреу ие болып отыр. Бұрынғы медпунктіміз де көншар кезінде бас дәрігер болып істеген Қаратайдың меншігіне көшкен.

— Бізде осының бірі жок, бәрі құрып бітті. Тіпті ана мал қораларына дейін талап-талап алып кетті.

— Жалғыз сіздерде ғана емес, көп жерде солай болды ғой. Осы шаруашылыққа Ерлік Бәйкенұлы директор болып келмегендеге біз де солардың кебін киетін бе едік, кім білсін? Эйтеуір, Алла аяған шығар, бағымызға қарай сол кісі келді де, шаруаны дөңгелетіп әкетті ғой. Кенес заманында 9 мың гектарға етін салсак, казір бидайдың ғана көлемі 15 мыннан асады. Осыдан тұрмыска не кажеттің бәрі бар. Ұн үгемін дейсін бе, ат сабылтып алысқа шапқылаудың кажеті жок, диірмен бар. Бұрынғыдай келіншектер нан пісіріп әуреленбейді, наубайхана бар, бәрін содан аламыз. Бір-ақ жылда карақұмыққа қарқ қылды. Сұйықмай да осында ағызылады.

— Құстың сүтінен басқаның бәрі бар десейші.

— Бәрі бар, бәрі бар. Содан да болуы керек, осында көшіп келіп жатқандар көп. Оралманың да, басқасын да беттерін қайтармай кабылдап жатыр. Бір бос үй жок. Аманшылық болса, биылдан бастап үй салмақшы. Ана кезде орта мектеп деп аталғанмен жұз елудей ғана бала оқитын. Қазір бала саны үш есе өсті, сабактар екі ауысында жүргізіледі. Биыл өз қалтасынан 3 миллион теңге шығарып, сол мектепті жөндөтіп берді. “Евроремонт” дегенді естуініз бар шығар, ондай мектеп аудан түгілі, облыста да жок.

— Сол ақшаның бәрін қайдан алып жатыр?

– Өзінікі, осы жердің байлығы. Үш жыл болды гектарынан 20 центнерден кем өнім алғып көрген жок. Бұрын құзде астықты қидай сыптырып, тіпті кейде тұқымына дейін алғып кетуші еді ғой. Қазір жағдай олай емес. Кімге сатасын, қандай бағаға сатасын, өз еркін. Оның үстіне жұрт пайдасыз деп малды жойып жіберген жоқ па? Ал қазір осы серіктестікте 400-дей жылқы, 2 мындаі ірі кара, 10 мындаі кой бар. Бұрын мал сойса терісін тілгілеп лақтырып тастаушы еді ғой, қазір тұяғына дейін іске жаратып жатыр. Осы ауылда өндірілген шұжық, сүт өнімдері Астананың, Алматының дүкендерінде сатылуда.

– Тіпті сол жақтарға да шығып кеткен бе?

– Анада Қазақстанның 15, Ресейдің 10 қаласымен байланысымыз бар дегенін өз аузынан естігем. Керемет іскер жігіт, білмейтіні жоқ. Қайда пайда бар екенін іші жұрттан бұрын сезіп тұрады. Осында ауысқан соң бір жылдан кейін ғой деймін, бес бәйге атын сатып алған. Сонда кейбіреулер: “бәрі жетіп бәйгеге қатысуымыз ғана қалды ма?!” деп мырс-мырс құлген еді. Сол аттар ғана төрт “Джип” мінгізді. Қазір неше түрлі тойлар өтіп жатыр ғой. Солардың бір де бірінен қалып жатқан жоқ. Машинаға артып алады да, түу қиянға да бара береді. Қай ауылда жылқышы “Джип” мініп жүр, біреуін өткен жылы ат басына мінген балаға да бере салды.

– Бар болғасын аясын ба?

– Иә, иә, беріп тұр. Сол басымызға қонғалы тұрған бакты үркітіп ала жаздадық қой. Мұнда да “кеншардың құні бітуге жақын, бәрін жеке меншікке ауыстыру керек” деп келді ғой. Басында осындағылар да мәселенің мәнісінен төрөн бойлай алмай, тулаған. Тұсінбейді екенбіз ғой, бұған дейін жекешелендірудегенді кім естіген, бәрі осындағыларға “мынау мұліктік үлесін, мынау пайын” деп бөліп-бөліп берді. Біреулерге комбайн, біреулерге трактор тиді. Он-оннан мал алғандар да болды. Әйттеуір ауыл шала байып қалды.

— Өзіне бірдене алды ма?

— Алды, әрине. Бірақ мәселе алғанда ғана емес екен. Жерді өндеп, дән себу керек кой. Ол әркімнің қолынан ксле ме? Білу керек, істің қисының табу керек. Соны түсінбей қолдарына тиғен техникаларын сатып жіберіп, бір күнде байып шыға келгендер де болды. Ал билігін де, байлығын да таратып берген директорымыз біраз адамды өзіне қаратып, банктен көп несие алып, егін септі. Оңай болған жок. Басшылар бір жаңа көйлек кисе, “Бізді жеп жатыр, тонап жатыр” деп байбалам салатын халықтың ғой, неше түрлі сөз айтқандар да табылды. Жүйесі мықты екен, бәріне шыдады. Ақыры, шаруа кожалығын құрған ағайынды Айтқожиндерден басқалары түгел өз еріктімен Ерліктің қол астына қайта барды. Қазір енді оларды қусан да кетпейді. Осы ауылда жұмыссыз журген бір адам жок. Бәрі де кәдімгідей ай сайын он мыңдап, жиырма мыңдап еңбекақы алады. Ана кезде зейнеткерлер ешкімге керексіз болып қалғандай еді, қазір олар ештеңеден мұқтаждық көріп отырған жок: отын-шөбін әкеліп береді, ұнды да сатып алмайды. Осында жалғыз қалған он шакты кария бар еді, соларды бір шатырдың астына жинап, қолдарын жылы суға малып отыр. Күтушілері, дәрігерлері бар. Бар шығынын өзі көтеруде.

— Ондай үй кезінде біздің Қараталда да болған. Бәрі кирай бастағанда ешкімге керексіз болып, ақыры тіпті ешкімі жоқ екі шалды облыс орталығындағы қарттар үйінеге тапсырып, әзер құтылғанбыз.

— Әрине, ауыл болған соң, әр түрлі жағдай кездеседі ғой, тұрмысы жұқалар да бар. Егер Ерлік көмектеспесе, солардың балалары оқуға түсе алар ма еді?

Қазір бәріне төлеу керек. Осындай үш баланы өзі оқытып жатыр. Әсіресе, қаладағы жастарға жақсы болды. Ана кездері қыста да, жазда да үйге жете алмай, келсе кете алмай көп қындық көруші еді, қазір автобус бөліп қойды, қалаға екі күннің бірінде қатынап тұрады.

— Иә, жағда йларын жаман көрінбейді, автопарктің жанынан өтіп едім, жап-жана комбайндар тізіліп тұр.

— Біразын сатып алды, біразын лизинкке деп жүрген.

— Ол тағы не нәрсе?

— Оны өзіміз де жана түсініп жатырмыз. Сірә, қарап берген нәрсе ғой деймін. Білмейтіні жок, үкіметтегілердің басы да бұлай істемейтін шығар?!

— Дұрыс айтасың, істесе біз сияқтыларға қол ұшын бермес пе еді. Оттырмыз ғой шарасыздықтан қайда бара-рымызды білмей. Алла тағала бізді “Білме, білгеннің тілін алма” деп қарғады ма еken, тұпкі ойын түсінбей жатып, даурығып кеттік ғой. Естімін осылай істің онайын тауып жатқандар әр жерде бар көрінеді.

— Алғашында біздін де басымыз қатып кеткен. Бір күні халықты жинап алды да: “Шаруашылықты жекешелендірдік, енді әлеуметтік нысандарды да өз иеліктерінізге алуларыңыз керек. Колынан іс келетін азаматтар шықсын, көмектесеміз” дегені ғой. Сол сәтте оған аса мән берген адам бола қойған жок. Арада біраз уақыт өткеннен кейін өзі іздел үйге келіпті. “Сен отбасыңмен сауда орталығын алсайшы, жолдасың кооперативтік институтты бітірді ғой” дейді. “Ойланайық, ақылдасайық” дедім. Ол кеткен соң Элияғайтсам “Оны кім істейді, товарды қайдан аласың, дағарадай үйді қалай жылтыасың, үкімет бүтін берсе, ертең кайта сыпырып алады” деп безек-безек етеді. Бірақ Ерлік ақыры бізді де, басқаларды да дегеніне көндірді. Одан зиян болған жок.

— Қазір “Ақжол” жиырма мың гектарға егін себеді деген рас па, осы?

— Болса болатын шығар, оның үстіне мына іргедегі Амангелді ауылының бір топ аксақалдары “бізді өзіңе косып ал” деп келіп кетіпті ғой.

— Амангелді әллі “Синегоръенің” қарауында емес пе еді?

— Болған. Бірак “Синегоръенің” өз көздегені бар еken. Бір-екі жыл егін егіп Амангелдінің бүкіл техникасын сыртқа айдал, жұрдай қылып кетіпті. Эбден үміттері үзілгеннен кейін, барап жер, басар таулары қалмаған соң Ерлікке келіп отырғой. Ерлік қолға алса, бірдене шығарады.

— Жиен аға, — деді біраздан кейін Нұркан жүзіне тұра карап. Жағдайларынызды естіп те, көріп те жатырмыз. Кезінде қызмет істеген көзі ашық азамат сияқты едіңіз. Жағдайды парықтай алмай қалғансыз-ау деп ойлаймын. Қазір қарап отырған адамға аспаннан ештене тұспейді. Қимылдау керек. Ен құрыса мал ұстап, бағуға шаманыз келеді ғой. Қазір үкіметте, банктерде сұрағанға несие береді. Эрине, оған кепілге қоятыныңыз немесе кепіл бола алатын кісі керек. Жөн-жосықты білетіндей, ажыраттындағы білімініз де, аудан, облыста таныстарының да бар. Алғашқы құжаттарды әзірлеуге қарыз ақша берейін. Несие алуға тырысының. Бір-екі мал алып, бағып, іске жаратсаныз, ептеп жөні келер.

Сол сапардан кейін жекешелендіру десе жаны түршігетін Алтайдың да санасына бір сәуле тұскендей болған. Ерлік шынында да ер жігіт еken. Кезінде қасында жүріп соны қалай анғармаған? Нағашысының айтуына қарағанда, тұтас бір ауданның жерін алса да ауырсынатын түрі жоқ. “Сонда ана “Синегорье” сияқты осында бірінен соң бірі келіп кеткен фирмалар бір Ерлікке тұрмағаны ғой. Фирма демекші, соңғы жылдары “Бірлікке” кім иелік етпеді?” Жарылқаймын деп келген “Синегоръенің” қауһары бір-ак жылға жетті. Үш мың гектарға егін салып еді, шығымдылығы небәрі 7 центнерден ғана айналды. Техника, тұқым, жанар-жағармай “Синегоръенікі” болғанмен жұмыс істегендер осы ауылдың жігіттері ғой. Ал ұрлап-жырлау — бұлардың ежелгі әдеті. Дән қалай болса солай себілсе, оның үстінен жаз бойы шаруаның бар мали егін үстінде жүрсе қандай нәтиже болады?! Осыдан кейін “Синегорье” бір-бір қап ұнын ұлестіреді де, бір-ак күнде

тайып тұрды. Кеткенде жай кеткен жок, сендер үшін бәлен миллион карызға баттық деп бүкіл техниканы алып кетті.

Одан кейін “Бірлікті” екі жылдай “Алтын дала” иледі. Бұл жұмыс күшінен басқаның бәрін сырттан әкелді. Алғашқы жылы егін жаман шыққан жок. Бірақ одан не пайда? Инвестор астықты қырманға түсірмей, тұра элеваторға айдады. Сол жылды ауыл жем былай тұрсын, сабансыз қалды. “Джон-Дирлер” шашып кетеді еken, оны кім білген? Жігіттер жұмыс істей біледі ғой, астығын жауын-шашынға ұрындырмай жинап берді. Сондағы қолдарына тиғендері – бір-екі қап ұн, жем. Тіпті кебіреулердін табысы алып тұрған темекісі мен құнбе-құн ішкен тамағынан да артылмапты. “Алтын дала” да көп шыдамады. Одан кейін тағы екі фирма келді. Дұрыстап өндөлмеген, тынайтқыш себілмеген жер жақсы өнім бере ме, бұлар да көп тұрактаған жок. Соңғының сойқаны тіпті күшті болды. Дәл көктемгі егістің алдында “жерлерінді бізге сатындар, он бес жылдай пайларынды алып тұрасындар, ал одан кейін бәрі біздің меншігімізге көшеді” деп отырып алды. “Осы жердің бізге не керегі бар” дегендер бұл ұсыныска сол сәтінде-ак құлай кеткен. “Жерді сатып ертең далада қалып жүрмейік” дегендер де болды. Сөйтіп ырду-дырдумен жаз өтіп, күз келді. Бұл жылды “Бірлік” мұлде астықсыз қалды. Қазір кейбіреулер басқа малды былай қойғанда қорадағы бес-алты тауығына да жем тауып бере алмай отыр.

* * *

Күйеуін күтіп күннің бір уағына дейін көз ілмеген Айман, канша уақыт ұйықтағанын білмейді, оянса Ерлік әлі жок. Ол кереуетінің басында тұрған шамды жағып, сағатка қарады. Сағат тілі тұнгі үштен асып барады еken. “Осы

үйкітқа дейін Ерлік қайда жүр?” Ол мазасыздана басталы. Облыс орталығына кетті ме еken, әлде аудан орталығында ма? Осы маңайда болса бір хабарласар еді ғой... “Ойы он саққа жүгірген Айманның үйкісі шайдай ашылды. Шыдай алмай Берікті ояты. Берік Айманның ішісі, көктемде әскерден келген, екі айдан бері осы үйде.

— Берік, Берік тұршы, есік алдына шығып келейік, Ерлік әлі жок.

— Аландамай үйыктай берсейші, күндегі әдебі емес пе, жұмыспен жүрген шығар, келеді ғой.

— Білмеймін, бір түрлі қобалжып тұрғаным...

— Жарайды, сен жата бер, өзім қарап келейін.

Айманның аландауы тегін емес. Осыдан алты-жеті айдай бұрын екі кештің арасында бетперде киген екі жігіт әй-жай жок, кіріп келіп үйдің астан-кестенін шығарған. Қолдарында ұнғысы кесілген шолақ мылтық: “Дыбысынды шығарма, өлесің!” — дейді. Кетерлерінде дембелшелеу келгені: “Күйеуіне сәлем айт, айтқанға көнбесе, бұдан да зорын көреді” — деп зіл тастаған. Содан бері Айман үйде жалғыз қалуға корқады. “Әйтеуір, үйде бос жүр ғой” деп Берікті алдырған.

Берік есік алдына шыққаннан кейін тың тыңдал, біраз тұрды. Село мұлгіген тыныштық құшағында. Тіпті жайшылықта шан-шұн етіп маза бермейтін иттер де тыныштала қалыпты. Үш пен төрттін арасы нағыз үйкі қысатын кез ғой, бұл да жана сүйретіліп әзэр тұрған. Жездесі жок. “Бүйтіп бастық болғаны құрысын, күні-түні дамыл жок. “Анау керек, мынау керек“ деп, әйтеуір, қала мен екі орталықта шапқылайды да жүреді. Несиенің сонына тұскеңніне де бір айдан асып барады. Жайшылықта бұған шаруашылық жайында айта қоймаушы еді, кеше шай үстінде: — Аяғын тік басқан бізге несие бергілері келмейді, басқалар қалай күн көрмек деген.

— Несие алындар деп теледидардан күнде қақсан жатқан жок па?

— Айтуын айтып жатыр ғой, бір-ақ оны алудың машакты көп екен. Әсіреле, кепілдік мәселесі кинаң түр, “техниканың бәрі жана болсын” дейді. Бізге жана техника жана ғана келіп жатқан жок па?!

Осы арада әңгімеге Айман араласты:

— Сол несие саған не керек? Өзінің өсімі де көп екен. Ақырын қолда барынды ұқсата бермейсің бе?!

— Жалғыз астықпен алысқа бармайсың, мал өсіру керек, оның өнімдерін осы арада ұқсату үшін цехтар салу қажет, осының бәрін аткаруға әзірше өз қүшіміз жетпейді. Несиені қайбір жетіскенінен алайын деп отыр дейсін?!

Көшеге женіл шықкан Берік тоңа бастады. Қанша деңгемен жаздың күзге ұласар шағы емес пе, ауада ызығар бар. Көшениң арғы басынан жастардың шуылдаған дауысы естіледі. Күнде осылай, кеш болса жастар топ-топ болып жиналып, таңсыз бергенше көз ілмейді. Оларға “әй” деп жатқан әже жок, аракқа сылқия тойып алып, жаға жыртысып қалатын кездері де болады. Анадағы оқиғадан кейін осы жай аздап саябырсығандай еді, бәрі ұмытылды. Тұнгі шуылдақ қайта басталды.

Сол күні Берік ерте жатып қалған. Ала-жездесі тұрады демесен, бұл ауылда оны білетіндер шамалы, содан да көшеге көп шыға қоймайды.

Таңертең ауыл шу ете түсті. Біреулер Еменнің баласын өлтіріп кетіпті. Таңертең мал айдал шықкан көрші әйел катты корықса керек, көпке дейін үй ішіндегілерге не болғаның түсіндіре алмапты. Бейшараның сау жері жок көрінеді, басы мылжа-мылжа дейді.

Одан арғысы белгілі ғой, полициясы бар, прокуроры бар, бәрі қаптады да кетті. Кісі өлтірушінің сырттан келмегені анық. Сол күні Сейсен кіммен бірге болды? Оны соңғы көрген кім? Осы сияқты сауалдар-ақ із кезушілерді құдіктіге шығарған. Құдікті біреу емес, бірнешеу болып шықты. Сол кеште де Сейсенді үйден өзімен күнде бірге жүретін жолдастары алып шықкан. Бес жігіт ауыл орта-

сында қаңқыып түрған клубтың тасасында отырып арак ішкен. Арактың жүрген жері қашаннан лаң емес пе, акыры төртеуі жабылып, Сейсенді тепкінің астына алады.

Күдік ауған төртеуді сол күні-ак ұстап әкетті. Кешікпей сот болды. Осы ауылдан біраз адам барды. Солардың айтуларына қарағанда, ұсталғандар кінәларын мойындарына алғанмен, оқиғаның қалай болғанын, төбелестің неден басталғанын түсіндіріп бере алмапты. Бәрі тек “мас болдық” дейтін көрінеді. Аракты шамадан тыс көп ішті ме еken? Әлде... Қолдарына су араластырып сататын сапасыз спирт тиді ме? Осы ауылда екі үйдің бірі арак сатады десе де болады. Кай мезгілде барсан да, керегінді аласын. Ешкайсысы қабақ шытпайды. Тіпті кейбіреулері қарызға да бере салады. “Қол сынса жен ішінде, бас жарылса бәрік ішінде” дегендей, бұл жағын қазбалаған ешкім болған жок, кінәлі төртеу он жылдан арқалап кете барды.

Осы бір қанды оқиға жергілікті мәслихаттардың сайлауы қарсанында болған еді. Арада біраз уақыт өткеннен кейін ауылға депутаттықтан ұміткермін деген бір жігіт келді. Кездесу мектеп ауласында өтті. Берік те барған. Бірақ халық көп жиналмапты. Әдетте ауданнан, облыстың кісі келсе, құлдыракташ қастарынан қалмайтын осындағы бастықсымактар да көрінбейді. Оның мәнісін депутаттыққа кандидаттың өзі түсіндірді:

— Мен мансап қуған жан емеспін, — деп бастады ол өз сөзін. — Бірақ елдегі қазіргі жағдай бүйрекке байланған тастай тыншытар емес. Эйтпесе, құдайға шүкір, қызметім бар, бүкіл республикаға тарайтын тәуелсіз газеттің осы облыстағы тілшісімін. Сонымен депутаттық мандат маған не үшін керек? Өздерініз білесіздер, өркениетті елдердің бәрінде биліктің үш тармағы болады: атқарушы билік, өкілетті және заң шығарушы органдар. Соңғысына сот, прокуратура жатады. Міне, осы үш билік бір қолдың саусағындағы тәң болғандаға қоғам қалыпты дамып, елдегі

жағдай жақсарады. Ал бізде бәрі аткаруышы биліктің колында, тіпті сот пен прокурорың да олардың айтқанынан шыға алмайды. Сондықтан өкілетті органдардың рөлін көтеру керек. Мұны оның құрамына билікке жалтақтамайтын тәуелсіз депутаттар сайланғанда ғана жүзеге асыруға болады. Эрине, билік өліспей беріспейді. Өздерінің ойлап қараныздар, осы округтен дауыска кімдер түсіп отыр. Тіркелген төртеудің біреуі мектеп мұғалімі, екінші – кешегі партком хатшысы. Ал анау Элиев деген аудан әкімімен құдандалас адам. Осылардың біреуі депутат болып сайланған қалды делік, сіздер мен біздердің көсегемізді көгерtedі деп ойлайсыздар ма? Жок. Биліктің сойылын соғып, көзімізге көк шыбын үймелетеді.

Осылай біраз көсліп алған кандидат отырғандарды бір шолып шықты да әңгімесін одан әрі жалғастырды:

– Кеше көресінді партиядан көрсек, енді бар билікті колына алып алған әкімдер ойларына келгендерін істеуде. Алысқа бармай-ак кояйық, осы ауданда да осындай былых-шылық толып жатыр. “Балық басынан шіриді” дегендей, халық не ішерін, не киерін білмей отырғанда ауданның әкімі Сагатов мырза екі миллион тенгенін шетлдік көлігін мініп жүрген көрінеді.

– Енді жаяу жүрсін бе?

Орта тұстан біреу құнқ ете тұсті:

– Аудан басшысы жаяу жүрсін деп отырған ешкім жок. Бірақ халқымыз “көрпене карай көсіл” демей ме? Мен осы ауданның барлық ауыл-селоларында дерлік болдым. Онған жер жок, кайда барсан да халық күйзеліп отыр. Ертен қыста не боларын бір алланың өзі білсін. Жұмыс жок, әлі күнге теңгені қолына ұстап көрмегендері бар. Көптеген ауылдарда мектептердің жылу жүйесі істен шыққан, әр класқа пеш орнатып күн көруде. Естімегеніміз, көрмегеніміз көп екен, мына Бірлікте әр баланы мектепке екі сырғауыл әкелуге міндеттепті. Бұл не деген сұмдық. Аудан әкімі “Тойота” алуға жұмсаған каржыны осындай мәселелерді шешүгे бағыттамай ма?

Ауылда жылу жок, жарық жок, газ жок. Осындай жағдайға олардың қалай шыдап отырғанына тан қаласын. Әсіресе, жастарды аяймын. Бәрі бос сенделіп жүр – ішетіндері арак, тәбелес. Осылай жалғаса берсе, елдің болашағы не болады?! – Осылай бітеу жараны бір тырнап өткен кандидат: – Айтатын әңгіме көп, мүмкін сіздердің нақты сұраптарының бар шығар? – деп бір тоқтады.

Ортаға Мәлібайдың Жайлауы шықты. Не нәрсені болсын бұра сөйлейтін қынырдың өзі.

– Балам, айтып түрған сөзінің бәрі дұрыс, – деді ол. – Елдік сыйқымыздан айырылып болдық, қазір тап жүртта калғандаймыз, ешкімге керегіміз жок. Облыстыбылай койғанда, аудан басшылары осы жаққа ат-ізін салудан калған. Ал енді біз сізге дауыс беріп, сол мәслихатыңа сайлай қояйық, сонда жағдай өзгерे ме? Анада осы ауданның бір деңгейін Мәжіліске сайлағамыз. Ол да өзің сияқты келіп, ананы өйтемін, мынаны бүйтеп, бәрінді жарылқаймын, деп гөй-гөйлеткен. Қазір сол қайда? Үш жылда бір тәбе көрсеткен жоқ...

– Ақсақал, мен басқалар үшін жауап бере алмаймын, ал өзім сенім көрсете қалсаныздар, халықтың мұддесі үшін күресемін. Біз қайткен күнде де мына бейбастақтықты тоқтатуымыз керек. Егер өзінің айтып түрған Мәжіліске, мына жергілікті жердегі мәслихаттарға өзінің қарақан басының қамын ғана ойламайтын, колы таза адамдарды сайласақ, жағдай түзеледі. Ал қол қусырып қарап отыра берсек, жағдай бұдан да ушыға түседі.

– Сіз өзіңіздің газетке жарияланған бағдарламанызда жастармен жұмысқа айрықша көніл бөлемін депсіз, осыған тоқтала кетсөніз.

Бұл сұрапты қойған – қашан көрсөн колынан газеті түспейтін Қайырдың Эскери.

– Жастар – елдің болашағы. Бұл менің сөзім емес. Ғұламалардың бәрі бірінің аузына бірі түкіріп қойғандай, осы сөздерді жиі қайталайды. Ол дұрыс та. Бәрі ертең со-

ларға қалады. Ал біздің жастарымыз соған дайын ба? Бұл жайында сіздердің не ойлайтындарынызды білмеймін, ал менінше мына заманның ызғары алдымен соларға соқкы болып тиюде. Накты деректерге жүгінейік. Осы үстіміздегі жылғы көктемде облыс бойынша 1200 жігіт әскерге шақырылса, солардың тен жартысы денсаулығына байланысты жарамсыз деп танылған. Көбі салмағы жетпегендіктен, әскерге алынбаған. Неге бұлай болып отыр? Оның жауабын мен сіздерге айтайын. Қазір елді аштық жайламағанмен, тамақ тапшы. Әсірсе, ауылды жерде тұрғындардың көвшілігі қара шай мен қара нанға қарал қалған. Қазір бұрынғыдай ет те жок, малдың бәрі біткен. Кейбір үйде сокыр тауық та жок. Мұны бір деніз. Екіншіден, сәбиді дүниеге әкелетін ауылдағы жас келіншектердің жағдайы қандай? Көбі ауру-сырқау, ауылда олардың денсаулығын бақылайтын дәрігер жок, бәрі бірдей қалаға бара алмайды. Сосын “шыкла жаным, шықла” деп сүйретіліп жүре береді. Олардан туған бала қайдан онсын?! Көбі шиеттей шағында шетінеп кетеді, болмаса әлжуаз болып еседі.

Жағамды ұстаратқан тағы бір жайға токталайын, көптеген ауылдарда әйелдер жағы аракқа салынып алыпты. Көшеде құлап жатқан жас келіншекті де көрдім. Өзіміздің каракөз.

Бұрынғы жастар арман қуушы еді. Қазір олардың бәрі адасып қалғандай, көбі базар жағалап жүр. Ауылда атанааларының зейнетакыларына қарап отырғандар каншама?! Ешқайсысының оку оқығысы келмейді. “Қайтемін, мұғалімің де, дәрігерің де айлап-жылдап ақша алмайды. Зауыттар жабылды, шаруашылыктар тарады. Бұрынғылардың өзі далада қалып жатқанда, жас мамандар кімге керек?” – дейді. – Оларға не уәж айтасың. Осылардың бәрін жоғары жактағылар шешеді деп қарап отыра берсек, ертең жайымыз бүгінгіден де мұшқіл болады. Президенттің өзі “Бізді алда бұдан да көп қыындықтар күтіп тұр” деді ғой.

Жұрт ұйып тындал отыр. Не десін, өздеріне белгілі жай. Асқар сияқтылар бастарын шайқап қояды. Қолданадары ма, әлде сенімсіздік білдіргендері ме, ол жағы беймәлім.

— Сұрақтарыңыз болса, қойыныздар.

— Сұрақ көп қой, бірак...

Осы ауылда табан аудармай қырық жыл мұғалім болған Кәрім күмілжіп тұр.

— Кәрекең дұрыс айтады, көнілде саулап жатқан сауалдан басқа түк те жок. — Эскер іліп әкетті. — Жақсы, біз сізге дауыс берейік, бірақ басқалар сізді қолдай қояр ма екен?.. Ертен осында биліктін бишкештері де келеді. Олар өз адамдарын атайды. Көр де тұр, мына халық солардың айтқандарынан шықпайды. Дауыс берудеген бізде — бос әуре. Бәрін осындағы комиссия, бастықсымактар шешеді. Айтқандарын істемей көрсін, жұмыстан қуылады. Кеше газеттен оқыдым, комиссияның мүшелері кімдер? Мұғалімдер, кітапханаши... Бәрі де бюджеттен ақша алғып, отбастарын асырап отырғандар. Менінше, осы демократия деген бос сөз.

— Сіздің де сөзініздің жаны бар шығар, бірақ кенестік дәуірдегі әкімгершілік-әміршілдік келмеске кетті. Елбасының өзі де айтып жатыр ғой, демократиялық ел боламыз деп. Конституцияда да тайға таңба басқандай жазылған.

— Конституция басқа жақта конституция шығар, ал бізде әкім не десе сол болады...

Басқаларда үн жок, бастары салбырап отыр. Осыдан кейін “мен айтартымды айттым, ендігісін өздерін білесіндер” дегендегі кандидат та әнгімені одан әрі созған жок.

Ақыры сол жігіт депутат болып сайланды. Бірақ жағдай өзгерер емес, “баяғы жартас – бір жартас”.

Беріктін ойын машинаның гүр еткен дауысы бөліп жіберді. Ол қарсы журді. Рульде кім отырғанын анық ажырата алмады, жездесінің өзі ме, әлде Сәбит пе, әйтеуір ол

да мұны байқап қалған екен, жүрісін бәсендегітіп барып тоқтады. Бұл машинаға жақындаپ келгенше ешкім шықкан жок. Рульде Сәбит, жездесі көрінбейді.

Жүргізуші үн-тұңсіз сұлқ отыр.

— Сәбит бүгін тіпті кешіктіндер ғой, жездем қайда?

— ...

Жайшылықта жайрандаپ жүретін Сәбит бұдан жана-рын тайдырып әкетті.

— Ой, саған не болған, айтсаңшы, не болды, жездем қайда?

Сәбит мас сияқты, ауыл арасында жүргенде ептеп алып қоятыны болушы еді... Жоқ, арактың исі білінбейді.

— Сәбит, Сәбит!.. Берік дауысын көтере сөйлемді. Сонда ғана жүргізуші жігіт үйқысынан оянғандай селт етіп:

— Айғайлама, ақырын сөйле, — деді.

— Өзін ғой мылқау адам сияқты, адамды жынды қылышп тұрған. Жездем қайда?

Сәбит машинаға отыр дегендегі иек қакты. Сосын үйге қарай емес, үлкен көшемен ауылдың сыртына бет алды.

— Не болды, айтсаңшы енді?!

— Соны өзім де түсіне алмай отырмын ғой.

Ерекенді полиция алып кетті.

— Полиция! Қайдағы полиция?! Не үшін!!!

— Мен оны қайдан біләйін. Кеше тұра облыс орталығына бардык. Содан бүгін тұс ауа шыбып, Қаратеректегі тәтейдікіне соқтық. Одан бір шай іштік. “Ертерек үйге жетіп қалайық” деп асығынқырап келе жатқан, Жекекөлге таялғанда жол полициясының қызметкери тоқтатты. Жолды жиектей тоқтағаным сол еді, қайдан шыққанын білмеймін бетперде киген бір топ адам машинаны коршап алды. Қолдарында автомат. Эй-жайға қарамастан екеуі-мізді де отырған орындарымыздан тымақша жұлышп алды. Мұндай сұмдықты кім көрген, қара топыраққа аунатып, қолымызға кісен салды да, желкелеп машинаға отырғызыды. Ар жағы белгілі ғой, полиция бөлімшесінә апарды. Ерекенді қайда әкеткенін білмеймін, мені жеке бір

шолмеге қамап тастанды. Содан екі-үш сағат өткеннен кейін ғана босап шыққан бетім осы. “Ауылына қайт, спікайда ұзап шығушы болма, керек болсаң шақыртамыз”, – деді.

“Директор қайда?” – деп едім. “Онда сенің жұмысын болмасын, тай дегенде тайып тұр” деп зекігесін, алды-артыма қарай алмай кете бардым.

Осылай болған оқиғаны бастан аяқ баяндап шыққан Сәбиттағы да үнсіз қалды.

Бұл кезде төнірек бозамықтанып таң біліне бастаған сді.

– Енді не істейміз? Үйде Айман күтіп отыр. Тұні бойы көз ілген жоқ.

– Эзірше болған жайды айтпай тұра тұрайық, шошытып алармыз. Бір жұмыстарымен қалада қалып қойды дейік.

– Қалада қалса кімнің үйіне тоқтайтыны белгілі ғой, апайдікінде болады, телефон шалып іздеп жүрмесе.

– Онда Астанаға кетті дейік.

* * *

Түкке түсінбекен Ерлік көпке дейін өзіне-өзі келе алмады. Бәрі аяқ астынан астан-кестен болды. Сарт-сұрт! Қадімгі Американың боевиктеріндегі сияқты. Өздерінде үн жоқ, кимылдары жалт. Топыракка аунатып, колын артына қайырды да кісен салды. Қадімгі қауіпті қылмыс-керді ұстап жатқандай. Бір қарағанда жүргізушісі Сәбитті қайда алып кеткендерін байқай алмай қалды. Ол байғұста не жан қалды екен?! Өздері көп. Мұны түрғызып, тінте бастағанда ғана байқалды, біреуі жағалай жүгіріп бәрін бейнетаспаға түсіріп жүр. Оның қалтасындағы заттарын түгел машина капотының үстіне жайып салған біреу, сірә, бастықтары болуы керек, “қара мына заттар сенікі ме?” – деді. “Иә” деді ол. “Жаңа ғана қалтасынан алса кімдікі болушы еді”.

– Жігіттер...

– Шығарма дыбысынды!

Ерлік, бұларың не, бізді біреумен шатастырып алған жоқсындар ма дегендей, бірдеме айтпак болып еді, әлгі бәріне бүйрық беріп жүргені ақырып, тобығынан бір тепті.

– Дұрыстап кара, мына заттардың бәрі сенің қалтаңнан шықты. Куәлар жақынданадар.

– Сіренке сенікі ме?

– Менікі.

– Темекі?

– Менікі.

– Қол орамал?

– Менікі.

– Күмәжінек?

– Менікі, бәрі де менікі!!! Бұларың не, мені кім деп тұрсындар? Мен серіктестік директорымын?

– Білеміз, Ерлік Бәйкенұлы. Жұрттың бәрі солай ой-лайды. Машинасын тінтіндер!

Сол-ақ екен, әлгінің жандайшаптары машинаның астан-кестенің шығарды.

– Подполковник мырза!

– Иә.

– Мына қараныз, пистолеттің патрондары...

– Дұрыстап қарандар, тағы не бар екен!

– Ал сендер қалтасынан шыққан заттарды тізімдендер!

– Тағы да бір рет мұқият қараныз, мына заттардың бәрі сіздікі ғой.

– Иә, менікі.

Полицейлердің бірі капоттың үстінде шашылып жатқан заттарды тізімдей бастады: күмәжінек, тусі қоныр, көпқалталы, ішінде 500 АҚШ доллары, 27300 теңге ақша бар. Фильтрлі “Мальборо” темекісі, екі корап сірінке, тоқтаныз, тоқтаныз, мына төрт бүктелген қағаздың ішінде бірдене бар сияқты. Ақ ұнтақ. Есірткі болуы мүмкін. Лабораториялық зерттеуге жіберу керек...

“Ақ ұнтақ. Есірткі болуы мүмкін”. Осы сөздер оның ойынан шықпай қойды. Алғашында полицейлер өзін қателесіп тұтқындаған шығар деп ойлаған. Жок, олай емес сиякты. Бұл біреулердің өзіне қарсы қасақана ұйымластырған әрекеті болды. Өткен жылдан бері өзінің қыр сонынан қалмай жүрген астаналықтардың жұмысы болмасын.

Орайы солай келді ме, ол жаңа шаруашылықты тез көтеріп әкетті. Құдай берейін десе, бере салады ғой, екі жыл қатарынан гектар басы 20 центнерден өнім алды, дәл осы кезде бидайдың да бағасы өсіп шыға келмесі бар ма. Осылай аяқ астынан “Ақжолдың” данқы дүркіреп, кенес заманындағы іргелі шаруашылықтардың деңгейіне көтерілді.

Ерлікте тыным жок, үйде отырмайды. Жұмыс деген бастан асып жатыр. Ол алдымен кезінде бет-бетімен кеткен білікті мамандарды жинаудан бастады. Басқаныбылай қойғанда, ауылда бірагроном қалмаған. Агроном болмағаннан кейін жердің жайы белгілі ғой, кайда барсан да, қаптап кеткен қарасұлы. Техниканың да жайы мәз емес. Оны бабында ұстайтын механик, инженерлер әлдекашан қалаға көшіп кеткен. Анада таныстарының айтуымен біреуін іздел барса, базарда тұр. “Атама, ауылдан не ала-мын, казір басымнан алтын құямын десен де бармаймын” – деп безек-безек етеді. – Қып-қызыл жігітсін, қалтанда алақандай диплом, ұят емес пе?! – деп намысына тимек болып еді, анаутіпті ашу шақыра бастады: “Қайдағы ұят, ұят менің бала-шағама шай-қант бола ма, дипломым болса қайтейін, осында тұрғандардың бәрінің де, тіпті кейбіреулерінің кос-қостан дипломдары бар. Анаутұрған жас келіншек – дәрігер, мына қарсы тұрған зауытта конструкторлар бюросын басқарған. Ал анау екеуі – ерлі-зайыптылар – мұғалімдер. Бұл базарда кім жок. Бәрі бар. Бәрі құнкөрістің қамымен осында бүрсендей тұр. Кусанда, кетпейді. Өйткені мұнда қолма-қол ақша бар. Оны ауылда кім береді?”.

Әйтеуір, осылай іздел жүріп, біраз маманын басын біріктіріп алған. Балабақша мен мектептен де күй кеткен екен. Жылы орын іздел ауылдан көшіп кеткендердің дені жастар. Осылай балалардың саны құрт кеміп кеткен. Бұрын орта мектепте 385 бала оқыса, өткен жылы партаға отырғандардың саны 150-ақ болды. Бұл жай Ерлікті қатты ойландырған. Мектеп болмаса, ауыл да болмайтынын жақсы түсінген ол жан-жактан мұғалімдер шакыра бастады. 3 миллион теңге қаржы бөліп мектепке жөндеу жұмыстарын жүргізді. Балаларды бір мезгіл тегін ыстық тамакпен қамтамасыз етті. Осы және басқа шаралар нәтижесін беріп, ата-аналардан көнілі орнықты, кейбіреулер көрші ауылдардан көшіп келе бастады.

Осылай айы онынан туып ісі алға басқанынан көнілі өсіп, желқанат қуаныштың жетегінде табаны жерге тимей жүргенде үш ұйықтаса түсіне кірмеген жайсыз бір оқиғаға тап болды.

Ойға алған ісін тиянактамай үйге оралмау – оның ежелгі әдеті. Сол күні де ол кенседе жалғыз қалған. Кенет сарт етіп ашылған есік ойын бөліп жіберді. Жыға тани алмады, кескіні таныс секілді. Отыздар шамасындағы жас жігіт әй-жай жок, алдында тұрған орындыққа отыра кетті. “Жұмысынызды айта берініз” дегендей, бұл да қарап қалған.

– Бір ұсыныспен келдім, – деді бейтаныс жігіт бірден сөз бастап.

– Айта берініз.

– Жұмысының жүріп тұрғанын білем, көл-көсір табыс кейбіреулерге аспаннан түсіп жатқандай көрінуі мүмкін. Қара да тұр, ертең көз алартушылар көбейеді. Міне, осындай кездे саған “крыша” керек. Мен жалғыз емеспін, талай қалталыларға қорған болып жүрген серіктерім көп.

“Крыша”, “корған” ... Ерлік енді әңгімені көп созуды жөн көрмей:

— Бізге ондай қызметтің қажеті жоқ, — деп бір-ак қайырды.

Алдында шегір көздерін бұған қадаған қалпы шіреніп отырған жігіт айылын жияр емес:

— Асықпаңыз, артынан өкініп қалуыңыз мүмкін. Талайлар осылай тулаған. Артынан бастарына іс түскенде оздері келіп, жалынып-жалбарынып көмек сұраған.

Жайшылықта сабыр сактай білетін Ерлік:

— Басқаларда жұмысым жоқ, басымды көп қатырма, — деп ашу шакыра бастады.

— Жоқ, олай қызбаланба, біздін қызметіміз қымбат емес, бүкіл табысынның 10-ақ пайызын бересін. Оған көнбесен, түбінде бәрінен де айырылып қалуын ғажап емес?!

Бейтаныс жігіт осылай зіл тастап кетті.

Ертеңіне осы жайды Ерлік өзінін қарамағында агроном болып істейтін осы ауылдын тұмасы Сабыржанға айтқан.

— Ол жігітті білемін, — деді Сабыржан салған жерден.

— Осы ауылда өзінін туыс дейтіндей туысы да жоқ. Бірақ екі күннің бірінде осында жүреді. Астында “Мерседес”, естуімше, еш жерде жұмыс істемейді. Білетіндер “карта ойнайды, бопсалаумен айналысады” дейді.

— Е, бәсе, батпан құйрық іздел жүрген біреу десейші!

Ерлік тұн жамылып келіп, көніл-күйін бұзып кеткен жігіт тағы бір соғар деп топшылаған. Бірақ ол тәбе көрсете койған жоқ. Ауылға келіп-кетіп жүргенін сыртынан әлдеше рет көрген. Енді ойлап отырса, өзіне сес көрсетіп кеткен жігіт ауыл арасында кім көрінгенге соктырып жүрген сотқар бала емес сияқты... Бірақ қолында дәлелі жоқ. Соңғы бір жылда өзі басқарып отырған шаруашылықтың астан-кестенің шығарған қылмысқа бергісіз оқиғалардың бәрін соған жабар еді, оған дәлел, дәйек керек. Оны іздейтін, табатын кім? Эрине, ішкі істер органы. Бірақ олар аудан орталығынан таяқ-тастам жердегі Ақжолға аяқ баспайды.

Былтыр көктемгі егіске әне-міне шығамыз деп отырғанда белгісіз біреулер қоймаға ұрланып кіріп, 100 тонна жағармайды далаға ағызып жіберді. Қылмыстық іс қозғалды. Алайда кінәлілер күні бүгінге дейін табылған жок. Құзетшіні олай-былай айналдырды да қойды. Заманың өзгергені миына кіріп те шықпайтын ол байғұстан не аласын. Кейде орнына әлі он үшке толмаған баласын қалдырып, тамақ ішуге кетеді, шақырыстан да қалмайды. Сол күні де жұмыс орнында болмаған.

Арада ай өтті ме, өтпеді ме, тағы бір жанжал бұрк ете қалсын. Кезінде осында қатардағы есепші болып істеген Серік Әблітаев деген азамат, өзінің ағайындары – төрт отбасының өкілдерін ертіп келіп, “Бес жылдан бері біздің мұлкімізді пайдаланып келесін, біздің әрқайсымызға кем дегенде 750 мың тенгеден қарызысын, соны қайтар”, – деп қиылықты салмасы бар ма? “Қайдағы мұлік, қайдағы қарыз?”. Тұсіндірмек болып еді, онысынан түк шықпады. Біллектерін сыйбанып, дауға сайланып келген, сөз тындаитын бірі жок. Айтатындары: “Бізді қанап жатырысын, біздің бала-шағамыздың ауызындағысын жырып алып, байып отырсын, жетті, ішкен-жегенің бойына құт, енді өзіміздікін өзімізге қайтар! Әйтпесе сотқа береміз!” Қазір осылай, бәрі занышыл, кит етсе сотқа береміз деп қорқытады. Бұл оларға не дей алады? “Дұрысы сол болатын шығар, занға жүгінейік”, – деп шығарып салды.

Бұл үлкен даудың басы ғана екен, ертеңіне осындай талаппен тағы төрт адам келді. Бірінің аузына бірі түкіріп қойғандай, олар да “қарызымызды қайтар” – дейді.

“Бұл не болып барады өзі? Бұлай жалғаса берсе, жұмыста береке бола ма? Басын ашып алу керек” деген оймен ол селолық округ әкімімен ақылласа келіп, бұл мәселені азаматтар жиынында талқылауға үйғарды.

Жайшылыта жиналыс десен, неше түрлі сылтау айтып, сырғып кетуге дайын тұратын халық қаптап кетті.

Кешікпей жиналыс та басталды. Күн тәртібінде бірақ мәселе: “Серікtestіk мүшелерінің өтінішін қарау”.

— Алдымен жиналыс тәртібін келісіп алайық, өтініш иелерін тыңдалап аламыз ба, әлде сөзді бірден серіктестік директоры Ерлік Бәйкенұлына береміз бе? — деді жиналысты жүргізуші ауыл әкімі Орынбек Сейітов.

— Өтініш иелерін тыңдайық! — деп шуылдасты көпшілік.

— Жақсы, онда бірінші сөзді Серік Эбілтаевқа берейік.

Серік Эбілтаев жасы алпыстың үстіне еркін шыққан адам, бірақ өмірі айыр-күрек ұстамағандықтан ба екен, жас көрінеді, мінбеге көтерілгеннен кейін залда отырғандарды бір шолып алды да, сөзін бастап кетті:

— Мәселе мағанғана байланысты деп ойлап қалмаңыздар. Қазір бәрін өздерініз де түсінесіздер. Мен өмір бойы табан аудармай осында енбек етіп келемін, оның қалыптасуына бір кісідей қосқан үлесім бар деп ойлаймын. Ал бірақ ойлап отырсам, бәлен жыл бойы төгілген тер босқа кетіпті. Өздерініз ойлап қараныздаршы, бұрынғы кеншарды жекешелендіргенде маған не тиді? Екі сиыр мен есکі “Белорусь”...

— Бізге ол да бұйырған жоқ, тәубе десейші.

Жұрт жазбай таныды. Не нәрсеге болсын ретсіз қыстырыла кететін Оңалсынның дауысы.

— Оңалсын, сен сөзді бөлме, менің айтайын деп тұрғаным, қазір құдайға шүкір, шаруашылық оналды, біз сияқтыларға да қарасатын мүмкіндігі бар, сондықтан береңшекті өтеу керек. Үйде отырып есептесем, менің бір өзіме миллион теңгедей берешек екен.

Кейбіреулер шектерін тартып қалды.

— Бір миллион?! Біздін түсімізге де кірмейтін нәрсе ғой!..

Жұрт шуылдалап кетті:

— Қарыз, миллион?!

“Тиышталыңыздар!” — деп жиналғандарды тәртіп сактауға шақырған әкім: — “Келесі сөз серіктестік директоры Ерлік Бәйкенұлына беріледі”, — деді.

Аяқ астынан көтерілген дау біраз уақыт Ерлікке де маза бермеген. Өтініш иелері орынсыз жерге пышак ұрып түр. Бүкіл құжаттарды көтергіті. Бұрынғы кеншар тарағанда бәрі де өз үлестерін алған. Бірақ бұрын-сонды ондайды көрмеген адамдар емес пе, онды-солды шашып бітірген.

— Біздің шаруашылықтың тасының өрлей бастағаны кейбіреудердің үйкесін кашырып тұрғандай ма, калай? Әйтпесе, мұндай мәселенің туындастын реті жоқ. Мен сіздерге қарапайым тілмен түсіндіріп берейін. Өздеріңіз шақырғаннан кейін осы ауылға келдім. Алғашқы жылы 20 үйдің үлесін алып, 1200 гектар жерге бидай септік. Банктен несие алдым, техниканың бәрін сырттан әкелдім. Келесі жылы тағы 50 үй қосылды... Осылай қатарымыз толығып екі-үш жылдың ішінде егістік көлемін 10 мың гектарға жеткіздік. Бұрынғы кеншардан бізге ауысқан ескі қойма ғана. Оны да сатып алдық. Сонда қандай қарыз туралы әнгіме қозғап отырсыздар?! Сіздер мен кеншар есеп айырысқан. Ал мен құрған серік тестіктің кеншарға еш қатысы жоқ.

Осы арада арыз иелерінің біреуі киіп кетті:

— Міне, бұлар осылай құйрығын ұстаптайды. Кеншарға қатысын болмаса, мына байлықтың бәрі қайдан келіп жатыр?

— Онын ешқандай құпия сыры жоқ, соңғы жылдың көрсеткіштерін ғана алайын. Өздеріңіз жақсы білесіздер, биыл егініміз бітік шықты, гектарбасы орта есептен 20 центнерден өнім алдық. Он мың гектар жеріміз бар. Сонда 20 мың тонна астық үйілді. Соның 15 мың тоннасын саттық. Биыл баға жақсы болды, кассамызға 2,5 миллион доллар ақша түсті. Оның үстіне жылда несие аламыз, техниканың көбі лизингке келіп жатыр.

Жұрт ұйып тыңдалап отыр. Ерлік келтірген цифрларды біреулері түсінсе, біреулері түсінбеген де шығар.

Серік Эбілтаев тағы да орнынан ұшып тұрды.

— Осы да әділдік пе, біреу бір үзім нанға ақша таба алмай қысылады, ал директор болса 2,5 миллион доллар табыс таптық деп бөсіп тұр. Ортақ шаруашылықтан түс-

кен табысты бір адам ғана пайдалансын деп қай замда жазылған, жұрттың бәріне тең бөлу керек!

— Токта! Токта!!!

Токтасын осылай жиналғандардың назарын өзіне аударып алды да, мінбеге қарай бетtedі.

— Жөн сөзге жетесіз ғана тоқтамайды. Осы дауға араспай-ақ қояйын деп едім, жүртты адастырып, елдің берекесін алғалы тұрсындар ғой. Ұмытылған ештепе жок. Бәрін басынан бастайық. Мына сырттан келген бала білмеген соң үндемей тұрған шығар. Біз бәрін білеміз. Қеншар тарап, осы отырған халық өндірістік кооператив құрдық. Оны, Серік, сенің немере інің Сәлік Смайлов баскарды. Осыны өтірік деші. Дей алмайсын. Сол кезде біраз дүние бар еді. Айналасы бір жылда тақыр мұзға отырдық. Мал да, техника да ұстағанның қолында, тістегеннің аузында кетті. Ақыры қалған-құтқанды бөлу басталды. Жап-жана “Белорусь” өмір бойы трактордан түспеген маған бұйырған жок, сенің аулана кірді. Ол ол ма, бертін ғана салынған тұтас бір қораны бұзғызып, түгел үйіне тасып алдың. Енді келіп үлес сұрағаның қай сасқанын? Әлде бізді тұқ білмейтін, тұқ түсінбейтін дүлей деп ойлайсын ба?! Бұлай елдің арасына іріткі салма!

Токтасын дұрыс айтады, мен де бір-екі ауыз сөз косайын деп енді мінбеге зейнеткер Наурызбай Сәбитов көтерілді.

— Тоқтықты қой ғана көтереді деуші еді, біз сол қой құрлы болмағанымыз ба?! Есімізді енді-енді жыып, енсемізді тіктей бастағанымызда, мыналарын не?! Ерліктің не жазығы бар?! Ұмытсандар, естеріне салайын. Осында Ерлік келгенде бәріміз де қара шайға қарап отырған жок па едік, аяғына жығылғандай болғанымыз қайда?! Келді. Жай келген жок, ауылға жаксылық ала келді. Сөйтіп көрші ауылдардан көш ілгері кеттік. Айтындаршы, кәне, қайда осындей тұрмыс бар? Ең бастысы, халық жұмыспен қамтылып отыр. Бұрынғыдай жастар селендереп көшеде бос

жүрмейтін болды. Керек десеніздер, жастардың жайын ойлаған да осы Ерлік емес пе еді?! Екі қолға бір жұмыс табылмай корадағы малға қарап қалған кезімізде “жұмысты жастар істесін, олардың көбі әлі ұжым дегеннің не екенин білмейді, соларды тәрбиелейік” демеп пе еді.

Бұдан кейін де бірнеше кісі сөз алып: “Бөлінемін дегендер бөліне берсін, біз өзіміз Ерлікпен бірге боламыз” – десті.

Осыдан кейін ел іші тынышталғандай болған. Бірақ ол ұзаққа созылған жок. Бір түнде екі үйдің шөбі қүйіп кетті. Участекілік инспектор қелді, әрлі-берлі жүріп, сұрас-тырғанмен, онысынан еш нәтиже шыққан жок! Арада он құн өтпей жатып тағы бір мая отқа оранды. Тоқтасынның үйген шөбі еді, қора-қопсысы бірге кетті. Халық улап-шулап жүріп, әйтеуір, үйін аман алып қалды.

“Бұл не болып кетті өзі?” Осы бір сауал Ерлікті неше түрлі ойға жетелеп, мазасын алды. Зардап шегіп жатқандардың бәрі – жиналыста Ерлікті жақтап сөйлегендер. Демек, бәрі қасақана, халықты қорқытып-үркіту үшін істеліп жатыр деуге негіз бар. Оның сыртында әнеуті жігіттін тұруы әбден мүмкін.

Ерлік қателеспепті. “Крыша” болам деген жігіт тағы келді.

– Хал қалай? – дейді кәдімгі құрдасындай ыржалаңдал.

Зығырданы қайнаса да үндеғен жок.

– Ақылға келмесен, бұдан да зорын көресін. Ойлан, болмашыны қимаймын деп барынан айырылып қалма!

“Қап, мына иттің қорлығы-ай!” Ерлік орнынан атып тұрды. Сол-ақ екен “крыша” есікten ата жөнелді.

Ертеніне Ерлік аудандық ішкі істер бөлімінің бастығына соғып, оны ауылдағы жағдайдан хабардар еткен, өзінін құдігін де жасырмады. Бірақ селт еткен анау жок!

– Мұның бәрі бос сөз, кімнін шөбі қүймей жатыр. Соңғы он күнде ғана аудан бойынша 150 тонна шөп өртеніп

кетті. Дәлел керек, қылмыс үстінде ұсталса бір, сірә,— деп тектен-текке мазалай берме деген сынай танытты.

Нак осы кезде салық инспекциясы дейсін бе, каржы полициясы дейсін бе, ауылға тексерушілер қаптасын келіп. “Домалақ” арыз тіпті Бас прокурорға, Президент аппаратына да түсіпті. Эрине, оларды қарша боратып жатқандар белгілі. Ерлік солардың сыртында үлкен бір күштің тұрғанын сезген. “Дәуде болса, мынау да соның ісі”. Ой қажап, әбден қалжыраған, ол таң алдында ғана көз ілді.

Қатты ұйықтап кетіпті. Тасыр-тұсыр есік ашылып, біреулер кіріп келгенде өзінің қайда жатқанын да түсіне алмай қалған.

— Сыртқа шығыныз, тергеушіге барамыз, — деді еңгездердің жас жігіт.

Тергеуші мұның өмірбаянын тәптіштеп жазып алғаннан кейін:

— Өзінізге қандай айып тағылышп отырғанын білесіз бе? — деді.

— Түк түсінсем бұйырмасын.

— Сіз есірткімен...

— Қайдағы есірткі?!

— Тоқтаныз, мұнда сұрапты мен коямын. Есірткі болғанда да, ірі көлемді, гашиш. Оның үстіне көлігінізден тапаншаның патрондары табылды. Бұған не дейсіз?

— Не айтарымды өзім де білмей отырмын. Есірткі де-геннің атын естігенім болмаса, қолға ұстаған нәрсем емес. Гашиш... Патрон... Түкке түсінсем бұйырмасын...

— Не түсінбейтіні бар, сізді кімнің ұстағанын білесіз бе?

— Жок.

— Республика Ішкі істер министрлігіне қарасты наша-қорлыққа қарсы күрес департаменті бастығының орынбасары Тұрсын Иманбековтің өзі ұстады. Арнайы опера-ция кезінде сіздің қалтаңыздан ірі көлемді есірткі және тапаншаның патрондары табылған. Оны куәлер де растап отыр.

...

Ерліктің қамауда отырғанына бүгін үшінші күн. Тергеуші екі рет жауап алды. – Сөз сыңайы жаман. “Үстінізден қылмыстық іс қозғалды, айғақтар жеткілікті. Өзініз тұратын ауылдың тұрғындары да сізді мақтап отырған жоқ. Әбілтаев деген азаматтың түсініктемесін оқыык” үйінен кісі арылмайтын, біреу келсе, біреуі кетіп жатады, әйтеуір, сапырылысқан халық”. Кімдер олар? Бәрін анықтаймыз. Енді жуырманда үйінізге орала қоймассыз”, – дейді. Сосын қорғаушы керек пе? – деп сұрады. Басында “Қорғаушины қайтемін, ешқандай кінәм жоқ”, – деп ойлағанмен “мыналардың түрі жаман, әй-шай жоқ түрмегетыңып жіберуі де мүмкін” деп қорғаушы жалдауға келісті. Ол бүгін келуге тиіс.

Қорғаушы дегені жап-жас қызы болып шықты. Жасы асса, 25-те болар деп шамалады. Мұның қорғаушиға деген сенімі шамалы. Әйткені киноларда көрсетіп жүргеніндей, қорғаушылар ақшасын алады, сосын сотта айыптыны ақтау ниетімен бірдеме айтқан болады. Бірақ бәрібір түптін-түбінде жеңіліп қалады. Әлде, бұған кездеспеді ме, әлде, өмірде солай ма, қорғаушиның жеңіске жеткенін көрмепті. Содан да ол қорғаушины селсок қарсы алды. Тіпті “Сәлеметсіз бе” деген де жоқ.

– Менін аты-жөнім – Светлана Григорьевна Павлова, сіздің қорғаушиңыз боламын, – деді жас қызы бұған құлім-сірей қарап. – Байқаймын, жасып қалған сияқтысыз ғой. Олай болмайды. Кінәсіз екенінізді дәлелдеп шығуымыз керек. Ол үшін мен сізге қатысты жайдың бәрін білуге тиіспін. Қарсы болмасаныз, жұмысымызды бастайық.

– Жаксы.

– Өмірбаянынызben, іспен таныстым. Түсініксіз жайлар көп. Бірақ... бірақ сізді ұстау кезінде қалтаңыздан есірткі шықкан. Есірткі болғанда да бала-шағаның қалтасында жүретін шөп емес, мың мәрте өндөлген гашиш. Өзініз осыны қалай түсіндіресіз?

— Тіпті, соған миым жетпей қойды. Үш ұйықтасам, түсіме кірмеген жай. Ақшаға қызығатын жан емеспін. Құдайға шүкір, биыл да табыстан кенде емеспіз...

— Сіздіңше есірткі бизнесімен “қалтасы тесіктер” ғана айналысады ғой. Жоқ, олай емес. Кез келген адам дүниеге тоймайды. Байыған үстіне бай түссем дейді, есірткі саудасымен айналысушилар арасында да ондайлар көп.

Ерлік еріксіз құліп жіберді:

— Шалғайдағы ауылда қайдағы есірткі?..

— Мен сізге қорғаушы болуға келіскеннен кейін әрбір сезінізге сенгім келеді. Бірақ, әлгіндей тұжырымды іске тіге алмайсыз. Дәлел болғанда да бұлтартпас дәлел. Демек, сол дәлелді іздеуіміз керек. Ойланыныз, барлық жайларды еске түсірініз.

— Иә, оған уақыт жеткілікті.

Қорғаушы қыз қоштасарда: “екі күн сотта боламын, енді жұма күні кездесейік”, – деді.

Ерлік оқшаулағышқа қамалғалы құннен де жаңыла бастағандай, аядай бөлме, төрт қабырғада... Жанын жегідей жеген ой. “Үйдегілер не болып жатыр екен? Ендігі ел-жүртқа да тараған шығар?”

Екі күн ешкім мазалаған жоқ. Қай-қайдағы ойға келеді. Үлкендер “Бәрі алланың қолында” деп отыруши еді, соның бәрі рас екен-ая! “Енді-енді бәрі орнына келгенде бәрі астаң-кестен болғаны ма?!”

Көзі ілініп кетіп еді, тұс қөрді. Марқұм әкесі үйдін алдында отыр. Бұл: “Әке, үйге неге кірмейсің?” дейді. Үн жоқ. Тіпті, мұнымен сөйлескісі келмейтін сияқты. Қабағы түсіңкі. “Әке, маған ренжіп отырғаннан саусың ба? Менің еш кінәм жоқ. Өзің үйреткендей, адал жолмен келе жатырмын. Оку оқы деген аманатынды да орындаым. Өзің құрған шаңырактың тұтінін сөндіргем жоқ”. Әкесі үнсіз, орнынан тұрып, бұдан ұзай берді. “Әке, әке!!!”

Өздауысынан өзі оянып кетті. Қара терге түсіп жатыр екен. Ол біразға дейін өзіне-өзі келе алмай есенгіреп жатты.

Қолына алғаш кісен салынғанда аспан айналып, жерге түскендей күй кешкен ол, ойлап отырса, әлі өзіне өзі келе алмапты. Қорғауышы қызайтқандай, жасып қалғаны анық. Мүмкін, оған “кінәсіз жанды тектен-текке қүйдіре қоймас” деген ішкі сенімі әсер еткен шығар. Бірақ, мыналардың түрі жаман. Олар мұны кінәсіз деп отырған жок. “Қалтаннан есірткі шықты. Қайдан алдың? Бәрін актар, сыйбайластарынды ата” деп дік-дік етеді. Ал, бұл болса, “не деп отырсындар, өздеріннің естерін дұрыс па, білдей бір шаруашылықтың басшысын есірткі сатумен айналысты деп айыптауға ауыздарын қалай барады? Бұл қорлықтарынды аяқсыз қалдырмаймын. Зан әрімізге бірдей, ертең өздерің де жауап бересіндер” деп уәж айтпағаны, карсылық білдірмегені қалай? Мұны басқалар қалай түсінеді. Қылмысын мойындап отыр деулері де мүмкін ғой. Қой, карап отырмайын... Осылай іштей жігерленсе де, қалтасынан есірткі шыққаны анық. Оны жұрттың бәрі көрді. Оны қалай теріске шығарады?” Өзі де, куәлар да қол койды. Сол күні қалаға баратын болған соң, костюмін ауыстырып кигені есіне түсті. Токта, токта!.. Ол костюмді ара-тұра Сәкен де килюші еді ғой. Сәкен – Ерліктің үлкен ұлы, институтты биыл ғана тәмамдаған. “Балалыққа салынып, бірдене бүлдіріп жүрмесе жарайды ғой”. Ерлік өз ойынан өзі шошып кетті.

Тағы да басы ауыра бастады. Неше түрлі ой миын шағып жатыр. “Құрып кеткір, есірткі мұның қалтасына қалай түсті? Әлде, өзін ұстағандардың біреуі қалтасына салып жіберді ме екен? Олай істейтін, олардың мұнда ұзында өші, қысқада кегі бар ма?..”

Жалғыздық қыын екен, өз ойынмен өзін арпалысқан кандай ауыр? Ол қорғауышы қыздың келуін асыға күткен. Бірақ ол уәделі күні тәбе көрсеткен жок, араға төрт күн салып, дүйсенбі де бірақ келді.

– Соттан кейін сіздің ауылға барып қайттым, – деді ол.

Ауыл дегенде елең ете түскенмен Ерлік “Ондағылар қалай екен?” деген тіл ұшына оралған сөздерді іркіп қал-

. “Бәрі де аман, сіздің мұнда екенінізден хабарсыз” деп сқа қайырған көрғаушы қыз:

— Ойландыңыз ба, есінізге түскен жайлар бар ма?— і.

— Бәрі көздің алдынан өтіп жатыр ғой. Эрі ойлап, бері лап, осы біреулердің қасақана ұйымдастырған ісі ме 1 отырмын.

— Оған қандай негіз бар?

Ерлік “крыша” боламын деп келген жігіт туралы гты.

— Қазір ондайлар көп кой. “Тисе терекке, тимесе бұзқа” дегендей, тамырыңызды басып көрген шығар?

— Басында өзім де солай ойлағам. Енді ойлап отырсам, ың іс-қимылын біреу бағыттап отырған сияқты. Соңғы 1 жылда сүттей ұйыған ауылдың шырқы неден бұзыл? Көктемгі егіске әне-міне шығамыз деп отырғанда қынғар жанармаймызды ағызып жіберді. Серіктестік құраңдағы бірнеше үйдің шөбі күйіп кетті. Тып-тыныш рген бір топ адамның бүйректен сирак шығарып, үлес жауында да не мән бар? Менінше осылардың арасында 1 байланыс бар сияқты.

— Сөзініздің жаны бар, қазір елдегі жағдай түзеле басанды “дайын асқа тік қасық” дегендей, басқалардың ұлығына көз алартушылар табылып жатыр ғой. Сіздің дүниенізге қызығушылар бар шығар. Бұл өзі түптің түде жалпы елді жайлаған індектеке айналуы мүмкін. Сатышылардың айтуларына қарағанда, мұның аяғы үлкен 1 йқасқа үласады.

— Қазан төңкерісі қайта оралады десеңізші.

— Қазан төңкерісінде байларды кедейлер тонаса, бұл лы байды бай талайды, күші жеткендер әлсіздерді жүп қоюға тырысады. Бұл орайда неше түрлі айла-шарғы, тық-сұмдық қолданылады.

— Мен де сондай қара ниет біреулер құрған торға шырлым ба деп отырмын.

— Мүмкін, мүмкін... Бірақ есірткі қалтаңызға қайдан келді? Алдымен осы жұмбақтың түйінін шешуіміз керек.

Жаңа ғана өзін қолдап отырған қорғаушының осы сөздері оның үмітін үзіп жібергендей болды. “Кім де болса, мұны ұрымтал жерден ұстаған, онайлықпен босата коймайтын сияқты. Элде ”крыша“ боламын деп келген жігіттің полициямен байланысы бар ма екен?”

Осылай өз ойымен өзі болып кеткен Ерлік қорғаушының “Бүгінгі әңгіменізді осымен тәмамдайық” деген сөздерін естіген де жок. Светлана Григорьевна камерадан шығып бара жатып сәл бөгелді де: “Тергеуші жауап ала-мын десе, міндettі тұрде мені шақыртыңыз”, — деді.

Ерліктің шыдамы таусыла бастады. Соңғы рет кездескенде тергеушіге:

— Несіне соза бересіздер, кінәлі деп тапсаныздар істі сотқа тапсырмайсыздар ма? — деген.

— Сол қүнге де жақындаپ қалған сияқтымыз, — деді тергеуші бұған тесіле қарап.

Айтқандай, екі қүннен кейін Ерлік тергеу оқшаулағышынан босап шықты. Тұқ түсінсе бұйырмасын. Тергеуші: “Сотқа шақырыласыз, әзірше боссыз” дегеннен басқа сөзге барған жок.

Ерлік ауылға оралғанмен бірден жұмысқа бел шешіп кірісіп кете алмады. Жігіттер де мұның жайын түсінетін сияқты. — Демінізді ала берініз, аландаитын ештеңе жок, бәрін өзіміз тындырамыз, — дейді.

* * *

Ол сотқа шақыру алғанда, өз көзіне өзі сене алмай, тілімдей қағазға жұз рет үнілген шығар. “Күә ретінде. Мүмкін емес, шақырту қағазын жазған адам қателескен шығар? Бұл күә ретінде шақырылса, айыпталушы кім?..” Ол облыс орталығына жеткенше осындай ойлармен ар-палысумен болды.

Қалаға кірер-кірместе ұялы телефонымен қорғаушысына хабарласты. Ол да сот мәжілісіне дайындалып жатыр екен. Қөніліндегі күдігін білдіріп еді, “Бәрі дұрыс, ешқандай қателік жок, сотта кездесеміз” деп қыска кайырды.

Сотқа ауылдан бұдан басқа да бірнеше адам шакырылыпты. Бәрі үнсіз, сотқа шакырылғандар үшін арнайы бөлінген бөлмеде тым-тырыс отыр. Ауылдастарымен бас изесіп амандақан бұл бос орындықтардың біріне жағасты. Қөніл-күйі “тағдыр салды, мен көндім” дегендей, “бәрі бүгін шешіледі” ...

Ол сот мәжілісі өтіп жатқанынан хабарсыз еді. “Кашан басталады?” деп іштей тықыршып отырған. — Ерлік Бәйкенов! — деген бөтен адамның дауысын естігенде ғана бір сәт ойдан сергіп, өзіне таялып келіп қалған жас жігітке “Бәйкенов меммін” — деп тіл қатты.

— Менің соңыма ерініз, — деді бейтаныс жігіт.

Сот залының табалдырығынан алғаш аттауы, басында кімнің кім екенін ажырата алмай, абыржыңқырағанмен, ойын да, бойын да тез жиып алды.

Сот терағасы:

— Ерлік Бәйкенов, сіз бүгінгі сот мәжілісіне куә ретінде шакырылып отырсыз. Мына айыпталушы орындығында отырған Тұрсын Иманбековті білесіз бе? — деді.

Айыпталушы орындығына көз тоқтатқан Ерлік анада өзін ұстаған подполковникті бірден таныды.

— Бір рет көргенім бар.

— Қайда, қашан, қандай жағдайда көргеніңізді сотқа баяндап берсөніз.

— Отken жылы қантардың 14-і күні жүргізушім Сәбит Халықов екеуміз бір жұмыспен облыс орталығына бардық. Содан қайтып келе жатқанда, аудан орталығынан шыға берісте, бізді полицейлер тоқтатты. Эй-шайға қаратқан жок, бәрі бетперде киген, колдарында автомат...

Айыпталушы да бетпердеде болды ма?

- Жок, бұл кісінің бетпердесі болған жок.
 - Айта беріңіз.
 - Сосын машинаның астан-кестенің шығарды, қалтамыздығының бәрін капоттың үстіне жайып койды.
 - Қалтаныздан неше қорап сірінке шыкты?
 - Екі қорап. Сосын бірнеше бүктелген қағаз шыкты.
- Ішіндегі ақ ұнтақты кейін есірткі деп түсіндірді.
- Осы айтқандарыныңға тағы қосарының бар ма?
 - Жок.
 - Онда сіз әзірше боссыз.
- Ерлік дәлізге шықса, мұны осы қалада мектепте мұғалім болып істейтін нағашысының үлкен баласы Мақсат күтіп тұр екен.
- Жиен аға, кіруіннен шығуын тез болды ғой, – деді ол жымындал.
 - Амансыңдар ма, өзім де түкке түсіне алмай тұрмын. Энеугі министрлікте істеймін, подполковникпін деп жүрген жігіт айыпталушылар орындығында отыр. Айтқандарының бәрі өтірік болғаны ма, сонда?!
 - Бір өтірігі жок, подполковник, министрлікте істеген. Сіз, анада жергілікті газетте жарияланған хабарды оқымаған екенсіз ғой.
 - Ол қандай хабар?
- Мақсат ішкі қалтасынан қойын кітапшасын алып шыкты да бір тілім газет қыындысын Ерлікке ұсынды.
- Қыып алып, салып қойып едім. Мә, оқыныз.
- Қыска ғана хабар екен. Ерлік оқи бастады. “Ұлттық қауіпсіздік комитеті мен облыстық прокуратураның қызметкерлері бірлесіп жүргізген жедел іздестіру шараларының барысында ішкі істер органының К. есімді жоғарылауазымды қызметкері ұсталды. Оған қызмет бабын асыра пайдаланды деген айып тағылып отыр”.
- Элі түсінген жоқсыз ба?
 - Жок, түк түсінсем бұйырмасын.
 - Айыптылар орындығында отырған адаммен мына газеттегі К. бір кісі.

Ерлік сот мәжілісіне келесі күні де келді. Қорғаушысы: “Катысамын десеніз, рұқсат алдым” деп мұны залға отырғызып қойды.

Алдымен сот төрағасы шақыру жіберілгенімен белгілі бір себептерге байланысты сот мәжілісіне келе алмаған қуәлердің жауаптарын оқыды. Содан кейін Астанадан келген жалғыз куәні ортаға шақырды. Жүріс-тұрысына, өзін еркін ұстауына қарағанда үлкен бастықтардың бірі болуы керек. Жауабы да нық.

— Айыпталушылар орындығында отырған азаматты танисыз ба?

— Иә. Менің орынбасарым – Тұрсын Иманбеков. “Мак” операциясы кезінде жергілікті полиция қызметкерлеріне практикалық және әдістемелік көмек көрсету мақсатымен осы облысқа іс-сапарға баратын болды. Нәк осы кезде маған өзін Исатаев Оразбын деп таныстырған бір азамат телефон шалып, өзінің серіктестік директоры туралы жазған хатының “елеусіз” қалғанын хабарлады. “Не жайында?” деп едім, “Былығы көп, есірткі таратады”, – деді. Сосын Иманбековті шақырып алдым да, жағдайды түсіндіріп, “әйттеуір, сол жаққа бара жатырсыңғой, мән-жайды біле кел” дедім.

— Иманбеков кейін сізге хабарласты ма?

— Бір-ақ рет телефон шалды. Онда да бұл мәселені қозғаған жоқ.

— Сіз өз тапсырманыздың қалай орындалып жатқанын сұраған жоқсыз ба?

— Жоқ.

— Куәгер Әлім Молдабеков.

— Иә, облыстық ішкі істер департаменті бастығының орынбасарымын.

— Айыпталушы Иманбековті танисыз ба?

— Танимын.

— Қайда, қашан таныстыныздар?

— Бұған дейін де ол біздің облыста іс-сапарда болған.

Соңғы рет келгенде Республика ішкі істер министрінің орынбасары қол қойған жоспар-тапсырманы көрсетіп, құпиялылықты сактауымды, өзінің не мақсатпен келгендін ешкімге айтпауымды сұрады. Мен көп сөзге бармай есірткіге карсы құрес бөлімінің бастығы Нұрлан Құдайбергеновті шақырып алдым да, Иманбековке көмектесу жөнінде тапсырма бердім. Иманбековтің қаладан тыс жерде құдіктің тұтқындау шарасын жүзеге асырмақ ойынан хабарым болған жок.

— Ерлік Бәйкеновтің тұтқындалғанын кімнен, қашан естідініз?

— Екі күннен кейін Құдайбергенов хабарлады. Мәнжайды толығырақ әңгімеледеуін сұрағанымда ол операцияға өзінің де қатысқанын, Иманбеков топты тергеу, техникалық қамту және арнайы мақсаттағы бөлім қызметкерлерінен жасақтауды сұрағанын айтты. Құдайбергеновтің көзінше аудандық ішкі істер бөлімінің бастығына телефон шалдым. Ол серіктестік директорының ұсталғанынан хабарсыз болып шықты. “Тұбі шикі нәрсе болуы мүмкін, Ерлік Бәйкенов аудандағы белгілі адамдардың бірі, ол есірткі таратумен айналысты дегенге өз басым сенбеймін”, — деді.

Осы сөздерден кейін Е.Бәйкеновті ұстауға қатысқан топтың мүшелерін жинап алғып, әңгімелестім. Олар алғашқы күні топ мүшелерінің Е.Бәйкенов басқаратын серіктестікті торуылдағанын айтты.

— Иманбеков те бірге болған ба?

— Капитан Серік Көшеровтің айтуынша, Иманбеков бұларды ауыл сыртына қалдырып, кетіп қалыпты. Кешке тамақ әкеліп беріпті.

— Жалғыз ба, әлде қасында біреулер болып па?

— Бір келгенде машинаның артқы орындығында екі адам отырыпты. Бірақ, каракөленкеде түстерін ажыратса алмапты.

– Сіз Е. Бәйкеновтің ісін жүргізген тергеушіге арада екі ай өткеннен кейін “Байқа, асықпа, бәрін мұқият тексер, жазықсыз жан тектен-текке күйіп кетіп жүрмесін” депсіз, оған не себеп болды?

– Иманбековтің тобында болғандардың бәрі Е. Бәйкеновті ұстасау кезінде подполковниктің өзі өте-мөте белсенділік танытқанын, оны құшақтап жерге жыққанын айтқан еді. Ішкі істер министрлігінің қолданыстағы нормативтік актілерінде мұндай іс-әрекетке тыйым салынған, арнайы мақсаттағы қызмет жауынгерлерінің ісіне араласуға ешкімнің қақысы жок. Бұрын-соңды мұндайды естіген жоқ едім, осы жай құдік туғызыды.

– Бұл жөнінде Иманбековтің өзіне айттыңыз ба?

– Жоқ. Ол іле Астанаға жүріп кетті деп естідім.

– Оқиға орнынан түсірілген бейнематериалды алып қарадыныз ба?

– Иә, топ мүшелерімен бірге қарадық. Е. Бәйкеновті тұтқындау сәтін түсіруге тиіс Сергей Яковлевке Иманбеков ешқандай бұйрық бермеген. “Алас-құлесте ұмытып кеткен шығар” деп өзім түсіре бастадым” дейді ол. Бәйкеновті тінткеннен кейін оның қызмет көлігі тексерілген. Алғаш рет артқы есіктің қалташасынан ештене табылмаған. Арада біршама уақыт өткеннен кейін Иманбеков “тағы қараңдар, дұрыстап қараңдар” дегеннен кейін тексерушілер газетке оралған патрондарды тауып алған. Екі сәтте камераға түсірілген, уақыты бәрі анық көрініп тұр.

– Одан басқа көнілге құдік алар ештене байқаған жоқсыз ба?

– Жоқ, тек ертеңіне С. Яковлев таңертең өзі түсірген бейнетаспаны қарап отырып, тосын жайға тап болғанын хабарлады. Біз тағы жиналдық, тағы да оқиға орнынан түсірілген бейнетаспаны қарадық. С. Яковлевтің “Иманбеков Е. Бәйкеновті ұстасау кезінде қалтасына қолын салды” дегені рас болып шықты. Ол алғашқы әнгімeden кейін лабораторияға оралып, бейнетаспаны арнайы аппаратпен қарапты. Бәрі көрініп тұр. Иманбековтің он қолын

Бәйкеновтің қалтасына салып жатқаны түсіп қалыпты.
Ар жағы белгілі ғой...

* * *

Қадіржан жұрт аяғы саябырлады-ау деген кезде алдында жатқан істі өзіне қарай жақындастып, көзілдірігін киді. 1955 жылы бұрынғы Қекшетау облысында туған, Казакстан Республикасының азаматы, казак, білімі жоғары, отбасы бар, қазір Астана қаласында тұратын, еш жерде жұмыс істемейтін, бұрын сottалмаған Иманбековті айыптау туралы №1/511-ші іс. Бұл істің нүктесі ертең койылуға тиіс. Үкім шығарылады, оған негіз жетерлік. Солай бола тұрса да Қадіржан ежелгі әдетімен барлық жайды тағы бір ой сарабына салуды ұйғарды.

Бұл істің бір ерекшелігі, айыптылар орындығында отырған Иманбеков көп қылмыскердің бірі емес, кеше ғана өзі де қылмыска қарсы құрестің алғы шебінде жүрген ішкі істер органының жауапты қызметкери. Тіпті ақылға сыймайды, сенгін де келмейді. Аз ғана уақыттың ішінде қызмет баспалдақтарымен екінің бірінің қолы жете бермейтін биіктерге көтерілген азамат омақаса құлағалы тұр. Кім кінәлі? Қоғам ба? Нарық па? Элде азаматын корғай алмаған ағайын ба? Қоя берсөн сауал көп. Оған ертең бір-ақ жауап беріледі, ол – сот үкімі. Үкім шығару айтуға ғана оңай. Неше жерден судья болсанда, біреудің тағдырына, өміріне байланысты шешім қабылдау қынның қыныны. Бірақ, қылмыскер кім болса да, зан алдында жауап беруге, жазасын тартуға тиіс. Аяйсың. Жоқ, ол Иманбековті аяп отырған жоқ, кеше ғана көрген Ерлік Бәйкеновті аяп отыр. Жап-жас жігіт, самай шашы аппақ. Бірақ біреуғе кектеніп тұрған ол жоқ, кайта актала сөйлейді. Соңғы жылдары өзінің де көрмегені жоқ екен.

Ал Иманбековке не жетпеді десенізші? “Біреудің көз жасына қаламын-ау” деп ойламағаны қалай? Бәрі қанағат

лекеннің не екенін білмеудің салдары, тойымдылықтың жоктығы ғой. Әйтпесе, айдаладағы біреудің байлығына көз алартып несі бар? Қазак “шайтан азғырды” деп осыны айтады. Иманбековті адаптациялдан тайдаған “шайтан” емес, бір ауылда бірге өскен туысы Нұрқан Эйкенов сияқты. Эйкеновті қуәлардың бәрі таныды. Ол Бәйкеновке немере інісі арқылы жасаған қоқан-локылығынаң ештеңе шықлаған соң, өзі келіп, “серіктестігінің 50 пайыз акциясын сат” деп қолқа салған, “берсен қолыннан, бермесен жолыннан” аламын деп қорқытқан. “Біреудің қолымен от көсөу” деп осыны айтады. Ішкі істер министрлігіне, облыстық прокуратураға Бәйкеновтің үстінен шағым ұйымдастырылған – осы Эйкенов. Алғашқы тергеу барысында: “Соның бәрін Иманбековтің айтуымен істедім” деп мойнына алған ол өтіріктің өрге баспайтынын түсінді ме екен, қазір бой тасалап, қашып жүр. Шырғаланың түйіні шешілгенмен біраз тер төгуге тұра келді ғой.

Иманбеков те бала емес, айла-шарғысы мол адам екені көрініп тұр. Бірак, қанша бұлтактарғанмен айғақтардан жалтара алмады. Астанаға Бәйкеновтің үстінен “домалак” арызды қарша боратқандар да табылды. Солардың біразы Айсұлу Кәкенованың қолынан өтіпті. Ол Нұрқан Эйкеновтің көңілдесі болып шықты. Эйкеновтің “Таяуда “Бірліктің” тізгінін өз қолыма аламын” деген сөзіне сеніп қалып, дайын арызға қолдарын сүйкей салған Нестеров пен Эміров те “Бәйкенов те бес бересі, алты алашағымыз жок” деп азар да безер болды. Олардың айтуларынша, Бәйкеновті тұтқындау кезінде Эйкенов те, Кәкенова да Иманбековтің машинасында болған.

Қадіржан бір сәт сараптамалар қорытындыларына көз жүгіртті. Бәйкеновтің қалтасынан “табылған” есірткінің салмағы 6,11 грамм, патрондар заводтан шыққан, 5-үі “Макаров”, 7-үі “Стечкин” пистолетінікі, 6-үі “Кипарис” пистолет-пулеметінікі. “Бәйкеновтің денесінде кө-

геріп кеткен жерлері бар. Бәйкеновті ұстau кезінде түсірілген бейнетаспаның 8 бөліктен тұратыны, монтаждау жүргізілмегені жазылған.

Әйкенов пен Иманбековтің “Бірлік” серікtestігінің директорының меншігін тартып алмақ болғаны айданаңық. Оқиға болғанға дейін Иманбеков Эйкеновтің баласы Ержанның атына жазылған С 211-АУМ нөмірлі “ВАЗ-2110” автомобилін мініп жүрген. Бірақ осылардың бәрін мойнына алып отырған Иманбеков жок. Міз бакпастан “Әйкенов дегенді білмеймін”, – дейді. Ал өздері ұялы телефонмен жиі-жиі сөйлесіп тұрған. Соңғы 20 күннің ішінде екеуі телефон арқылы 25 рет тілдессе, оқиға қарсанында Эйкеновтің інісінің үйінен Иманбековтің ұялы телефонына 9 рет телефон шалынған.

Иманбеков өзінің тікелей бастығының атына Бәйкеновтің есірткі таратумен айналысатыны жөнінде екі рет рапорт жазған. Біріншісінде “бізге тілеулес адам Бәйкеновтің кавказдықтармен байланысы бар екенін хабарлады” десе, №130 с рапортында Бәйкеновтің үстінен қылмыстық іс қозғалғанын жеткізеді. Осылай Иманбеков Қазақстан Республикасы Қылмыстық кодексінің 251-ші бабының 2-бөлігін, 259-бабының 3-бөлігін, 339-бабының 3-бөлігін бұзып отыр.

“Алтын көрсे періште жолдан таяды”. Қалай тауып айтылған сөз. Иманбеков те онай олжаға қызығып, біреуге ор қазбак, жазықсыз жанды су тубіне жібермек болған. Терен қазған. Енді сол орға өзі түсіп отыр.

Қадіржан бір сәт алдында жатқан құжаттардан басын көтеріп, қарсы қабырғада ілулі тұрған сағатқа қарады. Сағат тілі онға таяп қалыпты.

Ол далаға шықса, қар қылаулап тұр екен, айнала ап-пак. Ай көтеріліп келеді. Үп еткен жел жоқ. Төнірек нұрға малынып тұр... Оның ойына тағы да Ерлік Бәйкенов оралды.



ТУҒАН ҮЙДІҢ ТҮТІНІ

Танертең ерте тұрып жолға жинала бастадым. А나м да әбігер, қағазға оралған бірденелерін сөмкеге сыйғыза алмай әлек.

— Апа, соларды қайтесін, керегі жок.

— Керегі жоғы несі, барғанда балалар қолына қарамай ма?! Ауылдың майын да сағынған шығар.

Екеуден-екеу шай ішіп отырмыз. Сағатыма қарап коям, кешікпей автобус та келуге тиіс.

— Апа! — дедім ақырын ғана.

— Эу, құлыным?! — Не айтайын деп едің?

Апам шай кесені тағы да алдыма жылжытты.

— Қашанға дейін осылай жалғыз отыра бермексін?!

Апам үнсіз. Жүзіне көз тоқтаттым: самай шашының ағы молайып, мандайындағы әжім іздері тереңдей түскен сияқты.

— Қартайғанда мені әурелеп қайтесін, жылы орнымды сұтып қалаға көше алмаймын, оған ренжіме.

Менің сауалыма апамның жауабының орайласпауы бір бұл ғана емес. Бұрын да осылай жападан-жалғыз отыра бересің бе, қалаға көшсейші деп талай рет айтқам. Апам, әдетте, үндеңей құтылатын. Дәл бүгінгідей өз шешімін кесіп айтқан емес-ті.

Әкемнің о дүниелік болғанына екі жылдан асып барады. Содан бері апам жалғыз. Алғашында “Әкеннің жылы өтсін, сосын көре жатармыз”, — деп екі ұшты жауап берген. Айтқан мерзімі де өтті. Бірақ апам көшетін сынай танытпады. Соңғы кездері тіпті көшу туралы әнгіме

қозғала қалса, қабак шытатынды шығарды. “Ренжіме” дейді. Сірә, бұл анамның енді мені мазалама дегені ғой.

Мен сөзден тосылып қалдым. Ойым он сакқа жүгіріп, іштей толқып отырмын. “Әлде менің айтқандарыма сенбей ме?! Жайлыштың үйде жағдайының жаман болмайтынын өзі де біледі ғой. Отын-су іздептін емес, бәрі дайын...” — Апамның тартыншақтайтын реті жоқ сияқты.

— Апа деймін!

— Әу, құлыным!

— Қалада да өзің сияқты қарттар көп, әлі-ақ үйреніп кетесін. Ойлансайшы...

— Мен ойланбады дейсің бе?! Жалғызға қашанда ой серік. Тоқтаған жерім осы болды. Әзірше шығып-кіруге жарасам, кейін көре жатармыз...

— Апа, ойлансайшы?! Өзі жұрттан үят. Жеті балаң жеті жерде тұтін тұтептіп отыр. Тіпті, қалаға бармағанның өзінде солардың біреуімен бірге болсайшы.

— Енді мені қинама, көзім тірі тұрғанда әкен салған осы үйден ешқайда қозғалмаймын. Қалай ғана біреуге киып кетемін. Осы үйді ол кім үшін салды, неге салды?!

Апамның мына сөздеріне айтар уәжім жоқ. Бәрі рас, бұл үйді әкем салған, бейнетке белшесінен батып жүріп салған.

Әлі есімде... Сол кездері бала болсам да, бәрі де күні бүгінгідей көз алдында. Сол күні әкем жұмыстан оралысымен бұрышта тұрған көк абдыраны ашты да, комакты бір түйіншекті алып шықты. Сосын сары ала қағаздарды шытырлатып санай бастады. Бұрын санағаннан кейін ол ақшаны қайтадан орнына салып қоятын. Бұл жолы өйткен жоқ. Манадан әкемнің қимылын үнсіз бақылап отырған апам шыдай алмады білем: “Тағы да сауда ма, әйтеуір, алақаның қышып тұрады-ау, сенін”, — деп кейи бастады. Әкем болса сабырлы қалпын бұзбастан: “Киімдерімді дайында, ертең Түмен облысына ағашқа жүремін, үй саламыз”, — деді.

— Саған осы үй жетпей жатыр ма, ойына не келсе соны істейсің?!

— Сен не білесін, жарлы байиды, жас өседі — деген смес пе, ертең мына қарадомалактарын сокталдай-соктаудай жігіт болғанда көрерсін. Бұларға дұрыс бір баспана салып бере алмасам, менің кіслігім қайсы?

Келесі күні әкем тұс ауа “ішке” жүріп кетті. Арада екі апта өткеннен кейін ауылға қарағай артқан машиналар ла келіп жетті-ау. Құшақтасан құшақ жетпейтін жуан бөренелерді қалай салған дейсін. Әкемде ес жок. Жуан қарағайларды топ-топ лактырады.

Біздің ауылда бұрын-соңды ешкім қарағайдан үй тұрғызыған емес-ті, әкем үйді жалғыз қиыды. Жаз бойы колынан балтасы түскен жок. Үйдің қабырғасы көтеріліп, шатыры жабылған кезде күтпеген жерден әкем ауырып қалды. Дәрігерлер “сүyk тиген, емдемесе болмайды” — деп ауруханаға жатқызып койды. Бірақ әкем ауруханада көп жаткан жок. Бір апта өткесін-ақ “тәуір болдым” деп үйге қайтып келді.

Құзде жаңа үйге түстік. Куанышымызда шек болған жок. Әкемнің де көнілі ток. Екі сезінің бірі “иесі сендерсіндер, тек іші құтты болсын!” — дегеннен басталады.

Біз есейіп, ер жеттік. Үлкен әпкем мен ағам окуға кетті. Сол кеткеннен олар ауылға оралған жок. Алам ”әкенің көнілі балада, баланың көнілі далада” деп бүркүлдай бастаса, әкем “қайтесін, қайда жүрсе де аман болсын, өрістің кенейгені жақсы”, — деп басып тастайды дәйім.

Кешікпей мен де қаладан бір-ақшықтым. Алғашкы кездері бүйрегім ауылға бұрып тұрушы еді, бірте-бірте қала өміріне мен де көндіге бастадым, ауылға келуді сиреттім. Сылтау көп: жұмыс, балалар, көлік жок, жол алыс... Сөйтіп жүргенде ауылдан “әкен қатты ауырып жатыр” деген хабар келді. Алып-ұшып жетсем, әкем қайтыс болыпты. Әйтеуір, қабіріне бір уыс топырак салуға үлгердім.

Иә, әзіз әке арамыздан кеткелі екі жыл өтіпті. Екі жыл бойы апам оның орынын құзетіп, салған үйінің тұтінін

түтетіп, жалғыз отыр. Ол өзінің осы үйден көзі тірісінде қозғалмайтынын бүгін ғана бүкпесіз білдірді. Мүмкін, бұған дейін “өзі түсінер, өзі сезер” деп келген шығар? Ол өмірлік жолдасы алдындағы борышын осылай түсінеді. Экеміз салған үйді есік-терезесін шегелеп, иесіз қалдыруға қимайды. Ал біз болсак, өз қызығымызға өзіміз мәзбіз... Неше түрлі ауыр ойлар жүрекке терен бойлап, мені тұнғиыққа тартып бара жатқандай.

— Шайынды ішсейші, сұып қалды ғой. Автобусыннан да қалып қоярсың?!

Апам мені асықтыра бастады.

Автобус аялдамасы біздін үйден әжептәуір жер. Келсем халық жаңа ғана жапырладап, отырып жатыр екен.

Үй жаққа көз тастадым. Апам әлі есік алдында тұр...

ҚУЫРДАҚ

Жайшылықта бір-бірімізді көрмесек сағынып тұратын көрші ауылдағы Алтай бөлемнің үйіне алты ай жаз ат базын бұрған жоқ едім, “хабарласпағанына карағанда, дәу де болса ренжіп жатыр” деп, кемпірім екеуміз тартып кеттік. Қоскөл мен Қарасырдың арасы алыс емес, қамши салдыруды білмейтін қаракөк бие жарты-ақ сағатта алып келді. Алып келгенін қайтейін, шеткі қыска көшені кесіп өтіп, бөлемнің үйіне бұра бергенім сол еді, осқырынып жалт бермесі бар ма. Тұлыпқа оранып анқау отырған кемпірім сол жерде домалап қала берді. “Тыр! Тыр-ға” басып жанұшырып жатырмын. Жайшылықта дауысым шықса, құлағын қайшылай қоятын жануардың тыңдайтын түрі жоқ, сынар езулей тартқан божыны сәл босатсам, ала қашайын деп тұр. Эйттеуір, көрші үйдің корасына тіреп токтаттым-ау. Бием дір-дір етеді, көзі ұясынан шығып кететін сияқты. “Соншама неден шошыдың, тыр,тыр”.

Сірә, есік алдында жүрген болуы керек, қалбалактап бөлем жүгіріп келеді.

Байқа, байқа, мынау бірденеден үркіп, бас бермей үйр! Ана тәтенді көтер!

– Ассалау мағалейкүм, тәтем үйге кірді, биені ыстығыңсылғанша осы араға байлай тұрайық.

– Соншама неден шошыды екен, өзің біл, байласан, ынайла?!

– Келмейсін, туысынды іздемейсін, бие де жолды үмытқан ғой.

Осылай жасы менен көп кіші болса да, орынды орынсыз қылжақтай беретін, тілінің тұзы бар бөлем өзімді қатыта бастағаны сол еді, анадайда жығылған малға ұялы каскырдай жабылып жатқан жігіттерге көзім түсті. Е, бәсе, жануар, канның иісін сезіп, шошып тұр екен ғой...”

– Үйдің дәл алдына малды кім жығады, одан да көшеге шығарып сойсан етті?!

– Биыл қар керемет, кораның “аузы-мұрның” бітеп тастады, мен көмектесетін кісі іздеп кетсем, балалар жығып тастапты. Жүр, жүр үйге кір!

Денесіне қарағанда, жас мал болуы керек, жігіттер тे-рісін жана ғана сыптырып жатыр екен. Қазақ алдымен қа-зысын көреді ғой, бұлар да бірінен сон бірі саусакты сұн-гітіп, жымың-жымың етеді.

– Алтеке, өзіңіз көрініш?!

– Мен несіне көремін, жануар тұра үш ай тұрды ғой, ак сұлыйдан айырғам жок.

– Е, бәсе, кемінде үш елі қазысы бар!

– Үш елің не, кемінде төртеу?!

– Болса болар, енді не тұрыс, құйындар!

– Мерген, әлгі шыныларың қайда еді, әкелсейші бері.

Күй.

Бөлемнің осылай деуі мұн екен, үлкен баласы ыдыс-аяғын сылдырлатып жетіп келді.

– Қайырлы болсын!

– Игілікке жегізсін!

– Қызыққа, өздеріне бұйырсын!

— Рахмет, рахмет, ал, алып жіберіндер!

Анадай жерде бір шынының домалап жатқанына қарағанда, біздің ауылдағы дәстүр мұнда да бар. Біздің ауылда қашан, қалай пайда болғанын білмеймін, малды бауыздағаннан кейін бір алады, қазысын көргенде тағы көтереді, бұл өзі кәдімгідей сінісіп қалған дәстүр, елі болса да, бұйырғаны деп тарта береді. Терісін сыптыры тағы бар... Эйтеір, қасапшылар үйге шекелері қызырып кіреді. “Байқасандаршы, осы қайдан шыққан нәрсе?” деп басу айтсан, кейбіреулер сакылдаған сары аязда мал сою оңай дейсін бе, жігіттердің енбегі адал, ішсін” деп өзеуреп шыға келеді. Байқап тұрмын, мұнда да ет үйге кіргенше, біраз бөтелкенің босайтын түрі бар.

... Кешікпей буы бұрқырап қуырдақ келді. Төргі бөлмеде төрт дастарқан жайылды, келін-кепшік – ауыз үйде. Ертеректе соғым сойғанда қуырдаққа қасапшылар, көрші-колан, оның өзінде бәрі бірдей емес, шақырылатын. Бөлем болса жарты ауылды жинаған сиякты.

— Тым көп емес пе, — дедім ақырын ғана.

— Біздің ауылда барлық үйде осылай, қуырдақпен құтыламыз.

— Қуырдақпен құтылғаны қалай, омыртқа бермейсіңдер ме?!

— Омыртқа қалғалы қашан, кейбіреулердің соғым сойғаның да естімейсін. Қазір күнкөрістің өзі қыындал кетті ғой. Жылқының бағасы күйіп тұр, осы ауылда тайдың өзі жүз мын тенгенің үстіне шығып кетті...

Бөлем самбырлап сөйлеп отыр, жұрт бас шұлғып қояды.

— Заман қыын ғой!

— Жұмыс жок!

— Мал ұстап күнінді көрейін десен, ұры-қарылар шидатпайды. Өрістегі былай тұрсын, қорадан әкетіп жатыр.

— Иә, омыртқаны ұмытқамыз...

Осы сөздерден кейін табаққа қолымды созарымды-созбасымды білмей отырып қалдым. Жұрттың менде

жұмысы жоқ, қасықтарын сумандатып, жұмсақ піскен қуырдакты қылғытып жатыр. “Әй, қазағым-ай, қуырдақ леген аты болмаса, кішігірім той сияқты, “Алып қояйык!” деген сөздер ауық-ауық ауыз үйден де естіліп қалады.

Жұрттың менде жұмысы жоқ, өз ойыммен өзім отырмын. “Омыртқа қалған” дейді, “ұмыттық” дейді. Соның бәрін тұрмыстың ауыртпалығымен түсіндірмек болады. “Бұлардың да сөздерінің жаны бар шығар-ay, екі адамға бір табақ ет асатын қазақ заманын тазы болып шалуға көшкен ғой. Есі кіріп, етегін жия бастаған екен, енді байи-тын шығар?..” Көзім әр жерде мойны сорайып-сорайып тұрған бөтелкелерге түсіп кетті. Неше түрлісі бар, “Кызылжар”, “Хаома”... “Құдаға конъяктан құй” дейді. Конъягі “Батыр”, шынысына, жылтараған қағазына қарап, қымбат екенін сезіп отырмын.

– Бөле, алсайшы, – дейді Алтай бүйірімнен тұртіп.
– Алып отырмын, алып отырмын.
– Айтпақшы, бүгін бөлеміз келіп қалды. Алтайдың ішіне біраз нәрсе түскен болуы керек, екі беті қызара бастапты. – Эдейі шакырсан бұлай келмес, қуанып отырмын. Ағайын араласпаса жат болып кетеді, бөлеме сөз берейін.

– Көлдененңен келіп килікті демендер. Соғымын әрдайым осындаі семіз болсын, игілікке жегісін. – Осылай дұрыс бастасам да, “омыртқа қалғалы қашан” деген сөздері есіме түсіп кетіп, желдей есіп жөнелейін. – Ағайындар-ay, бәрімізде шашылмайтын жерде шашылып, ашылмайтын жерде ашылып жүрген қазакпыш ғой. Омыртқаны ұмытатындаі бізге не көрінді, ата-бабамыздың дәстүрі емес пе еді?! Қуырдақ деп ауызды қу шөппен сұрткендерін жарамайды. Омыртқа дегенге табақ-табақ ет деп қарамаңдар, омыртқа – қазақтың көңілі, ағайын арасын қосып тұрған дәнекер. Осындаі қасиетті дүниеден безінуге бола ма екен, менің бір тұрлі жылағым келіп отыр...

Дастарқан басындағылардың бәрі “мынаның есі дұрыс па, мас емес пе?” дегендегі маған қараң калыпты. Менен мұндай қылықты күтпесе керек, бөлемде үн жок.

– Эйтеуір, бастадым ғой, айтатынымды айтып кетейін. Заман, заман, дейсіндер, осы заманды түзейтін кім, осы отырған өзіміз емес пе? Байқап отырмын манадан бері бір сирак еттің құнындағы арақ ішілді. Омыртқаның не жазығы бар, одан да арақты азайтпайсындар ма?

Жұртта үн жок. Байқамаптын, бөлем шығып кетіпти. Енді түсіндім. Ауыз үйде әйелдермен отырған кемпіріме барып “Анау бәрін бұлдіріп жатыр” деген ғой, Бәтіштің басы көрінді.

– Эй, Беркімбай, дастарканның берекесін алмай, тыш отыр, жұртта нен бар?!

Осымен әңгіме тәмам болды. Жиналғандар менің сөзімнен кейін ойға берілді ме, әлде қуырдақты ақаңмен “бастырып” алғаннан кейін маужырай бастады ма, әйтеуір, шай үстінде шәшке-аяқтың сылдырыған естіліп тұрды. Жайшылықта “Мынау, Тимириязда Шәймен деген атамыз болған” деп емеурін білдіріп, үй иесіне тағы бір екі бөтелкені “құрбандыққа шалдыратындардың да” аузына құм құйылды. Томаға тұйық, “Түү, үйдің іші қайнап кетті ғой” деп кейбіреулер үйлеріне кетуге асыға бастады.

Мен де енді көп бөгелмей, кантарулы тұрған қаракөк биені шалдырмastaн үйге тартып кеттім. Қысты құндері екі ауылдың арасына техника аса қатынай қоймайды, жол бұзылмапты, қаракөк үйге өзі апарады, божыны бос ұстап отырмын. Кемпірімде үн жок. “Дәуде болса ойланып отыр. Қазір шабуылды бастайды. Өзім де артықтау кеттім білемін, соларға ақыл айттып нем бар еді? Бөлем де, келін де ренжіп қалды білемін, мана өзіміз кәмпит-сәмпітке аузы-мұрының толтырып әкелген дорбамыз аяқтың астында бос жатыр...”.

— Жолды қарап отырсың ба? — деді бір кезде кемпірім дауыс беріп.

— “Қойқырғанға” келіп қалдық кой, тоңған жоқсың ба?

— Атам жарықтық, қысты құндері жолға шыққанда тұлышын тастамаушы еді, кайдан тонасың?!?

Кемпірімнің дауысы жұмсақ, түк болмағандай. Әңгімені өзім бастадым.

— Әлгілердің ”омыртқаны ұмыттық“ дегендері несісій?!

— Қайтесін, жалғыз олар емес, барлық жерде солай. Біздің ауылда да омыртқаға кім кімді шақырып жатыр? Бәрі соғым сөяды, ал омыртқа беретіндерді саусақпен санауға болады, өзіміз сиякты төрт-бес үй ғана...

— Мен де соны айтып отырған жоқлын ба? Омыртқа бермеу деген ағайыншылықтан, туыстықтан калу деген сөз ғой. Эйтпесе, осы күні аш жүрген ешкім жок, мал да бар, ақша да бар. Осыны өтірік деші. Қора-қора мал ұста, дүкен аш, халыққа не керектің бәрін жаса, кім кімнің қолын қағып отыр? Бұрынғыдай ауылдың іргесіне дейін егін салып жатқан ешкім жок, әйтеуір, “жок, жок” деуге үйреніп алғамыз. Омыртқа деген немене тәйірі, бір табақ ет емес пе? Одан да ана арактың көзін құртсайшы. Эй, осылар ертең біз кеткеннен кейін не болар еken?!

— Не болушы еді, бастары косылмай быт-шыт болып жүреді. Қазірдің өзінде көрші көршіге, ағайын ағайынға бейсауыт кірмейді. Анада Дәуреннен үлкен үйдің келініне “бүйрек” беріп жіберсем, “етіміз бар” деп алмапты.

— Ол “бүйректің” не екенін қайдан білсін, бала кезімізде соғым сойған күні ағайын-туғанға “бүйрек” тарататынбыз. Сол кезде ешкім дәл бүгінгіден жақсы тұрған жок, бірақ, қыырдақ та жейтін, “бүйрек” те беретін, “омыртқаға” да шақыратын.

— Бәрі көнілге, ниетке байланысты ғой, әйтпесе, жетпей жатқан ештеңе жок.

— Мен де соған күйініп келемін, мана төрде отырған құданың алдында конъяк тұрды, “Батыр” дейді, басқа ат табылмағандай, анада қалаға барғанда көргем, сол “Батырының” бағасы он мың теңгенін ар жак-бер жағында. Құда енді бір жылға дейін ұмытпайды. “Куырдакта құданың үйінен “Батыр” іштім” деп барған жерінде айтып жүреді. Омыртқаға шақырылмағаны ол үшін түк емес, бәрін әлгі мойыны сорайғандар женіп тұр. Осы біз не болар екенбіз?!

Кемпірімде үн жоқ. Ауылдың да қарасы көрінді.
— Шүү, жануар!..

«БҮКІР» ШАЛ

Шай үстінде әкем маған қарап: “Сен ешқайда ұзап кетпе, Жекекөлге барамыз” деді. Жекекөлмен біздің ауылдың арасы он бес шақырымдай, бүгін онда той болуға тиіс, Алматыда тұратын, жақында ғана алпысқа толған бір жазушы туыстарына келіп жатыр деп естігем. Осы өнірдегі шағын ауылдардың қуанышы ежелден ортак, бірінің қызығынан бірі қалмайды. Откен жылы біздің ауыл ірге көтергеніне жетпіс жыл толуын атап өткенде де бәрі қаптап кеткен. Эдette, мұндай тойларда ат жарысы ұйымдастырылады, балуандар белдеседі. Киіз үйлер тігіліп, казан көтеріледі. Эйтеуір, осындайда ауылдың бойына бір “қан жүгіріп” қалады.

Әкем “Жекекөлге барамыз” дегенде елең ете түссем де, сыр бермей:

- Онда не бар?— деп түк білмейтін сыңай таныттым.
- Той болатын көрінеді, Алматыдан Шәкен келіпті. Эңгімеге шешем араласты.
- Сол тойдың не керегі бар, одан да бір арба болса да отын әкелмейсіндер ме? Ертен жаз ете шығады.

— Отын қайда қашар дейсін, той күнде болып жатқан жоқ кой, қызық көргін келсе өзін де жүр.

Әкем көп сөйлемейтін адам, айтты — бітті. Әбден сыр мінез болып алған шешем одан әрі сез жарыстырған жоқ.

Тойға, әрине, торы билемен барамыз. Әкемнің одан басқа көлігі жоқ. Жануар жүрдек-ақ, Жекекөлге ә деген-ші-ақалып барады. Әкемнің шөп тасуға лайықтап жасатған жайма арбасының артына жайғастым. Апам жұмсақ болсын деген ғой, үйдегі бар төсенішті салыпты, аякты созып жіберіп, шалқып жатырмын. Әкем “Шүу, жашуар!” деп божыны қағып қалуы мұң екен, торы бие ала жөнелді. Осылай біраз жерге дейін ауыздықпен алысады да, бірте-бірте бүлкекке қошеді. Кейде маған торы бие ақылды болып көрінеді. Олай дейтінім, отын, шөпке барғанда жұп-жуас бола қалады.

Аспанда қалықтап жүрген ақша бұлттарға қарап жатып, қалғып кетіппін. Бір кезде көзімді ашып, жан-жаяма қарасам, Қыздар қыстауын қақ жаратын қылтадан өтіп бара жатыр екенбіз. Бұл Жекекөлдің жарты жолы артта қалды деген сез. Әкем сол, манағы үйден шыққандағы қалпы, қаздып отыр. Қаздып деймін-ау, жауырыны шодырайып шығып кетіпті. Желке терісі тілім-тілім. “Қайтсін, күн ұзак тізе бүкпейді, жанына тыныштық жоқ”. Аяп кеттім. Биыл, аманшылық болса, елуге толады. Бірақ түріне қарасан алпысты әлдекашан артқа тастаған шал сияқты. Содан ба екен, ауылдағылар әкемді сыртынан шал дейді. Жайғана шал деп койса, бір сәрі-ғой, бүкір шал деп зығырданымды қайнатады. Әкем де еститін шығар, бірақ сыр бермейді, естісе де естімеген болып жүре береді. Қыздардан шыға бере әкем аттың басын солға бүрдес. Бұл оның қыстауға соғам дегені. Келесі ұзыннан созылдып жатқан қайың-терегі аралас ағаштың баурайы біздің аталарымыздың қыскы мекені болған жер. Жеті үйдің орыны әлі бар. Осы жаққа жол түскенде әкем қыстауға соктай кетпейді. “Той басталып кетеді, бүгін соктай, тұра

тарта берсек те жарайтын еді ғой”. Бірак, ұндеңен жоқпын. Әкем қыстауға жетер-жетпесте божыны арбаның жақтауына іле салып, көк шалғынға отыра кетті.

— Арбадан түсіп, белінді жаз, аяғын ұйып қалған шығар, — дейді.

Үп еткен жел жок. Төнірек маужырап түр. Қыстаудың баурайы жап-жасыл, ескі көнге қаулап өскен шөп белуардан келеді.

Неге екенін білмеймін, әкем асығар емес, жантайып жатыр. Сәлден соң: “Саған айтып па едім, анау шеткі “үйде” сенін ұлы атаң мен ұлы әжен тұрған, — деді. — Малының санына жете алмаған мыңғырған бай болыпты өздері”. Бұл – әкемнің бұған дейін де талай айтқан әңгімесі. Бұрын жасырақ кезімде “Сол байлық қайда?” деп сөз жарыстырып, әкемнің жауаптан тосылғанына мәз болушы едім. Қазір ұндеңен жоқпын. “Бай болса болған шығар, қажай беріп қайтемін. Өзінің айтуына қарағанда, бала кезінде ”байдың бөлтірігі“ атанып, біраз қорлық көргенге ұқсайды. ”Жасымда зерек болдым, бірак, қайда барсам да жабық есікке тап болып, оки алмадым “ деп отыратын.

— Жүрейік, — деді әкем сәлден соң.

Торы бие манағыдай емес, жортакқа көшкен. Мал да болса, баар жердің алыс екенін сезгендей.

— Той болған соң, ат жарыс ұйымдастыратын шығар? деді әкем мені сөзге тартып.

— Бұл маңайда қайбір дұрыс ат бар, бәйге деген аты-ғой.

— Неге болмасын, осы өнірден шыққан Сәбит Мұканов деген атакты жазушы болған. Сол кісінің 60 жылдығында біздің ауылда бригадир мініп жүрген шабдар ат бірінші келді емес пе? Оның үстіне қазір жүлдеге мәшина тігу дәстүрге айналды ғой. Аттары барлар жердің шалғайлығына қарамайды, машинаға салып алып, жетіп келеді.

Қазір не көп, той көп. Халықтың да тұрмысы жақсарды ғой. Ана кезде бәрі бір келкі жұпымыны ғана тұрушу еді,

ки ір кейбіреулер бұрынғы бір кеншардың дүниесіне ие болып отырған жоқ па. Оларды бай емес деп кім айтар? Іірак, олар өздерін баймыз демейді, “кәсіпкерміз” деп күде кереді. Үкіметте байсың деп көзіне шұқып жатқан жоқ, қайта соларға қызмет етіп әлек. Бірде салығын жайтса, бірде женілдетілген несие береді... Эйтеір, үйінің үстінен байи тұс деген ниетінен танбай келеді.

— Дұрыс қой, бізге нарық заманында бәрі осылай болуға тиіс деп үйретіп жатыр.

— Дұрыс болса, дұрыс шығар, бірак соны түсінүте жетпіс жыл кеткенін айтамын да. Осылай біреулері нарық десен жарыктықты түсініп жатса, қалғандары көктен майшелпек жауатындей, әлі қарап отыр. Ана Мырзағалилар не ойлайды десейші, корасында соқыр тауығы да жоқ, жұмсаса жұмысқа бармайды, өзінше арланады, “Мен жалшы емеспін” дейді. Оларға салса, тарап кеткен кеншарларды қайта құру керек.

— Сонда қалай күн көріп отыр?

— Баяғы балаларға төлейтін бес-он тыын, соған шайқант алады.

— Осы акша жоқ, жоқ дейді, бірақ ауылдағылардың аузы арактан құрғамайды ғой.

— Айтпа, арақ деген бір бәле болып жабысты. Қазір бәрі жарысып іshedі, келіні атасымен стакан соғыстыруға ұялмайды. “Той ғой, той ғой” деп орнынан тұра алмай қалған кемпір-шалдарды да көріп журміз. Бұл бәлеге жолай көрме, аузыңа бір алсан құтылу оңай көрінбейді ғой.

— Жоға, біздің үйде арақ ішетін адам жоқ, маған не көрініпти.

— Темекі деген де бір жаман нәрсе. Қазір әлгі телевизордан күнде көрсетеді, есірткі деген бір бәле шығыпты ғой, темекі шегетін адам бірте-бірте соған қалай көшіп кеткенін аңғармай қалады дейді ғой.

Әкемнің айтуы рас, үйде отырса да бәрін біледі, ауылдағы газетті етігінің қонышына қыстырып жүретіндердің бірі осы кісі, “Жұлдызды” да ес білгеннен бері оқып келемін деп отырады. Қазір, әсіресе, қаладағы жастар есірткіні ойыншыққа айналдырып алды. Он-он бір жасар бокмұрындар, соларға не жок десейші, кәдімгі шыбын өлтіретін дихлофосты іскеп есінен айырылса, өзіміз сияқты студенттер насыбай атады. Қайтсін, қалада жүрген сон аландайды ғой. Бәрін сыртқа шығара бермейді, жай жұкалас айтып отырғаны-ғой.

— Эке, әлгі Сәбит деген жазушын қып-қызыл коммунист болыпты ғой.

— Қазір неше түрліні жазып жатыр ғой, кімнің ақ, кімнің қара екенін айырудын өзі қын, заман солай болды ғой. Жастайынан жетім қалып, әркімнің есігін паналаған тақыр кедей не көрді дейсің? Кеңес өкімет оқытты, қызмет берді. Содан кейін Сәбит солардың сөзін сөйлемегендегі кімнің сөзін сөйлейді.

Әдетте, саясат десе, ат тонын ала қашатын әкем бұл жолы да онша терендерген жок, әнгімені басқа жакқа бұрып әкетті.

— Айтпакшы, Сәбенің тойында түйе палуанға тігілген жүлде де біздін ауылға бұйырған. Анау, Есім шал сол жолы қарсыластарының бәріне тізе бүктіріп, ауылдың атын бір көтеріп тастаған. Бұғін мен де белдесіп көрсем бе деп келемін.

Күліп жібердім.

— Рас айтасың ба, бала-шагамен күресейін деп пе едін?

— Мұндай да тең-тенімен, тезек қабымен дегендей, жасқа қарамай шыға береді-ғой, өзім тетелес біреу кездесіп қалса дегенім-ғой.

— Жұрт күліп жүрмесе?..

“Шыны ма, ойыны ма? Неде болса бара көрерміз” деп үндемедім.

Ауылдағы тойдың сценарийі белгілі, кем дегенде екінші киіз үй тігіледі. Бұл жолы олардың қарасы көп көрінді. Ығы-жығы халық. Кәдігімгі трактордың тіркемесін жақтауларын жайып тастап, сахнаға айналдырған бір топ жасағын төгілтіп жатыр. Мен солай қарай беттедім. Экем: “Сен барада бер, мен қазір келемін”, – деп ат-арбасын айналышқатап қалып қойды.

Әншілерге таяла бергенім сол еді, біреу иығымнан қағып қалды. Жалт қарасам, қалада өзіммен колледже бірге оқитын Алмас. Үржиып тұр, құшактаса кеттік.

– Сен қайдан жұрсін?

– Ауылда жата-жата ішім пысып кетті. Ана Қарақамыста тұратын Бейсен де осында жұр, сол болмай алып келді.

– Таныстардан басқа ешкімді кездестірген жоксын ба?

– Наурызбайды көрдім, өзі қунге күйіп, қап-қара болып кетіпті. Шөп шауып жүрмін дейді.

– Иә, оның шешесі мен інісінен басқа сенетін ешкімі жок қой. Қазір бір тіркеме шөп 6-7 мың теңге, оны оларға кім береді? Өзің немен айналысып жатырсын?

– Мен де екі құндей әкеме еріп, шөпке барған болдым. Бұрын әжептәуір сілтеуші едім, қазір кішкене киылласам болды, жүрегім аузыма тығылып, көзім қарауытады. Экемде тоқтау жок, қыуып жетеді де: “Мына жолды мен апара берейін, сен асықпа” деп құлашты кең сілтеп кете барады. Әлгіндей болмай тағы қыуып жетеді. Айтатыны сол, баяғы “асықпа”, сөйтіп менен шалғышы шықпайтынын түсіндім, қазір үйдемін, түске дейін ұйықтаймын, кешке балалармен доп ойнаймыз.

– Мен де сол, үйдемін. Демалыс тезірек бітсе еken деп жүрмін. Ауылда қызық қалмапты. Өткен күзден бері біраз үй көшіп кетіпті. Бұрын жастар кешке көшеге сыймай кетуші едік, қазір тіпті жан жок.

– Біздін ауылда да сол, бәрі кетіп жатыр, енді бір-екі жылда кәрі-құртандар ғана қалатын шығар.

— Барлық жерде солай болып тұрғой, көшпегенде қайтсін, жұмыс жоқ, клуб, дәрігерлік пункт дегендердің орны ғана қалған. Мектептің өзі биыл болмаса, ендігі жылы жабылатын шығар.

Осылай әр нәрсенің басын бір шалып тұрғанымызда “Жүріндер, жүріндер, ана жакта құрес болайын деп жатыр”, — деген дауыс шықты.

Көк майсаға төселген кілемнің маңына біраз адам жиналышп қалыпты. Алдымен балалар белдесті. Сосын төреші ортаға ұлкендерді шақыра бастады. Ауылда салмаққа, жасқа қарау деген жоқ, жүргінің түгі барлар шыға береді, жығылсан жер көтереді.

— Кәне, кім бар, шығыңыздар?! Төреші осы сөздерді қайта-қайта айтқанмен топ ішіндеғілер қозғала қоймады.

— Жігіттер сендер неге құреспейсіндер, ұят емес пе, қыздар күлетін болды-ғой.

Топ ішінен әкемді іздей бастадым. Кілемнің шетін баса орнығыпты. Отырысына қарағанда, құресетін ойы жоқ. Жай мені сөйлету үшін айта салған ғой, қара қүші мол болғанмен құреске қатысты дегенді бұрын-сонды естіген емеспін.

— Кәне, кім құреседі?

— Біз құресеміз, — деп екі жігіт ортаға шықты. Жас шамаларына қарағанда, отыздың ар жақ-бер жағындағы жігіттер. Төреші белгі беруі мүн екен, екеуі шартпа-шұрт ұстаса кетті. Көзді ашып жұмғанша ұмар-жұмар домалап та алды. Э дегенде шалт қимылдағанмен, темекі тартады білем, екеуі де тез болдырып қалды. Содан бірін-бірі ала алмай, тіресіп жүріп алды.

Қалай дегенмен де, осыдан кейін құресемін деушілер көбейді, қызды-қыздымен ұлкендер жағы да бой көрсете бастады. Ойын ережесі қарапайым, женілген адам шығады. Қоскөлден келген Мерген деген жігіт өзі тетелес үш жігітті қапы қалдырып еді, ынтымақтық болуы керек, кеспелтек қара оны аш белінен құшақтап алып, шыр ай-

шалдырды да, кілемінің дәл ортасына алып ұрды. Мұның жасы дәуде болса, қырықтан асқан. Онымен қүресуге сішкімнің жүргегі дауаламай, төреші тағы да біраз уақыт “жұмыссыз” қалды.

— Сонымен жеңісті Айдоска береміз бе? Әлде біреуін ортаға шығасындар ма? Үшке дейін санаймын. Бір... Екі...

— Асықпа, мұнда мен бармын!

Селк ете түстім. Экемнің дауысы. Манадан байқамап-шын, әкем үстіндегі қалың киімдерін шешіп тастапты.

— Бұл кім өзі?

— Өй, мынау Ортақкөлде тұратын Берік кой, бұған не жок десейші?!

— Ауылындағылар бүкір шал дейді, жасы да біразға келіп қалған, шайтан тұртейін деген ғой.

— Шықсын, шықсын, жіберіндер, көрейік әуселесін.

— Өзі бірдене жұтып алғаннан сау ма?

Манайым у-шу, жердің тесігі болса, кіріп кетер едім, әттен... Экеме бірдеме деуге дауысым да шығар емес.

Бір қарағанымда әкем кілемнің ортасында шіреніп тұрған кеспелтекке таялып қалыпты. Білектері айқаса кетті. Одан әрі қарауға дәтім шыдар емес, әйтеуір, сарт-сұрт.

— Жамбасқа ал!

— Іштен шал!

— Көтеріп алып, бір-ак соқ!

Жұрттың айғайы үдеп барады. “Қап! Масқара болдық-ау, мына жұрттың бетіне қалай қараймын...” Осылай есенгіреп тұрғанымда жұрт шу ете түсті.

— Жарайсын, жарайсын, босатпа!

Кілемге қарауға шама жок.

— Ой, мынауың жай адам болмады ғой, өзінен әлдекайда жас жігітті атып ұрды.

— Бүкір шал деп едіндер, жиырма бестегі жігіттей кимылдайды ғой.

— Жарайсын!

Бір қарасам әкем қарсыласының қеудесіне қонып алыпты. Содан босаткан жок.

Төреші әкемнің қолын көтерді. Міне, қызық, әкем “тағы қайсысын шығасын” дегендей, ортада тұр. “Енді ешкім шықпаса екен” деп тілеймін. Мен тілегенмен басқалар коя ма, тағы біреуі шешіне бастады. “Шықсан шық”. Манағыдай емес, бойым үйреніп, кілемге жақындаі тустан. Екі көзім әкемде. Әкем өзіне жакындаі берген қарсыласын білектен жұлки тартып бір тенсeltіp алды да, басынан асыра лақтырып жіберді. Жігіттің басы айналып кетті ғой деймін, топ ете түскен орнынан қозғалмай әжептәуір жатып қалды, сосын сүретіле көтеріліп, кілемнен шеттей берді.

Жұрт тағы да айғайға басты.

— Мынауың қайтеді-ей?!

— Бүкірейіп алып өзі бір бәле-ғой, жап-жас жігітті шыбын құрлы көрген жок.

— Айла-тәсілі мол екен, не де болса, ерледі!

Төреші тағы да әкемнің қолын көтеріп: “Күресетіндер бар ма?” деп сұрады. Жұртта үн жок, біразының беті қайтып қалған сиякты.

— Ермек, женіс Беріктікі, жұлделерін қайда, әкел өзім тапсырайын.

— Мына кісі, әлгі Алматыдан келген жазушының өзі-ғой, — деді Алмас құлағыма сыйырлап.

Той иесі бойшаң кісі екен, әкемді қайта-қайта құшақтап, үстіне барқыт шапан жапты. Бөрігі қандай әдемі! Өз әкемді өзім танымай қалдым.

— Күш атасын танымайды деген осы!

— Жарайсың, жігіт екен!

— Қайдағы жігіт, шал ғой. Бірақ намысты қолдан берген жок. Негізі кезінде күрескен адам болуы керек?!

Жұрттың бәрінің әңгімесі менің әкем туралы. Манадан топтың арасында өз көздеріне өздері сенбей, антарылып

калған біздің ауылдың адамдары да төбе көрсетіп, дауыс шығара бастады.

— Бұл баяғыдан қайда жүрген? Бәріміз бүкір шал деп келемеждеуші едік, кілемге шыққанда танымай қалдық-көй.

— Байдын баласы емес пе, осы күнге дейін бойындағы өнерін көрсетпей келуін қарашы, не деген шыдамды адам десенші. Мұнын ішінде әлі талай ит өліп жатқан шығар?..

Әкемнің құрдасы Мұхтар осылай іліп-шалып сөйлемесе, ішкен асы бойына сіңбейтін нағыз қүшекенін өзі. Бізben көрші тұратын Асан ағай да осында екен. Ол Мұхтарды тойтарып таставы.

— Эй, жігіттер, бұра сөйлеген құлуге жақсы, бірақ дәл қазір Берік бүкіл ауылдыңabyroyын бір көтеріп тастанда тіл мен жаққа сүйене бермей, колын қысайық та. Бұл бәріміздің женісіміз. Ертең осы жай әңгіме болғанда Беріктің атына ауылдың аты қоса айттылады, жұрт “Ортақкөлдің жігіті” деп таңдай қағысады.

Менде тіл жок, жұртқа жаутандап қарай беремін. Элгі көргендерімнің бәрі түс сияқты. Әкеме жақындағын десем, каумалаған халық жіберер емес. Куаныштан есі шығып кетсе керек, мені іздеп жатқан ол жок.

Сәлден соң ұлкендер жағы киіз үйлерге беттеді. Элгі Алматыдан келген жазушы әкемді қолтықтап алыпты. Ендігі жай белгілі: ет желінеді, қымыз ішіледі...

Күннің көзі манағыдай емес, шекені қыздыра бастады. Алмас екеуміз көлеңкे іздеген көпке ілесіп, қазан-ошақ басынан таныстарымызды іздей бастадық. Біздің ауыл үй тікпегенмен, шатыр көтеріпті. Той мен баталарда үйден үйге көшіп жүретін сыртының күйесі бес елі тай қазан да осында келіп қалыпты. Қасында мұрнының үсті шыпшып терлеп Тоқсұлу женгем жүр. Өзі бір көнілі көлдей, колы ашық жан, бізді көре сала “бері келіндер, етті казір түсіреміз” деп шакыра бастады.

Етке, сорпаға әбден тойып алғаннан кейін көленкеде көз іліп алған да артық болмас еді, бірақ әкем “ертерек үйге жетіп алайық” деп атын қамдай бастады. Сөйтіп, шайдың сонын күтпей, аттанып кеттік.

Торы бие қайда барсақ та, ауылға қайтарда қамшы салдырмайды, божыны бос ұстап жата бер, адастырмайды, тұра үйге алып келеді.

Әкем өзінің үйреншікті орынында отыр. Мен қисайып жатайын деп едім, арбаның аты арба ғой, тонқылдақта солқ-солқ етіп, майлыш сорпаға батырып жеген бауырсактар шегіме батқандай, тынши алмадым.

— Қыстауға соғайық, — деді әкем үнсіздікті бұзып.

— Мана бардық-қой...

Бұл менің сокпай, тұра тарта берейік дегенім. Әкем уәж қайтарған жоқ. “Мейлі, сокса соға берсін, алыс жер емес, жол үсті”.

Қыстауға да жеттік. Әкем торы биені ағытып, ауыздығын алды да қоя берді. Жануар өте жуас, қай жерге қойсан, сол жерде тұра береді ғой.

Әкем өзі “үлкен үй” деп жүретін ескі орынның алдына барып тізе бұкті де, маған да отыр деді.

— Мана осы кісілердің аруақтарына іштей сыйынып, күш-куат сұрап едім. Құдай жолымызды ондады, аруақтар қолдады. Ертеден келе жатқан “Баласы бәйгеге шапқанда, үйде ата-анасты тақымын қысып отырады” деген сөз бар, бабалар да бір аунап түскен шығар, сокпай кетсек обал болар еді...

Әкем сөйлеп отыр. Жанары ойлы, жүзінде шуақ ойнайтын сияқты ма қалай?

— Біздің аталарымыз мал жинаумен ғана қунін өткізген адамдар емес, көзі ашық, көкірегі ояу, жан-дүниесі бай жандар болған...

Бұл әңгіменің да талай естігем. Расында да әкемнің өз атасы заманында білімді адам болыпты. Қазанда, Астраханда оқып, Омбыда судьялық қызмет атқарған. Бірақ өмірден ерте озыпты.

- Эжем марқұм қазан төңкөрісі басымызды қаңбақша ломалатты ғой, – деп отыруши еді. – Жиған-тергеннің бәрі ұстағанның қолында, тістегеннің аузында кетті, – леп күйінгенде көкірегі карс айырылғандай болатын. Мен сол кісінің бауырында өстім ғой. Бір тұнде бала-шатысын улатып-шулатып күйеуін алып кетеді. Артынан өзлерін де жер түбіне жаяу айдалты. Қыс іші, қоңыл таяқ стік... Талайлар ит-құска жем болып, жолда қалыпты. “Қырық жыл соғыс болса да, ажалды өледі” деген емес ше, әйтеуір әжем елге аман-есен оралыпты. Оралғаны не керек, көшеге шығуға, біреуге тұра қарауға корқатын. Бала кезім, бірде даладан жүгіріп келіп: “Әже, біздін үйге бастықтар келе жатыр” демеймін бе, “құлыным-ай!” деп енірей жөнелген әжемнің көз алдымызды талып калмасы бар ма. Баксам, бір күні ошағын ойрандап кеткендер қайта айналып соғады-ау деп үйреленіп жүреді еken ғой. Осылай әжем өле-өлгенше коркып өтті.

Кейде онашада жастық шағындан әнгіме айтшы, деп қыылғанымда “Қайтесін қай-қайдыны еске салып, сол сұмдықтардың бәрі өзімен кетсін, Алла-тағала сендерді жылата көрмесін” – деп өткен күндер жайлы жақашпайтын.

Әжем мен әскерде жүргенде қайтты. Топырақ та сала алмадым. Көрші қызға ара-тұра хат жаздыратын. Айтатыны: байқа, ештенеге араласпа, өзіңе ғана сен... Осы сияқты толып жатқан ескертулер, шектеулер. Әжем айтса айтқандай, корғансыздың өмірі өмір емес еken. Әйтеуір, әскерде бай кедей деп бөліну жоқ. Бірақ, аяқ басқан сайын әлімжеттік жасау, кәдімгідей жасиды екенсін. Сөйтіп жүргенде Өзбекстаннан келген бір кәріс жігітімен таныстым. Екеуміз керемет дос болып кеттік. Өзі еркін күрестің шебері еken, білгенін маған үйрете бастады. Басында қыындау сокқанмен, кейін шындалап айналыстым. Әскерде де неше түрлі жарыстар болып тұрады. Екі жылда солардың біразына қатыстым. Бірде женіліп, бірде жеңіп,

әйтеуір, біраз тәжірибе жинақтадым. Бірақ елге оралған-нан кейін сонын бәрін ұмытуға тұра келді. Бірден ұжымшардың жұмысына араласып кеттім. Қара жұмыс онай ма, кейде ұшып жығыласын.

Әкемнің жайы енді түсінікті болды. Қарулы екенін өзім де анғарушы едім. Отынға барғанда шырыны тамшылап тұрған жап-жас қайынның жуан басын жалғыз өзі көтере беретін.

— Мана женіліп қаламын деп ойламадың ба?

— Іште булығып жаткан бір күш ойлауға шамамды келтірді ме? Оның үстіне кезінде “байдың баласы” деп көзтүрткі қылғандардың “бүкір шал” деп келемеж дегендері жаныма батты. Мені койши, “бүкір шалдың баласы”, “бүкір шалдың немересі” деп ұрпағымды да танбалай бастады ғой. Сол сүйекке таңба болып жабысқан атты сылып тастанасам өкініші кетер ме еді? Енді біреуі “бүкір шал” деп айтып көрсін.

Иә, енді әкемді “бүкір шал” деуге ешкімнің аузы бара қоймас. Кеудемді қуаныштың толқындары толассыз тепкілейді. Тезірек үйге жетсек екен. Қөргені білгенімді үйіндеңгілерге айтуға асығып келемін.

“АЛЛЕРГИЯ”

Айман тағы да “ауырып” қалды. Аяқ астынан. Бәріне кінәлі өзім. Кешкі шайдың үстінде әр нәрсенің басын бір шалып отырып: “Жұмыска Зейни (қарындасым) келіп кетті, биыл университетке түскен баласы жатақханаға орналаса алмай, әр үйдің есігінен бір сығалап, қиналып жүр екен” — демесім бар ма? Айманда үн жоқ. Тағы не айтасын дегендей қадалып қалыпты.

— Біздің үйде тұрса қайтеді?

Ауызымды жауып ұлгергөнше болған жоқ, Айманым долырып шыға келді. Содан ыдыс-аяғын жинауға да

шамасы келген жоқ, төсегіне жетіп жығылды. Енді “әке-көке” десен де екі-үш күнсіз тұрмайды. “Аллергиясы” бар сцені есімнен тарс шығып кетіпті. Қап!..

“Аллергия” демекші, Айманның осы бір айықпас дерг-ке шалдыққанына он шақты жыл болып қалды. Біреуді пәтерге тұрғызбак тұгілі, үйге конақ келсе, қабағы ашыл-май құрысып-тырысып қалады. Оған енді кінәлі мен. Өйткені, біздін үйге ертелі-кеш, бірінің етегін бірі басып келіп жататындар – кілең менің туыстарым. Айман екеу-міз қосылып, пәтер жалдауымыз мұн екен, ауыл жактан сабылғандар біздін үйге соқпай кетпейтін болды. Кейде қонақтың үстіне қонақ келіп жатады. Қазекен қонақүй дегенді білмейді, салып ұрып жетіп келеді. Салып ұрып жетіп келеді. Осыдан кейін ауырмай гөр. Ақыры Айманға “аллергия” мықтап жабысты.

“Театр киімілгіштен басталады” демекші, Айман жұ-мыстан келе киімілгішті бір сүзіп өтеді. Бөтен киім көзіне шалынса болды, бірден қуыс бөлмеге қойып кетеді. “Кел-ген қонақтан ұят-ау, не ойлайды, ауылға не деп барады?” Онда Айманның жұмысы жоқ. Мұрнымның ұшына дейін шып-шып терлеп, сорлайтын мен. Басында жас қой, жү-ре-жүре түзелер деп ойлағам. Қайдағы?! Үйге қонақ кел-се, қызыл қөрген күркетауық сияқты көзі шатынап, беті жыбырлап, астаң-кестен болады.

Кей күндері жұмыстан екеуміз бірге қайтамыз. “Сы-нықтан басқаның бәрі жұғады” деген емес пе, мен де бі-реу-міреу келмесе екен деп тілейтін болдым. Ағайын оған қарай ма, қалаға жолы түскендері міндетті тұрде біздін үйге соғады. Сөйтіп сап-саяу отырған адамды ауыртып кетеді.

Бірде табалдырыктан аттағанымыз сол еді, төргі үйден біреудің қарқ-қарқ құлген дауысы естілді. Бөтен адам. Айман теңселіп кеткендей көрінді маған. Қап! Жаңа ғана манты пісіремін, етін кеше турап қойғамын деп келе жат-кан. Енді манты тұгілі, шай да жоқ. “Суға кеткен тал

кармайды” деген емес пе, талай рет бетім қайтса да сүйретіліп қуыс бөлмеге кірдім.

— Айман, ә, Айман?.. Шай ішеміз бе?

— Кім?

Дауысы қатал, төбеннен таспен ұрғандай.

— Жиен болуы керек, — деймін дауысым шығар шықлас.

Осылай ыңғайына жығылмасам, іс тіпті насырл шабуы мүмкін. Шынымды айтсам, төрде отырған бады рак көзді өзім де жыға танымаймын. Бір көргенім анық “Мүмкін жиен де шығар. Эйтеуір, бөтен адам емес. Үйл тауып келген сон, бөтен болмауы керек”. Кім екенін казбалап нем бар. Бірақ оны түсінетін Айман ба?!

— Қайдағы жиен?! Осы сенің неше жиенін бар? – дес кадала түседі.

Айтса айтқандай, жиендердің санынан өзім де жаңы лып жүремін. “Он бір құрсақ көтерген анама менен басқа еркек кіндік бүйірмаса, оған мен кінәлімін бе?” Бірақ қазір түсіндіре алмайсын. Оқыс шыққан бір сез атылған оқлен тен, айтқанына қарай жығыла бермесен болмайды.

— Қайдағы жиен деймін?!

Айманым тепсінудің аз-ақ алдында тұр.

“Кайсысы болды екен? Басым айналып барады. О 1 туысымды өзім танымай шәпкемді теріс кимесем жарай ды ғой. Осы үйге жиендердің біразы келген. Сағиланың бес баласының төртеуі осында оқиды. Айман оларды көрген. Әсіресе, ана бір колледже оқитын жүгірмегі ашын сайын бір соғып, сап-сау отырған Айманды ауыртып көтеді. Құләндадан – алты бала. Айман оларды да білсі. Зейнидің төрт ұлы бар. Оларды да таниды. Сонда мынау отырған кім?” Сасайын дедім. Жайшылықта теріс қараш жатып қалатын Айман “Кім, кімнің” астына алып, тын шыр емес.

— Жиеншар болуы керек?!

— Қайдағы жиеншар?

Жиеншар болғанда... Немере ағайындардың бірінің күшінан туған... Дәуде болса ана көрші ауылдағы Шәшінке бір катысы бар, танауы таңқылау екен. Көзі де әнешінде үясынан шығып кететін сиякты.

Шай қояйын ба? – деймін асты-ұстіне түсіп.

Үн жоқ, екі көзімен жеп барады. Сырмінез жан емес иштілді сөзді созудың реті жоқ, ас үйге беттедім.

Шай да қайнады. Барды дастарқанға қойып, ұлымалы мінапқы шақыр, шай ішейік” дедім. Баяғы сыр бермеу той менікі.

Оғозімे өзім сенейін бе, сенбейін бе, Айманым дас-паркана келді.

Конақ бала сәлем бермек болып ұмсынып еді, көз киында салған жоқ. “Мейлі, бәріне шыдау керек. Одан менін жиеншарым тағынан түсіп қалмас. Стол басына көпшілін өзі неге тұрады?!”

Но, бала-шаға аман ба, қызметтерін орынша ма?.. – Ішшірак көз әкетіп барады. Ішім қылп ете түсті, жактырмай қалдым. “Келген екенсің, алдына қойған тамақтан шын, тып-тыныш отырмайсын ба? Мынау бірдене бұлдірған деп отыр. Қап! Қатар отырсам, тізесін мытып жіберірдім...” Менің жайымды түсінер “жиеншар” жоқ.

Осы қалада қалай тұратындарыңа таңым бар. Қайда бирсаның да қыж-қыж халық, тіпті басың айналады.

“Басың айналса, сені қалаға мен шақырып келдім бе?” Қайынымды шытқан болдым. Оны “жиеншар” аңғарар емес, шайды сораптап қойып, әңгімесін соғып отыр.

Пәтерлеріңде тым биіктеге екен.

“Ойбай мынау қайдағыны қайдан бықсытып отыр. Құрт сиякты екінші, үшінші қабат та бізге бұйырмаған ішінде құлағымның етін жейтін Айман іліп әкетпесе қырапайты-ғой”

Енітеңе етпейді, қайта денсаулыққа пайдалы, – деп өткі жапар болдым. “Мынаның жағы жабыла ма, жабылмай ма?”

— Эй, күйеу, сен де қайдағыны айтады екенсін. Өзі торғайдың ұясындай тар...

“Жағың қарыссын, мына бәле қайдан келіп еді. Күйеуі несі, әлде әлгі елу грамның әсері ме? Жок, сап-сая. Е, бәсе, жаңа жыға танымап едім, дәуде болса, осы біздің ауылдықі емес. Сонда кім болды екен?”

Әліптің артын бағып, танымайтынымды сездірмеуге тырысып отырмын. “Мейлі күйеу болсам, күйеу-ақ болайын”.

Айманға қарасам, манағыдай емес, қабағы жазылайын депті. Мына бадырақ көздің айтуына қарағанда, қанша дегенмен өз туысы ғой. “Бірақ бұл кім болды екен?” Соны білгім келіп, тағатым таусылып отыр. Айман тіпті жадырай бастады. “Шай суып барады, жылтыып әкелейін” деп ас үйге беттеген Айманға ере мен де түрекелдім.

— Бұл кім? — деймін ақырын.

— Жиеншар ғой, — деді. Айман жымыып.

Мен сөз таппай қалшиып тұрып қалдым. “Болса болсын, тек Айманым ауырмасыншы...”

ДАУАСЫЗ ДЕРТ

Облыс орталығында көшелердің тазалығына жауап беретін шағын бір мекеме бар. Мен соның бастығымын. Күнде таңертең сары зелетке кигендерді сапқа тұрғызамын да: “Сен – анда, сен – мында марш!” деп шығарып саламын. Содан ертенге дейін оларды көру жок. Бір рахат жұмыс! Қарамағымдағылар айтқанымды екі етпейді. Өйткені, олар көнілімнен шықпаса, сыпырғышын сыптырып алып тентіретіп жіберетінімді біледі.

Рас, айлығым аздау. Бірақ жұмысым тыныш, ешкім мені іздемейді. Сары зелеткелер қыста қарын, жазда шанын бүркүратып сыптырып жатыр. Оларды жүрт та біледі, бастықтар да көреді. Эйтеуір менде шаруалары жок. Осылай, күн ұзақ кенседе ара-тұра есінеп қойып, отыра беремін.

Басына бак қонайын десе бір-ақ күнде екен ғой, немересінің Көкештің облыстағы дөкей үйымдардың біріне бастық болып келуі мұн екен менен де маза кетті. Бұрын маған мұрындарын шүйіріп карайтындар Көкеш келгелі шыбындаған аттай бас шұлғып тұратын болды.

...Ойымда ештеңе жок, бір мезгіл таза ауамен тыныстап келейін деп есікті ашсам, қабылдаушысы жок қабылдау бөлмемде кісі толып отыр. Сасқанымнан қайта жаба қойдым. “Бұлар не қылған адамдар? Жұмыс іздел келмесе жарайды ғой...”

Сөйткенше болған жок, әлгілердің біреуі жымың етіп кіріп келді. Рұқсат та сұраған жок. “Жиенжан, амансың ба?” – дейді ыржып. Танымаймын. Танығым да келмейді. “Осы қалада тұрғаныма жиырма жылдан асып барады, нағашы болып содан бері іздел келсе қайда қалған?”

- Қайырлы болсын!!!
- Тұсінбедім?!
- Көкеш налоговыйға бастық болып келді дей ме??
- Иә, и?..

Әлгіден “құтылдым ба, құтылмадым ба” деп орныман тұра бергенім сол еді, тағы біреуі көрінді. Мұның да екі езуі екі құлағында: “Қайырлы болсын!” дейді әйелі ұл тапқандай. “Бұларға не болған? Қайырлы болсын айтқылары келсе Көкештің өзіне неге бармайды?” Зығырданым қайнаса да біреуіне тіс жарып сыр білдіргем жок, шыдап бақтым.

Арада біраз күн өтіп “Қайырлы болсын” айтушылардың аяғы басылғандай болған. Кабинетімде тып-тыныш отыр едім, біреу есік қақты. – “Рұқсат па екен?”

“Жок десем жаба кояр ма еді,” жіптің ұшын ұстасаң түбіне жармасатын қазекем бас изеп үлгергенімше кіріп келді де, алдымағы орындыққа жалп етіп отыра кетті. Танымадым. Бірақ оған қарап жатқан ол жок, жеті атама жетпесе де одан бергілердің амандығын сұрап шықты. Тіпті аузымды аштырар емес.

— Ағасы, келген жұмысыныңды айта отырсаныз.

— Иә, иә... Қартайғанда көрген бір балам бар еді, өзінің колында табаны күректей дипломы бар. Сол қолайлы жұмыс болмағандықтан үйде отырғаны. Соған кол ұшынды берсен.

— Сізді танымадым ғой.

— Иә, иә... Танымасаң танымайтын да шығарсын. Бөтөндігіміз жок. Сенің әкеңнің әкесінің әкесінің әкесі менің әкемнің әкесінің әкесінің әкесімен туған бөле болып келеді.

— Жұмыс дейсіз бе? Біздің мекемеде қалам ұстайтын екі-ак адам бар. Оның бірі – өзім де, екіншісі – есепшім. Қалғандарының колында сыптырғыш. Сіздің күректей дипломы бар балаңызға сары зелетке киіп көшеге шығу ұят болар.

— Дұрыс айтасын, жалғызыма көше сыптырқанша өлгеним артық емес пе?! Өзіне ал деп отырғам жок. Ана Көкешке сыйырлай салсаң деймін ғой, баяғы. Бос орын бар дегенді естіп келіп отырмын, қарағым.

Ойланып қалдым. “Көкешті білуіне қарағанда шын туыс болып шықпасын”.

— Қарағым енді бірдене қыл, еңбегінді жемеймін. Бізде әлгі доллар дей ме, ол жағы жок. Бірақ бір торпакты сатып, бір тынын да ұстамай өзіңе әкеліп отырмын. Енді бірдене қыл!

— Көкешке бұрынсоңды ондай өтініш білдіріп көрген жок едім.

— Айтып көрсейші!

“Мына бәледен қалай құтылсам екен. Таскенеше жабысып айрылатын түрі жок.” Амалым таусылған сон:

— Айтсам, айтып көрейін, – дедім.

— Сөйтші, қалқам!

Ол осылай деді де қолын қойнына сұнгітті.

— Маған ештеңенің керегі жок!!!

Дауысым қатырақ шығып кетті білем, ол селк ете түсті.

— Азсынба, бала жұмысқа ілегіп кетсе, тағы бір жөні болар. Ал, ал! Еңбегін емес пе? Мына нарық заманында тегін ештеңе жок екенін түсінеміз. Бізді ренжітпе.

“Мынаның есі дұрыс емес шығар, “Ренжітпе”, –дейді. Колы қойнында, шығаруға менен корқып отырған сияқты. “Торпақ өткіздім” дейді. Қаншаға сатты екен? Кемінде жиырма мың шығарған шығар...” Өз ойымнан өзім шошып кеттім. “Астапыралла! Біреудің торпағында не жұмысым бар. Бір торпақдалада жатқан жок, оны өсіру үшін екі жыл тер төгу керек. Ал. Алма. Алдым дегенше су түбіне кеттім дей бер” Өз ойыммен өзім арпалысып отырмын. Қаным басыма шауып, екі көзім карауыта бастады.

Шал құдерін үзді білем, қозғалақтай бастады, кететін ынғайы бар. “Бол енді, ал, бір торпақ аз нәпака емес.” “Кетсе кетсін пәледен машайық қашыпты. Жолама!” “Ал, жүрттан сенін қай жерін кем. Бір торпақ деген не, тәйірі. Кейбіреулер түйені түгімен жұтып жатқан жок па?” “Ал, ал...” “Торпакты ал, мейлі, бәрі бір паракорсын. Алсан ғолды, қара күйе мәңгілікке жағылды дей бер...” Жүргімнің дүрслін естіп отырмын. Құлағым шынылдай ма, қалай?

— Жок, маған ештененің керегі жок!

Бұл жолы дауысым манағыдай емес, бәсендеу шықты. Зорланып айтқанымды, екі оттың ортасында қалғандай есенгіреп отырғанымды шалдың да іші сезеді білем:

— Жоқты қой, барға риза бол! – деп алдымта түйіншегін лактыра салды. Азсынсан, күзгі соғымың менің мойнымда.

“Әкемнің... бөлесі” орнынан тұрып кетуге ынғайланды.

— Отаяссы, аға...

— Е, осылай ынғайға көшсейші. Құдайға шүкір жерге қарап отырғамыз жок. Мал бар... Түйіншегін өзіне кері лактырайын деп қолымды соза бергенім сол еді, ала қойдым. “Иә, бар болса бар шығар. Жоқ болса несін береді?

Мен алмасам басқаға барады. Эйтеуір, береді. Мен алмасам, ол алады. Одан менің қай жерім кем, сұраған жоқпын. Қызып тұрған өзі. Кім маған күнде торпағын тықпалай берер дейсін?..”

Басымды көтерсем, бөлем... Мейлі кім болса, ол болсын, жоқ, шығып кетіпті. Кетсе кетсін, түйіншекті қойныма сұңгіттім. “Көрген жан куә. Алла сақтай гөр! Кім көрді?! Көрмей- ақ қойсын. Өлердегі сөзін айтады, тіпті. “Алмасан өкпелеймін”, – дейді. Үлкен кісіні қалай ренжітесін. Жоқ жай да мына нарық заманында жүйкесі жүкарлып жүрген жандарды ренжітуге болмайды...”

Тағы есік ашылды. “Мынау қайдан жүр? Нұрмағамбеттің Сәлігі, екеуіміз түйдей құрдаспыз. Нағыз күшекеңін өзі...”

- Отырсын ба, ей?!
- Отырмағанда не істейін?
- Жағдайларың қалай?
- Құдайға шүкір жаман емес.
- Эрине, қас пен көздін арасында, саусағынды кабырлатпай-ақ біреудің бір торпағын қағып алсан, жағдайын жаман болмайды.

Сәлігім жымың-жымың етеді. Тілім байланып қалды. “Бұл қайдан біліп отыр?” Сәлден соң есімді жиып:

- Қайдағы торпақ? Сен не сандырақтап отырсын?! – дедім.

– Сандақтап отырған мен емес, сен. Шығар ана төс қалтандағы түйіншекті. Өзің өле алмай жүр екенсің ғой. Параны алған адам осылай ала ма екен?! Хе- хе!..

“Қап! Мынау ит қылды-ау! Е, бәсе, “қалай аспаннан құймак жауа қойды?! ” деп ойлап едім. Бәрі мынаның ісі екен ғой. Бұған да тәубе! Басқа біреу келіп осылай зіркілдесе тап осы арада о дүниеге аттанып кетуім де мүмкін ғой. Тәуба. Жұртестімесін...”

– Корықпа, шығара бер. Түйіншекте ескі газеттің киындыларынан басқа түк те жоқ. Кеуденді қыздырып

бара ма?! Ха- ха! Қалай екен? Жайшылықта жүртты сөгуші едің. Екі ауыз сөзге келмей құлай кеттің ғой. Бір торпакпен-ақ суманды бітіре салды ғой. Ха-ха!

“Қап, мынаның қорлығы-ай!”

— Аяғыма жығылардай болып, қояр да коймаған жок па? Ат-тонымды ала қашқаныма болды ма??!

— Бір торпакқа бола осылай былығып отырысын. Ал “жасылдарын” жылтылдатса не істер едің, ә?! Ха-ха!!! Бұл – саған сабак. Сол үшін маған бір торпактың құнын бересің. Эйтпесе, бар ғой бір күні сотталып кетесің.

“Кой, мынаны жеңе алмаспрын. Ертең елге жайып мас-карамды шығарар. Осының ынғайына көшейін”.

— Рас айтасың, “Алтын көрсे періште жолдан таяды” деп аталарымыз бекерге айтпаған ғой, мені қара басты. Жай да журегім тоқтап қала жаздады...

— Енді түсіндің бе? Пара – пәле. Бұл дүниеде оның тамырына балта шабыла қоймас. Оның қасында өкпенің өзгеше қабынуы да, СПИД-тің де, тауықтың тымауы да түк емес. Тұптің түбінде бұл аурулардың емі табылады. Ал параның емі жок. Эйтпесе, “Жемқорлардың желкесін ұзу керек! “Паракорлардың орны тұрме!” деп ұран-датуымыз аз емес қой. Бірақ, пара шіркін, мынқ етпейді.

— Рас айтасың. Енді түсініп отырмын. Меніңше пара алғаннан гөрі беретіндерді катты жазалау керек. Айықлас дерптің тамырына су құятындар, сап- сау отырған адамды адал жолдан тайдыратындар солар. Тіпті еркіне қоймайды. Қалтана салады, қойныңа тығады. Эйтеүір, алғызады... Үн?!

— Ха-Ха!!!

АЙЛЫ ТҮН

Түн. Ай көтеріліп келеді. Төңірек тым-тырыс.
Алтай қорылдап ұйықтап жатыр.

Күлпәннің көзі ілінер емес.

— Алтай, әй, Алтай, маңайда біреу жүр ме, тағы да ит үріп жатыр.

— Эй, бәлем, осы итті ме, ертең аттырып тастаймын ғой. Бетімен үре береді...

Алтай бір аунап тұсті де, тағы да корылға басты.

Ұйқысы қашып Күлпән жатыр. Күн сайын деуге болмайды, кейде осылай мазасыз күй кешеді, қай-қайдағы еске түседі. Алысталап кеткен күндер-ай! Жүргі аузына тығылдып, дene қызуы көтерілгендей күйіп-жанып жатады. Ал Алтайдың мұнымен жұмысы жок, жастыққа басы тисе болды, қор ете қалады. Сосын, ит үріп жатыр демек түгілі, үй күйіп жатыр десен де жастықтан басын көтермейді. Ұйқысы катты деуге болмайды, сергек, бәрін естіп жатады: “Аландама, ұйықтай бер” – дейді. Ұйқыда басың қалғыр!

Алтай – Күлпәннің сүйіп қосылған жары, отасқандағына жиырма жылдан асып барады. Екеуі бір ауылда өсті, бір мектепте, бір сыныпта оқыды. Жүрттың бәрі оқу оқимыз деп қалаға кетіп жатқанда, не ойы болғанын кім білсін, Алтай ауылда қалып қойған. Жұмысқа орналаспақ болып еді, онысынан түк шықлады. Қалтасында күректей дипломдары барлардың өзі екі қолға бір жұмыс таба алмай сенделіп жүргенде, мектепті жаңа ғана бітірген баланы кім керек қылсын? Осылай үйге де, көшеге де сыймай жүре берер ме еді, әйтеуір, көктемде әскерге ілікті. Ол міндетті борышын өтеп, екі жылдан кейін ауылға оралғанда қаладағы педагогикалық колледжді бітіріп келген Күлпән бір кездері өздері оқыған мектепте сабак беріп жүрген. Ол кезде ауылда клуб болатын. Қазір жок, үйіндісі ғана жатыр. Жекешелендіру деген шығып, мектептен басқаның бәрін жалмап кетті ғой. Міне, жастардың басы сол клубта қосылатын. Қади кино әкелмеген күні би болады, әйтеуір түннің бір уағына дейін клубтың шамы өшпейді.

Бірде Алтай мұны биге шақырды. Содан кейін “шығарып салайын” деп қылды. Қарсы болған жок. Өйткені ауылда қалғандардың ішінде жасы өзімен шамаласы Алтай ғана, үлкендер мұны көзіне өтмейді, ал өзінен кішілерге мұнын қарағысы жок. Осылай қундер өтіп жатты. Алтай әскерде жүргенде жүргізушілер даярлайтын қысқа мерзімді курсты тәмамдап, командирді тасыпты. Дес бергенде, дәл осы кезде ауылдағы бар-жоғы үш машинаның біреуінің рөлін қырық жыл бойы ешкімге ұстаптаған Сайлау зейнет демалысына шығып, орны Алтайра бүйірди. Алтайдың міндепті – жанар-жағармай тасу, қуніне бір рет Сулыға барып келеді, содан кейін бос, қайдастын деп жатқан ешкім жок. Ал Алтай болса, сабактың аяқталуын күтеді. Бір-екі рет шыдай алмай мектепке де барып қалғаны бар. Құлпән сонда:

- Көзге түсіп келе берме, сөзге ілігіп жүрерміз, – деген.
- Менде кімнің не жұмысы бар, осы мектептің қабырғасынан кеше ғана шыққан жоқпын ба?!

Құлпән өзің біл дегендей, әңгімесін созған жок. Алтайды жиі көруге өзі де кет әрі емес сиякты.

Сол жазда шие ерекше гүлдеп, бұлдірген керемет шықты. Түс кезінде Жонағашқа беттеп бара жатқан балалар әлгіндей болмай қайта оралады. Бұл оларға қызыға қарайды, бірақ жалғыз өзі қайда барады. Бір күні Алтай ойын дөп басып, “бұлдіргенге апарып келейін” дегенде бұл кәдімгідей қуанып кетті.

- Нұргұлді де ала барайық!
- Кабинаға үш кісіні отырғызуға болмайды, ГАИ көрсе правомды алып кояды.

– Онда өзің біл.

Таласөзектің баурайы тұнып тұр екен, тіпті қозғала алмайсын, бармақтай-бармақтай, лезде уысың толып калады. Алтай ыдыс алмапты, екеулеген сон шыдата ма, оның үстінен Алтай бір жесем тоқтай алмаймын деп аузына салмайды, Құлпәннің шелегі тез толды.

Сол күзде кинодан қайтып келе жатқанда Алтай мұның қолына бір тілім қағазды ұстата салды. “Бұл не?” – деп еді, “үйде оқырсын” – деп жылыстай берді. “Күлпән, мен сені сүйемін! Осы сөзді көптен айта алмай жүрмін, екеуміз қосылайык”. Бары осы, қайта-қайта оқыды. Сол түнде Күлпән көпке дейін көз ілген жок. “Сүйемін” дейді, “Қосылайык” дейді. Осы бір сөздердің түбінде бір айтыларын іштей сезетін. Бірақ, бәрі дәл бүтінгідей, аяқ астынан болады деп ойламапты. Жалпы Алтай жаман жігіт емес, түр десен түрі, бой десен бойы бар, кішіпейіл, аракты аузына алмайды, темекі тартпайды...

Ертеніне Алтай тәбе көрсеткен жок. “Қайда кетті еken? Әлде машинасы сынып қалды ма?!” Күлпән өзінің аландағы бастағанын да анғармай қалды. “Әлде, айтарын айтып алыш, ұялып жүр ме еken?..” Келесі күні Алтайды клубта кездестірді. Екеуі үйге бірге қайтты. “Жайшылықта мұның алды-артын орап, аузы жабылмайтын Алтай сабырлы бола қалыпты. Тек қоштасарда ғана мұның қолынан ұстап: “Күлпән!” – деді. Дауысында діріл бар, Күлпән “иә” деуге асықкан жок, не айтатынын іші сезіп түр.

- Хатымды оқыдың ба?
- Оқыдым.
- Не айтасын?
- ...
- Апам да қарсы емес, Күлпән көз алдымызда өскен бала ғой дейді.

Күлпән ақырын ғана қолын тартып алыш, үйге кіріп кетті. Тағы да көз ілмей ұзак жатты. Кеше Алтайдың “хатын” өзінің жақсы көретін женгесі Сәлимаға көрсеткен. Ол тіпті қуанып кетті. “Бәлі, тойға дайындала бер десейші. Алтай жаман аты шыққан жігіт емес. Өзінді жылатпаса болды ғой. Саған одан артық кім керек, ертең осындағы көп қыздың біреуі қағып кетеді, тиіп ал” деп бір-ак кайырған.

Ата-аналары ақылдаса келіп тойды жер кеңігеннен кейін өткізуге ұйғарды. Күйеу жігіт жағы “Наурызда өткізейік” деп асықтырып еді, оған “оку жылы аяқталсын” деп Құлпән көне қоймады. Ақыры маусымда осы үйге келіп болып түсті. Алтай ұлдың органшысы еді, арада бір жыл өткеннен кейін тетелес інісі Дәурен үйленетін болып, бұларды бөлек шығарды. Тұнғыштары Меруерттен кейін шекелері торсықтай егіз ұл тапты. Уакыттың қалай өткенін де білмей қалады екенсін, көрші ауылда тұратын Меруерттің өзінде қазір екі ұл бар. Наурызбай мен Мұрат қалада. Сөйтіп бұлар елуге толар-толаста бес бөлмелі үйде екеуден-екеу қалды. Алтай жұмыссыз, баяғы Сайлаудан қалған мәшина, списатқа кеткен. Эйтеуір, бала саны азайғанмен мектеп жабылған жок, Алтайдың жұрттың басы косылған жерде: “Мені Құлпән асырап отырғой” дейтіні бар. Шыны солай. Қайтсін, қарап отырмайды, таңертеңнен кешке дейін үй маңында тұртніп жүргені. Бірақ одан пайда шамалы, ет пен сүтте құн болмай қалдығой.

Адам тез өзгереді екен-ау, баяғы сыптығырдай Алтай жок, қырқында үрлеген қарындай домаланып шыға келді. Қорылы да осы кезде басталдығой деймін, көзі ілінсе болды, үйді басына көтереді. Алғашында елемеуші еді, артынан созылмалы “дертке” айналды. Тау қопарып, тас жарып жүргендей, қорылға басады. Ал бұл болса кей түндерді осылай үйкисыз өткізеді. Алтайдың онымен ісі жок. “Жұрттың бәрінің күйеуі осындай ма екен?” Анада өзімен бірге істеген Айманнан сыр тартып көріп еді, жарылайын деп жүр екен:

— Сол жексүріндарды қойшы, біздін үйдегі қорылдағанда көршілер оянатын шығар, — деп дүрілдете жөнелді.

— Қойшы, бұл жасы елуге таялғандардың ауруы болдығой, дәрігерге көрсетіп алу керек шығар.

— Талай айттым, көрін деп, тыңдай ма, кейде тіпті жастықпен тұншықтыра салғым келеді!

“Астапыралла!” десе де, біраздан бері бұл да Алтайға қабақ бермей жүр. Оны аңғарып жатқан Алтай жок, жастыққа басы тисе болды қорылға басады.

...Ай терезеге төніп тұр. Таңның бозамық сәулесі білінеді. Алтай әлі қорылдап жатыр. Күлпән үйкылы-ояу дел-сал...

— Алтай, әй, Алтай, ит үріп жатыр...

— Жатшы, әй бәлем, таң атсын, сол алжыған итті ме?!

ЖАЛҒЫЗДЫҢ ҮНІ

Ұмсын тұні бойы көз ілмей шықты. Соғысқа кеткен жалғыз баласынан “қара қағаз” алып зар илеп қалған оның көз жасы енді ғана құрғағандай еді, Алла-тағала тағы бір тосын жайды алдына тартты. Ереккінде кіндік қалмаған шаңырақта жалғыз қызы Меруертпен екеуі ғана тұтін түтетіп отырған бұл үйдін есігін бейсауда адам аша қоймайтын. Содан болар, колхоз төрағасы Қажыбай кіріп келгенде, ол әлденеден секем алғандай абыржып қалған. Төрге жайғасқан төраға: “Аман-сau отырсындар ма?” — деп сәлемді қысқа қайырды да, алыстан орағытпай. — “Құда түсе келдім”, — деп дүнк еткізе түсірді..

Қажыбайдың мұның бойжетіп отырған Меруертімен тұстас баласы да, туысы да жок. “Кімге құда түспек?” Ол үнсіз, басын көтермей отырып қалды.

— Ұмсын, сен білуге тиіссін, ана жылдары “ішке” көшіп кеткен біздің екі үйіміздің бірі Үәлидін Қожахметі мына Қорған облысының Гайдөк деген ауылы маңында ағаш арасында тұратын. Соның кемпірі қайтыс болып, соқа басы жалғыз қалыпты. Бейшараның кіндігі канамаған жан еді. “Қолайлы бір адам кездесіп қалар ма екен” деп осы жаққа келіпті.

Кемпір сұлқ, Қажыбайдың бір сөзін түсінсе, бір сөзі мына кірмейді. Тезірек тоқетерін айтса екен деп отыр.

Қожахметті көрмесе де, естуі бар. Сауда-саттықпен сол жаққа барып жүретіндер: “Шылқыған бай, малда сан жок, үйінде есіктен төрге дейін кілем, төсек-орыны төбені тірейді” десетін.

— Ол кісінің де жасы біразға келіп қалған шығар?

— Алпыстан жаңа шығып барады. Бірақ белі талып жұмыс іstemеген адам ғой, қарап тұр. Соған сен Меруертінді бер.

Ұмсын шошып кетті, бірақ шоршыған жок. “Қажыбай тиісер жерін біліп келіп отыр. Ол жесір кемпірдің айтқанынан шықпайтынына сенімді. Осы ауылда онын алдына шығар кісі жок, елге тізесі батқан адам, соғыс кезінде ер-азамат тайлыш-тұяғымен майданға аттанғанда “броньмен” қалып қойған ол елдегі катын-қалаш, бала-шағаға қамшы үйіріп, талайларды зар жылатқан. Майдангерлер елге орала бастағаннан бері екпіні сәл бәсендігінмен, әлі де сол ак дегені алғыс, қара дегені қарғыс”. Ұмсын жанарын тіктемесе де көріп отыр. Шарт жүгініп алған Қажыбай жемтігіне шүйілген қарақұстай “алмай қоймаймын” деген сыңай танытады.

— Неге үндемей қалдың?! Әлі де естімей отырсың ба?! Қызына ие табылып отыр.

— Мен не дейін? Менде не билік бар, осы үйге ие болып отырған сол баланың өзі ғой.

— Өзі кайда?

— Қозекемдікіне бидай тартып келем деп кеткен.

— Ендеше, әнгіме былай болсын: Қожахмет ертең тұс ауа жүреді. Таңертең өзін ертіп келейін, қалғанын бірге отырып ақылдасамыз, қамдана бер.

Ұмсын Қажыбай кеткеннен кейін орнынан қозғала алмай ұзак отырды. “Әлгі не деп кетті. Дайындала бер деді ме. Он екі де бір гүлі ашылмаған қызды шалдың қойнына қалай салмақ?” Егіліп отыр. “Оны көргенше өлгенім артық емес пе? Басынғаны ғой, қайтсін, бізді басынбағанда кімді корлайды? Эйтпесе, осы ауылда қыз аз ба, қызды

былай койғанда күйеулері соғыстан оралмаған жас келіншектердің өзі жетіп жатыр ғой”.

Кешке асқа да зауқы соқпады. Оны байқап қалған Меруерт: “Апа, бір жерін ауырып отырған жоқ па? Көнілсізсің ғой” деп бәйек болды. Бұл болса, тіс жарып, сыр ашқан жоқ. “Мүмкін таңертенге дейін бір шешімі табылып қалар” деген оймен төсегін салдырды да, ерте жатып қалды. Сол-ак екен, неше түрлі ойлар сапырылысып, алақыйын көніл бүркәсіндатсын келіп. Бұл сорлы бас не көрмеді. Он үшке толар-толаста әке-шешеден жетім қалды. Қысы-жазы ат үстінен түспейтін жылқышы жігіт кездес-пегенде біреудің отымен кіріп, құлімен шығып журе берер ме еді, кім білсін, бағына қарай жақсы адам болып шықты. Эттен бала тұрмады, шетіней берді. Жатса-тұрса құдайға жалбарынып жүріп көрген Бектемірі туған жылы дүние астан-кестен болып, ауыл үсті алашапқынға айналды. Төңкеріс деді, ақ пен қызыл деген бір бәле шықты. Қайсысы болсын, қылышын жалаңдатып, ауылға қиқулай кіреді. Зәресі кеткен халық барын солардың аузына тосады. Ақыры бұл сойқан да басылып, ел арасы тыншығандай болып еді, бәрі алдамшы, уакытша екен. Кәмпескенін дүмпуі мұнда да жетті. Ауқаттылар тұн жамылып көшіп жатты. Күнде жылау-сықтау.

Бір күні Сейсен аяқ астынан дene қызуы көтеріліп, төсек тартып жатып қалды. Содан оналған жоқ, қыс бойы “таза ауаны бір жұтсам” деп ынтығып еді, оған жете алмады. Екі баламен қайда иығы сияды, көрмеген қорлығы жоқ. Эйтеуір, бәріне шыдады. Сейтіп өсірген ұлы алғашқылардың қатарында соғыска аттанды. Шалғайды ауылда соғыс дегенді бұрын-сонды кім естіген? Оның нағыз алапат екенін алғаш рет он аяғынан айырылып, ауылға балдақпен оралған Бекім айтып берген. Бір күні ауылға “соғыс бітті, біз жендік” деген хабар жетті. Бірақ осы ауылдан майданға аттанған елудің он бесі ғана аман оралды. Бектемір де келіп қалар деп асыға күткен Меруерт екеуі

жол қарайды. “Жұрттың бәрі келгенде неге кешігіп жатыр? Әлде...” Оралғандардың айтуына қарағанда, жердің түбі дейді ғой, кайбір тура көлік бар дейсін, келер... Осылай үміті бірде жанып, бірде сөніп, мазасыз күй кешіп жүргенде өз үйіне қарай беттеп келе жатқан ауылдың бір топ ақсақалын көзі шалғаны сол-ақ екен ”жүрегі аузына тығылып, көзінің алды бұлдырап жүре берді. Есін жиып, көзін ашқанда қасында отырған Меруертті көрді,” Екі көзі қызарып, бұлаудай болып ісіп кетіпті. “Құлымай!.. Біреулер ”жылама, сенің ғана басына келген қайғы емес” деп жұбатса, енді біреулері “тимендер, жыласын, шерін тарқатсын” деп жатыр.

Өлгеннің артынан өлу жоқ қой, тірі адам тірлігін жасайды, бірер күннен кейін сүйретіліп далаға шықты. Меруертті аяйды, он жетіге жана ғана толған бойжеткен дейтіндей емес, жан дегендегі жалғыз бауырынан айрылып қалғанына бірде сенсе, бірде сене алмай жүрген сияқты, күр сүлдері, үйден екі адым ұзап шықпайды. Осылай сүренсіз күндер өтіп жатты. Мұның да баласының енді қайтып оралмайтынана сенгісі жоқ, “Көрші ауылдағы бәленшениң баласынан да ”қара қағаз” келген екен, әке-шешесі, ағайын-туғаны улап-шулап жатқанда өзі де жетіпті” деген сияқты талай алып қашпа әнгімені құлағы шалған. “Бір күні меніңде құлымым келіп қалар...” Осылай өзін-өзін демеп қояды.

Күз келді, қыс өтті, тағы да дала ғүлге оранып, көктемнің шуағы төгілді. Осылай жан жарасы жазыла бастағандай еді, ойламаған жерден Қажыбай келіп, көнілін бұзып кетті. Ертең келеді, бұл сонда не айтады? Жалғыз қызын қаусаған шалға жетектетіп қоя бере ме, әлде?.. Ақыл қосатын да адам жоқ. Меруертке айтпақ болып еді, ол ойынан тез айныды. “Қайтемін, жай да бордай үгіліп жүрген бала бұған не айтады? Не болса да өзім көрейін”.

Төрт жылға созылған қырғында елде қалған жетімжесірді билеп-төстеп өктем сөйлеуге үйреніп қалған Қажыбай өзінен басқаларды адам деп санамайды.

— Ал, Ұмсын, не шешімге келдіңдер, — деп әңгімені төтесінен бастады.

— Қажеке, “тен-тенімен, тезек қабымен” деген бар емес пе, біздің бала тым жас қой.

— Не былшылдаپ отырсын, өз жайынды ойласайшы, ертең мойындарына дорба іліп ел аралап кетесіндер ғой. Байғұс-ау, мынадай қын кезенде көйлектің көктігін, тамақтың токтығын ойласайшы. Қызын да, өзің де қор болмайсындар. Қожахметтің жиған-тергені бәріне жетеді.

— Қайдан білейін, оның үстіне бұл баланы бесікте жатқанда айттырып қойған үй бар, тым болмаса солардың алдынан өтуіміз керек қой.

— Ол ана Бәйкеншенің боқмұрын баласы ма, әлі мектепті де бітірген жоқ қой. Сол қолынды жылы суға малады дейсін бе, өздері күндерін әзер көріп отырған жоқ па?!

— Қайдан білейін...

— Сен кемпір бұлтакты қой, берсен қолыннан, бермесен жолыннан, айтқанымды іstemедің бар ғой, көзіңе көк шыбын үймелетемін, қызынды ертең-ақ ФЗО-ға айдатамын, күнде кісі сұрап жатыр. Сосын көрейін әуселенді!

Манадан булығып әзер отырған Ұмсын жылап жіберді.

— Құдай-ау, құдай, осынша зарлататындай ненді алып едім?!

— Құдайға тіл тигізбе, ақылға кел, ертенінді ойла! Қыз деген немене, тәйірі, ол да бір, шіріген жұмыртқа да бір. Үлкендер “Қыз жат жұрттық” демеуші ме еді?

Манадан жабылмай қалған есіктің саңылауынан осы әңгіменің бәрін тындалп түрған Меруерт анасынан мұндаидай қайсарлықты күткен жоқ еді, Қажыбайға қарсы шығу, бұл ауылдағылар үшін өліммен пара-пар. Бірақ колхоздың бастығы жеңістік берер емес. “Қиратамын, жоямын” деп неше түрлі былапты сөздерді сапырып жатыр. Анасы үnsіз қалды, соған қарағанда, жеңіле бастаған секілді. Меруерт бұдан әрі шыдай алмады, анасының қасына жеңіп барып, екі көзін төрде отырған Қажыбайға тіктей кадап:

- Қайсына қатын керек? — деді.
- Астапыр-алла! Манадан біресе қызырып, біресе бозарып үнсіз отырған Қожаҳмет бүрісе қалды.
- Саған керек пе?!
- Жетім қыздың мына қылышы Қожаҳмет тұғілі, Қажыбайды да естен тандырғандай, аузын аша алмай қалды.
- Неге үндемейсіндер, қайсына қатын керек?! Дәмелерің зор екен, жесір кемпір мен жетім баланы басынғыларың келген екен! Қатын керек болса, мына кемпірді алындар, өздеріңмен түйдей құрдас, басы да бос! Эйтпесе, басты қатырмай үйден шығындар!!!
- Түкке түсінбей қалған Ұмсын есік сарт етіп жабылғандағана есін жиды.
- Құлыным-ау, енді не болдық, құрыдық қой?!
- Жылама, апа, құдайдың бізді жылатқаны аз ба, не көрсек те бірге көреміз!

“ІШТЕГІ” ҚАЗАҚТАР

Светлое біздің ауылдың арасы тұрасынан асса отызак шақырым. Ана кездері әкелеріміз таңертен шығып кетсе, кешкі шайын үйден ішетін. Қазір көлігің жүйткіп тұрса да таяқ тастам жердегі Светлоеға барып келу үшін кем дегенде екі күнің кетеді. Өйткені баяғы Кенестер одағы деп аталатын алып мемлекеттің алба-жұлбасы шыққаннан бері ол – біз үшін басқа ел. Екі ортаны шекара бөліп жатыр. Бүгінде баяғыдай төтелей тарту жок, Ресейге ат басын бұрсан, үлken тас жолдың бойындағы Елсау арқылы өтесін. Елсауға жетуін де бір қиямет-қайым, жолда кеден деген бәле бар. Оның басында бері салғанда төртбес сағат сарыласын. Содан да болуы керек, соңғы кездері “Іштегі” ағайындармен қарым-қатынас шамалы. Той-томалақ, өлім-жітімде болмаса ат ізін салып жатқандар о жактан да, бұл жақтан да некен-саяқ.

Қазіргі жастар “Іш” дегеннің не екенін де білмейді. “Ішке бардық, Іштен келдік” десен, “Не айтып отырсын?!” дегендей, аузын ашып қарайды. Қайдан шықкан сөз екенін кім білсін, біздің жактағылар Ресейдің Қазақстанмен шекаралас – Қорған, Түмен облыстарын “Іш” деп кеткен. Сол “Ішке” бала кезімде әкеме еріп талай барғам. Ол жакта әкемнің әкесінің қарындасы, одан тараған жұрағат, бір сөзбен айтқанда, асырасса ел болмайтын жиендер тұрады. Ол кезде қатынас үзілмейтін. Қөлігіміз – көк бие. “Ішке” баарда әкем ағасының талдан тоқыған шалқайма қорабы бар женіл арбасын сұрап алады. Содан анамның сәлем-сауқытын салып алып, әкем екеуіміз “Ішке” тартамыз. Бүгінгідей ағылып жатқан машина жок, төнірек тым-тырыс, былай шыға әкем әнгіме тиегін ағытады.

– Эр жерде отырғандары болмаса өздері бір ауыл – дейді.

– Жер жетпегендей ол жаққа неге шығып кетті екен?

– Шығайын деп шықты дейсің бе, Қазан төңкерісінен кейін елдің ауқаттылары кудалауға түсті ғой. Бала болсақ та білеміз, кәмпеске басталды, одан кейін “колхозға кір” деп киғылықты салды. Үрейленіп ұдере көшкен ел қалың орманды панарап, бас сауғалаған заман болды ғой. Одан беріде аштық та халықты біраз титықтатты. Әмір бойы малдан басқаны білмеген казак тігерге түяқ қалмаған соң қайда барады, ол уақытта қазіргідей жайқалған егін жок, колда барын орыстардың картобына айырбастап күн көріпті.

– Енді заман өзгерді ғой, елге көшіп келмей ме?

– Ол жақта елім деп еміреніп отырған ешкім жок. Шетінен шіріген бай, балалары орысша оқиды, казір орысша білмегендер далада қалып жатыр ғой, елден не алады олар, арқандап сүйресен де келмейді.

Әкем айтса айтқандай, барған сайын біз ат басын тірейтін Мәліктің үйі біздің ауылдағы клубтан да үлкен. Қара-

Ғайдан бұрап салған бәлен бөлмелі үй, ішіне кірсөн адасып қаласын. Мәлік бізге жиен, өзі де, балалары да жарытып жұмыс істеген емес. Бірақ кора толы мал, бір қыста бірнеше соғым сояды, қашан барсан да сарайында сүр сіресіп тұрады. Қашанғы сүр екенін бір алла біледі, тісің батпайды, жарты сағат шайнап әзер жұтасын. Тағы бір байқағаным, кілемдері көп, төсек-орын, көрпе-жастықты төбеге дейін үйетіндері де маған қызық көрінген. Жазда үлкендер далада болады екен. Дала дегендері – қалың қарағайдын арасы. Жалғыз үй, жарық жок. Білте шамның жарығы бұрышқа да түспейді. Оның үстіне жылан деген көп екен. Бірде конып қалғанымыз бар, өзім шамалас Есләм: “Қорықпа, шақпайды” дегенмен, тұні бойы көз ілгем жок. “Құрсын бүйткен өмірі, байлығы да бар болсын”. Бәрінен де Есләмді аяймын, танертеңнен кешке дейін масаға жем болып, мал сонында жұргені. Ойын баласына ол онай ма? Бір барғанымызда Мәліктің әкеме жата қалып жабыскасы бар емес пе: “Қазір балалардың оқудан қолы бос қой, Сәкенді осында қалдырып кет, Есләмға серік болсын”. Әкемде үн жок, көзінің астымен маған қарайды. “Тастан кететін де ойы барма, қалай?” Қалмаймынға басып, үйді басыма көтердім. Әкем жуастау адам еді, тіс жарған жок. Өлтірсе де қалайын деп тұрған мен жок, шайымды шалашарпы ішіп, жегулі тұрған арбаға отырып алдым.

Содан бері де зымырап талай жылдар өтті. Бұл күнде менің әкем де, Мәлік те жок. “Сүйек қой, араласып тұру керек” дегенді жиі қайталайтын әке сөзі санама сіңіп қалғандықтан ба, ондағылар іздей қоймаса да ара-тұра өзім ат ізін салып тұрамын. Ол жақта өзгерген ештене жок, сол баяғы тірлік, жалғыз үй. Қазақстандағыларды былай койғанда, өздері де бір-бірімен жиі араласа бермейді. Бастары тойларда, болмаса баталарда ғана қосылады. Мұндайда олар ұйымшыл, жердің шалғайлышына қарамайды. Бұл үлкендерден қалған дәстүр. Олар алпыс-жетпіс шақырым жерден атпен қатынай беретін. Біз де талай

барғамыз. Аттары қандай, біздін көк бие сияқты емес, ауыздықтарымен алысады. Күміспен құптелген қамыт-саймандары да мен көрмеген дүниелер, көз қызықтырады. Өздері манғаз, бір-бірімен салқын амандасады, көп сөйлемейді. Соның бәрі маған бір түрлі қызық көрінеді. Үйге келе жатканда әкемді сұрактың астына аламын:

— Шетінен қатты ма, құрак ұшып жатқан бірі жок.

— Баяғы байлардың балалары ғой, осындайда ғана кездеседі, жайшылықта бірін-бірі ізdemейді, караспайды, сенбейді...

— Сенбегендері қалай?

— Неге дейтіні бар ма, кезінде кенес үкіметінен көп корлық көрді. Бұл жактағылар да оларды қайбір құшақ жайып қарсы ала қойды дейсін, әйтеуір, барап жер, басар таулары болмаған соң, осы жакта тұрактап қалды ғой. Бір шайлыққан жүрек жуыр манды орынына түсе кояма, кайтсін?..

— Өздерінің малдары көп екен, біз неге осылай ұстамаймыз?

— Олардың басқа кәсібі бар ма, біз сияқты тұракты жұмыс іstemейді. Бірен-сараны болмаса, балаларын да оқытып жатқандары шамалы. Құн-көріс керек, басқа не істейді, мал ұстайды.

Одақ тарағаннан кейін бұлардың да өміріне өзгеріс ене басталғандай ма, қалай? Бертін бір барғанда Еслем: “Қаладан үй сатып алдық, балалар сонда тұрады” – деген. Кейбіреулері жазда далаға шығудан да қалыпты. “Балаларды оқыту керек, бәрі білімге қарап қалды ғой” – деседі. Тағы бір байқағаным, жалшы ұстайтын болыпты. Қай үйге барсан да, бетін жұн басып кеткен, сакалы қауғадай біреулер жүреді. Жас екенін, шал екенін айыра алмайсын. Тұздің бүкіл шаруасын тындыратындар солар: мал бағады, шөп шабады, қысқа отын дайындайды. Әйтеуір, өздерінің айтуларына қарағанда, алты ай жаз бел шешіп, тізе бүкпейді. “Бұлар кімдер?” Десен, “Мына нарықдеген

пәлен, ала-құйын заман талайларға сокқы болып тиіп жатыр ғой, екі қолға бір жұмыс таба алмай, үйсіз-күйсіз жүргендер көп, өздері сұранып маза бермейді, аясын, әйтеуір, қарындарының аш болмағандарына риза” – дейді. “Іш” дегенің осы. Міне, сол “Ішке” тағы жол түсіп тұр, былтыр жол апатынан қайтыс болған жиеннің жылына баруымыз керек.

Бұл жолы кенжеміз Елеместі рөлге отырғызып, кемпіріміз екеуміз шықтық. Әупірімдеп межелі жерге де жеттік-ау! Халық әлі жинала қоймапты. “Жолдан келдіндер ғой, сусаған шығарсыздар” деп Есләм “шыдаймыз ғой, әуре болмай-ак қойындар” дегенімізге қарамастан дастарқан жайғызды. Шай деген аты болмаса, бәрін үйіп тастайды: неше түрлі жеміс-жидек, құрт-май, қант-кәмпіт, әйтеуір дастарқанда бос орын болмайды. “Жемесе алдынан қайтсын” дейме еken, бұл жақтағылар етті де үйіп-төгіп асады. Біздегі сияқты темір табак дегенді білмейді, астау тартады. Омыртқа, белдеме, қазы дейсін бе, бәрі қос-қостан. Іштей сезем, бір бәсеке бар сиякты.

Шай ішіліп болғаннан кейін “Жұрт жиналғанша бел жазайық” деп есік алдына шықтық. Қонақтардың алды келе бастапты. Жұздерін шырамытқаным болмаса, ешқайсысын жыға танымаймын. Амандық-саулыққа келгенде бұрынғылар қалай сараң болса, бұлар да солай “Ассалау мағалейкүмнан” аспайды. Эңгімелесіп те жарытпайды, сұрайтындары мал бағасы, жалпы елде не болып жатыр, бұлардың онда шаруалары жоқ. Лезде жиен ағамның үйінің маңы машинаға толып кетті. Кілең шетелдік көліктер, бірінен бірі өтеді.

Басқаларға қарағанда жасы кекселеу қырма-сақалға сәлем бердім. Сірә, танитын болуы керек, амандық-саулық сұрасқаннан кейін:

– Қазақстанында не жаңалық, – деп бір қойды.

Қазақстаным демей, Қазақстаның дегені көңіліме дың ете қалса да, сыр бермей:

— Тыныштық, бәрі жақсы, — дедім.

— Биыл егін керемет шыкты деп жатыр ма?

— Иә, орташа алғанда 20 центнерден айналды ғой, ауа райы да қолайлы болды, жауын-шашынға ұрынбаған бидайдың сапасы да жақсы. Өздерініз қалайсыздар?

— Отырмыз ғой, сол баяғы тірлік, мал үстаймыз, аздал сауда-саттық жасаймыз.

— Ел жаққа көшу ойларыныңда жоқ па?

— Біз енді өмірімізді осы жақта өткіздік кой, қазір көшіп-кону да онай емес. Балалар атамекендерінен ажырап қалмаса екен дейміз. Бірақ елді айлап жатқан олар жоқ. Бірен-саран үй барған, көп тұрақтай алмай қайта оралды ғой. “Алла сақтасын, бәрі аш қасқырдай жалақтап отыр екен, азғана малымызды ұрлап-жырлап маза бермеді, бәрі серенделеп көшеде жүр, жұмыс жоқ, тұрмыс қыын екен” дейді.

— Ол енді ертеректе болған шығар, қазір жағдай өзгерді ғой. Құдайға шүкір, қолы қимылдағаның аузы қыбырлайды.

Әңгімемізді “үйге кірініздер” деген жиеннің дауысы бөліп жіберді. Бұл жақта биік үстел деген жоқ бәрі малдас құрып, төсеніш үстіне жайғасып жатыр. Эйелдер көрінбейді, олар ерлер отырған жерге кірмейді.

Кешікпей астаулар тартылып, жастар жағы қалталарынан бәкілерін шығара бастады. Содан ет желініп, дәм кайтарылғанға дейін бір адам бір жұмған аузын ашқан жоқ. Тіпті бірін-бірі танымайтын сияқты.

Қонақтар тарағаннан кейін жиенге “Алла-ау, әлгілердің іштері қалай жарылып кеттейді?” — деп едім. “Оған несіне таң қаласын, аннан-мұннан жиналған қырық ру қазак емес пе” — деді. Ру демекші, бұлар танысканда өз атынды немесе әкенін атын сұрамайды, “Қай елдін баласысын?” — дейді. Ар жағы белгілі ғой.

Мен білетін “Іштегі” казактар осындаі. Өздерін аяймын. “Не боламыз дейді екен?!” Дауысым шығынқырап кетті білем, кемпірім:

— Кімді айтып отырын, — деп маған қарады.
— Әлгі “Іштің” казактарын айтамын да.
— Оларды кайтесін, әйтеуір аман болсын, жат жерде турып, өмір сұру оңай дейсің бе?!

— Қызын болса елге көшпей ме, сонау Монғолия мен Қытайдан да, жердің түбінен келіп жатқан жоқ па? Бұлар дәл іргемізде отырып, Қазақстаның деп сөйлейді, ел десе, елім десе бірденцелері кете ме?!

Мектепте бәлән жыл мұғалім болған, зейнет демалысына шыққаннан бері қолынан газеті түспейтін кемпірім саясатқа келгенде кара жаяу емес, керек десен, өзінді жаңылдырып жібереді.

— Айтуынның бәрі орынды, үлттық рухы жоқ, атамекен, Отан дегеннің не екенін білмейтін балалардың болашағы бұлышырғой. Жаңа шай үстінде әйелдер сөз қылып отырды, ана Сорокинода тұратын жиеннің құдалары бар еді ғой, соның ортанышы қызы негрге тиіп, мұхит асып кетіпти.

— Міне, міне, көр де тұр, осылай отыра берсе азып-тозып біtedі.

— Оған енді кімді кінәлайсын, бүгінгі жастарды ма, әлде зобаланы зор болған заманда тарыдай шашырап, кара орманды паналяған олардың ата-бабаларын ба?..

— ...

Міне, шекарадан, кеденіннен де өттік. Ішім бір түрлі удай ашиды. Артта қалып бара жатқан қалың қазакты қимаймын.

ҚОШ, МАМАНАЙ!

Сірә де, ол Гүлтөбеле өмірінде дәл бүгінгідей сұктана қарамаған шығар. Табиғат-Ана тіршіліктің осы бір бұрышын мұсіндеңдей, өнерін аямаған секілді. Әсіресе, жазда Гүлтөбе құлпырып сала береді. Міне, қазір де жағалай

ақ қайындар қаумалаған төбенің етегі ғүлге тұнып тұр. Үп еткен жел жок. Жар астында айдыны жаркырап Бұқпа жатыр. Тұс-тұстан қикулаған құстар үні естіледі. Осының бәрі оның қимасына айналғалы қашан. Бектас: “Сегізбой тасалай тұрсын, соңынан шыққан қуғыншы бар”, – деп сәлем айттыпты. Сонда бұл қайда барып бас сауғаламақ? Горчаковтың құрығы ұзын, бір амалын таппаса, құтыла алмасы анық. Нияз неге кешігіп жатыр?” Ол жүрек тұсы шымырладап, қос шекесі шынылдап, манадан мазасыз күй кешіп отыр.

*Гүлтөбе-Маманайым, туған жерім,
Кіндік кесіп, кірімді жуған жерім.
Жалаңаш, жалаң аяқ жар басында,
Көйлек шешіп, көбелек құған жерім...*

Ат тұяғының дүрсілі еріксіз ойға оралған жолдарды үзіп жіберді. Бірақ ол бұрылып қараған да жок, бұл араға бейсауда ешкім келмейді. Нияз шығар, таңертен бала жүгіртіп, өзінің Гүлтөбеде болатынын хабарлаған.

Бала кезінен тай-құландаған тәбісіп бірге өскен досының көңіл-күйін қабағынан танитын Нияз:

– Көнілсізсің ғой, Мұқәраманы сағынып қалғаннан саумысың, шыда, сәрсенбіге де көп қалған жок, – деді.

– Мұқәрамадан енді бізге бұл жақын ба деймін, кеше Қырғыз қажының баласы Бектастан хабар адым. Омбыдан оралған көрінеді, Горчаков соңымнан сексен солдат шығарыпты.

Осылай өзіне ғана мәлім жайсыз хабарды жайып салған Сегіз: “Сенің не ақылын бар” дегендегі досына қарады. Мына хабар Ниязға да қатты әсер еткен сиякты, үні шықпай, томағай-тұйық отырып қалды.

– Горчаковтан онай құтылmasымды өзім де сезгем. Күшпен көндірмек болған ғой. Әу баста-ақ соның айтқанына көнбей, іргемді аулақ салып, елге қайтып кетуім

керек еді. Баянауылға баруымның өзі бекер болды. Сол жакта айлап жүрмегенде, Мұқәрамадан да көз жазып калмайтын едім ғой.

Мұқәрама – Омбының іргесінде тұратын Ахметқали деген сол өнірге белгілі байдын бойжеткен қызы. Онымен Сегіз Сібір казак-орыс әскери училищесінде оқып жүргендеге танысқан. Бір көргенде-ақ жүрегіне шоқ салған сол құрбысына деген сезімін Сегіз құндақтаулы күйінде сактамай, орайы келгенде жырмен жеткізген. Бұла өскен нас сұлу Мұқәрама да бұдан бойын аулақ салған жок. Бірақ екеуі бір-бірінен ойламаған жерден көз жазып қалды. Бір іздең келгенінде қыздың шешесі Сегізге Мұқәраманың туыстарына қонақтап кеткенін, жуырманда орала қоймайтынын айткан. Бұл қызын патша әпісеріне бергісі келмеген әкенін құлығы әкенін Сегіз құндердің құнінде Мұқәрамның өзінің сенімді женгесі арқылы жолдаған сәлемін алғанда бір-ақ сезген.

– Нияз, әу, Нияз!

– Құлағым сенде, сегіз ойдың түбіне жеттің бе, әлде киялыңмен Омбы өнірін шарлап кеттің бе?!

– Дәп бастың, атам айтқандай, “Жазмыштан озмыш жок”, Горчаков қол жіберді әкен деп қоянша бұғып отырамыз ба, уайымнан бір сәт сейілейік, домбыранды алып “Назқонырды” шырқап жіберші.

Нияз жай да көнілі пәс тартып отырған Сегізді жалын-дырыған жок.

*Ай қабақ, алтын кірпік, қызыл ерін,
Кел десен, неге аяйын аттың терін?!
Сары ағаш сазға біткен секілденіп,
Қай жерде отыр екен бұраң белім?—*

деп шырқап қоя берді. Қайырмасына Сегіздің өзі де ко-сылып кетті.

*Үйрек ұшып, қаз қонса,
Көлде самал, жел соқса.
Мүкәрама шақырған,
Оңашада кез болса.*

Бұл әнді ол Мүкәраманы іздең бара жатқанда жол ұстінде шығарған. Алайда сол күні де ол сүйгенін жолықтыра алмады. Ал ертеңіне генерал-губернатор оны Баян ауылға баратын қызметкерлеріне тілмәш ретінде ертіп жіберген. Араға айлар салып оралған оны Горчаков бірден өзіне шақыртып, жазалау жасағын басқаруды ұсынды. Бұл жасақтың немен айналысатының, алым жинау кезінде өз ауылының адамдарын да талай рет қан-қақсатып кеткенін жақсы білетін Сегіз сөзбүйдаға салмай, генерал ұсынған қызметтен үзілді-кесілді бас тартып, ертеңіне жедел-ғабыл елге жүріп кеткен. Горчаков іле бес сарбазын жалға шығарып, Сегізді байлап-матап алып келуді тапсырады. Жастайынан ат құлағында ойнап, найза түйреуді алдына жан салмаған Сегіз өзін куып кетіп, күш көрсетпек болған қуғыншыларды допша домалатты. Енді Горчаков сексен сарбазын шығарып отырса қаһарына мықтап мінгені ғой.

*Сен айтты деп, Горчаков,
Халқымды мен жылыштан.
Момын елді қана қып
Жүргендерді ұнатпан!*

- Сегіз, сөзің серттей есілді ғой, қандай шешімге келдің?
- Менде тандау жок, патша әкімінің сойылын соқпайтыным анық.
- Болған жайды атаңа айтып па едін?
- Орысша білім ал деп төрт жыл бойы ұстаз жалдап оқытқан атам: “Күш кімде, сол жеңеді, қалың қолға қар-

сы шабар қайрат қайда?!” – деп қынжылған. Ендігі жерде өткенге өкінгенмен болмайды, қолдар жан болса жасақ құрып, Горчаковтың қолшоқпарларымен шайқасып көрем. Ол бәрібір мені аямайды, қоштасарда: “Байқа сенің сыртынан арыз айтушылар көп, жарлы-жақыбайларды жарылқаймын деп, керуе жолын торитын көрінесін, айтканымға көнбесен, айыбынды мойныңа салу түк емес” деп зілденген.

*Болған соң қырсық шалған заманымыз,
Қалайша босқа езіліп жүре аламыз?!*

- Солай, солай-ау, бірақ сексен сарбазды Горчаков осы жаққа қарай тектен-текке саблтып отырған жоқ кой.
- Иә, губернатор бүгін сексенін жіберсе, ертең тағы сексенін осылай қарай айдауға бар.
- Ендеше, уақытты босқа өткізбейік, бір амалын қарастыруымыз керек. Мүмкін Бектасқа барып қайтармыз.

Сары уайымға салынбағанмен, салбыранқырап отырған Сегіз Бектастың аты аталғанда басын көтеріп алды. Бектас та – оның қимас достарының бірі, қысылғанда қол ұшын берері сөзсіз. Бектастың әкесі Қырғыз қажымен мұның атасы Шақшаш досжар жандар, Ашамайлы Керейдің бәйбіше Көшебе руынан шыққан. Қырғыз Майдыбайұлы – осы өнірдегі ірі билердің бірі, он жеті жасында Меккеге барып қажы атанған адам. Батыс-Сібірге генерал-губернаторы жаңындағы шекаралық комиссияның мүшесі ретінде ол Омбыға жиі барып тұрады. Сондай сапарларда қасынан Бектасты тастамайды. Омбыдағы Азия мектебін бітірген Бектас та орысша, мұсылманша сауатты. Өз байқауынша ол да әділдікті қолдайды. Ел арасында “бала би” атанған Бектастың сәтті шешкен даулы мәселелері аз емес. Соңғы кездескенде ол өзінің үшінші сот болып сайланғанын айтқан. Бектас бірнеше

жас үлкен болса да, өзін шет қаққан емес, қайта қайда барса да қасынан қалдырмайды.

Олардың арасындағы қарым-қатынастың осылай қалыптасуын атасы да құп көрген. “Ат аунаған жерінде түк қалады” деген, Қырғыздың осы баласы түбінде ел билейді, көркіне ақылы сай, жақсымен жолdas болсан жара-сарсың” деп, реті келген жерде немесін Бектастан айырмайтын. Былтыр Бектас екеуі Кіші жүзге де бірге барып келген. Қырғыз қажы шекаралық комиссияның мәжілістеріне барып жүргенде Кіші жұз он екі ата Байұлынан шыққан Тайманның Исатаймен танысып кейін екеуі жақсы жолdas болып кетеді. Кейін достығымыз осымен үзілмесін деген ниетін білдіріп, Бектасқа Исатайдың ең кіші қарындасы Патшайымды айттырады. Сол Патшайымды әкелуге барғанда атасы мұны жер көрсін, ел танысын деп Бектасқа ертіп жіберген.

Той болған соң, неше түрлі сыйистар өткізілетіні белгілі ғой, бұл да соның біразына қатысып, жиналғандарды өз өнеріне тәнті етті. Сонда Исатай оған: “Ғұлама бала халқының ұлы боласың ба, әлде патша ағзамның құлы боласың ба?” – деп сауал тастаған еді. “Батыр құда, тірі жүрсем, халқымның қорғаны боламын”, – деп мұдірмей жауап берген ол. “Болайын деп тұрган бала екенсін, бағың жансын”, – деп батырдың көптің алдында алақан жайып, өзіне бата арнағаны да есінде. Бектастың аты аталғанда, ойға оралған осы жайлар оны бір шешімге итермелегендей еді. Сегіз орнынан тұрып үстін қаға бастады.

– Нияз, дұрыс айтасын, ағамдай болып кеткен Бектастың бір білгені бар шығар, ерте күнді кеш қылмай, соған жетейік.

Екі дос атқа конғанда күннің көзі едәуір көтеріліп қалған еді.

*Өзімнің қазағымнан мал алмаймын,
Алам деп обалына қала алмаймын.*

*Жұртыйның өле-өлгенише қорғанымын,
Халқыма жәбір-жапа қыла алмаймын...*

Сегіз тіл үшіна келіп қалған жаңа шумактарды шұбырта жөнелгенде, Нияз:

— Бір сәт ауыр ойдан бойымызды аулақ салсақ қалай болады, осы Баянауылға бардым дедін де қойдың, сол сапарың жайлы айтсайшы, елі, жері қандай екен? — деп тосын сауалды қөлденен тартты. Сегіз досының сауалын естімегендей, Бозшұбардың тізгінін босатыңқырап озып кетті де, Ниязды анадайдан қайта тосып алды.

— Эй, Нияз-ай, сенен бүгер сырым жоқ екенін білесін ғой, уақыты келер деп іштей тынып жүр едім, тағы бір жараның ауызын тырнағандай болдын ғой, тыңда ендеше:

*Еркесі Баянтаудың Ақбет деген,
Көрініп аққу құстай көлбеңдеген.
Аршын төс, алма мойын есіл гөзел,
Шаттанып ел жұртына еркелеген.
Бүркібай — әкең аты, ағаң — Омар,
Ауылдың айдын шалқар көлге қонар.
Жазмыштың ақ бүйріғы жолықтырып,
Ақбет қыз, жузіңе сенің болдым құмар.*

Өзінен кіші інісі Дәуітбайды үйге жүтірткен Бектас Сегізді бауырына басып:

— Батырым-ау, көрмегелі біраз болып еді, сокталдай жігіт қатарына қосылыпсын ғой, — деді.

— Бектас аға, Сегіздің бойы ғана емес, ойы да өсіп келеді!

— Құрдастарға қалжын жарасқан, Нияз досыннан өзін де қалысатын емессін ғой.

Амандық-саулықтан кейін меймандарын үйге шақырған Бектас шай үстінде Сегізге қарап:

— Ауыл арасы алыс болмаса да, көптен өзінді көре алмай сағынып жүр едім, жақсы келдіндер, асықпай, ат суытып, дем алындар, — деді.

— Айтуың орында, балалық шактан тай-құлындағанда таби-сіп өскен достармен бірге өткізген күндерге не жетсін?! Бірақ өмірдің ірімі кейде еркіне қоймай үйіріннен бөліп әкетеді екен. Елге оралғалы бір аптадай ғана уақыт болды.

— Окуынды бітірдің ғой?

— Эпісер боламын деп басыма бәле сатып алған сияктымын. Бұл жай сөз реті келген соң айтып жатқаным ғой, өзін Омбыдан деп естідім, ол жақта не жаналық бар екен?

— Экеймен шекара мәселеңіне арналған мәжіліске барып қайттық. Кіші жүзден де өкілдер келген екен, ол кіслердің айтуына қарағанда, Исекен ұлықтармен келісе алмай, қол жинап жатқан көрінеді. Омбыдан бергі жұртта үрейлі. Горчаковтың сексен солдаты төменгі елді түгел сүзіп келеді.

— Тағы да сол халықтан алым жинап жүрген шығар?

— Алымы өз алдына, Горчаков мәжілісте Шақшақов теріс жолға түсіп, ел арасына ірікті салатын түрі бар, патша-ағзамға қызмет етуден бас тартты, соны тезірек ұстап тәубесіне кетіру керек, сексен солдат шығарып отырмын, солардын біреуінің бір тал шашы түссе, бастарынмен жауап бересіндер! – деп зіркілдепті. Экейдің айтуына қарағанда, ниеті жаман көрінеді. Елге келе сала, інімді шаптырған себебім сол еді. Сақтанбасаң, болмайды.

— Сонымен жолын таба алмай өзіңе келіп отырмын.

Талай даудың түйініне шешіп, елдің тыныштығын, ағайынның татулығын сақтап қалған едін, басқа түсken мына бәледен калай құтыламын?

— Өзіннің не ойлағаның бар, атан не дейді?

— Атам “окуын оқып, шенін таққан соң, қайда бара-сын, ұсынған қызметке келіскеңің жөн ғой” дегенге келтіреді. Ал өзім Горчаковқа айтарымды айтып кеткен. Содан қайтпақ ойын жок. Экімдердің сойылын соғып, елдің

обалына қала алмаймын. Маған тандау қалдырмаған сиякты. Қол жинап, солдаттарын ел сыртынан қарсы алсаң ба деймін!

— Сегіз-ау, олар көп қой!

Манадан алдындағы шайын сораптап ұнсіз отырған Нияз досының соңғы сөзін қолдамайтынын сездірді.

— Нияз дұрыс айтады, бүкіл елді уысында ұстағысы келіп аласұрып отырған губернатор ешкімді аямайды. Ол қажет болса, сансызқолды сапка қоя алады. Алықанында алып ұратыныңды, өжеттігінді, айла-тәсіліңнің мол екенін білемін, сонына ерер жігіттер де табылар-ау, бірақ Горчаков осал жау емес. Сондықтан менін тілімді алсан, бой тасалай тұрғаның жөн.

— Бой тасалағанда, кайда барамын, өз жерімде коян құсап бұта-бұтанды панарап жүрсем, сүйекке танба түспей ме, одан да жауыммен алысып өлгенім жақсы емес пе?!

— Сенің жайың елге жеткенше маған да маза берген жок, әкейден де сыр тартып көріп едім: “Көнесін, көнбейсін, көз көрмес жерге кетесін” дегенді айтады. Расында да Горчаковтың құрығы ұзын. Меніңше, Исекендерге қарай, Кіші жүзге асып кеткенің жөн сиякты. Көрмеген, баспаған елің емес, батыр да жайынды түсініп, қажет болғанда, кол ұшын береді деп ойлаймын.

Осы арада әнгіме жібі кілт үзілді. Сөзімнің түйіні осы, ендігісін өзің біл дегендей Бектас Сегізге қарады. Сегіз ұнсіз. Мұндай сөзді Нияз да күтпеген сиякты.

Сол күні Қырғыз қажының ауылында қонып қалған Сегіз бен Нияз таңертең атка қонарда да дос көніліне медет боларлық ойдың ұшығын шығара алмады, Бектас қол алысып тұрып:

— Сегіз шешімінен кешігіп қалма, куғыншылар Қызылжардан бері шықталы да біраз болып қалды, — деді.

— Бектас, бауырым, көніліне ризамын, қабырғаммен ақылдасайын, жағдай қалай болған күнде де өзінмен хабарласуға тырысамын.

* * *

... Маманайдан тұс кезінде шыққан үш салт атты шағалалы көлдің жағасына жеткенше ат басын тежеген жок. Осы арада Сегіз Бозшұбардың тізгінің тартып, Бектас серіктеріне:

— Алла өздеріңе жар болсын, амандықпен көрісуге жазсын! Тезірек Обағаннан өтіп кетуге тырысындар, ар жағында қалың ел пана болар. Аман-есен Иsekен ауылына жетсендер, сәлем айтындар, — деді.

— Қос тұлпарымның тұяғы бүтін болса, талай жердің дәм-тұзын татармын. Нияз, сен тағы да ойлансан қайтеді, мен үшін елден безіп, басынды окқа байладап қайтесін?! Тірі жұрсек, ертең-ақ кездеспейміз бе, Горчаков мені қашанғы қуғындай берер дейсін.

— Сегіз, тағдыр қосқан дос едік, мені қинама, орта жолдан қайта алмаймын, — деп Нияз осыған дейін әлдеп неше рет айтқан сөздерін қайталады. Сегіздің де сөзі таусылғандай.

Аттарынан тұсіп төс түістірген үш дос енді көп бөгелген жок. Артына тағы бір бұрылып қараған Сегіз “Қош Маманай!” деді де, Бозшұбарды тебініп қалды.



ЕКІНШІ АЙНАЛЫМ

Катысушылар:

Серікtestіk директоры

Бас мал дәрігері

Бас зоотехник

Бірінші көрініс

Серікtestіk директорының кабинетіне бас мал дәрігері мен бас зоотехник имене кірді. Директордың тосын шакыруынан екеуі де сезік алған секілді, табалдырықтан аттағанмен төрге озбай тұрып қалды. Шынында да директордың қабағы қатулы екен.

Директор: Осы екеуің не бітіріп жүрсіндер?! (Бас мал дәрігері мен бас зоотехник ан-тан. Не бітіргені қалай? Мал мамандарының міндегі белгілі емес пе, жатса-тұрса ойлайтыны мал жайы).

Бас мал дәрігері: Басеке, не бітіріп жүргені қалай?!

Бас зоотехник: Сауалыңыздың төркінін мен де түсінің-кіремей тұрғаным...

Директор: Түсінбесендер түсіндірейін. Жұмыстарында еш бәтуа жок. Жұрт сияқты не сүт, не ет өндіре алмай отырмыз. Қашанғы осылай көш сонында сүйретіле бермекпіз. Кәне, айтындаршы өздерін?

Бас зоотехник: (күмілжіп) Ол енді рас қой.

Бас мал дәрігері: Тырысып жатырмыз. Тауда тығырықтан шығып та қалармыз.

Директор: (көнілденіп) Е, бәсе өзім де ойлап едім, бір амалы бар шығар деп. Кәне, ірікпей ойларынды ортаға салындар, тез осы жерде шешіп тастайық.

Бас мал дәрігері: Ол үшін табындарды сауықтыру керек! Қаржыны аямай асыл тұқымды малдарды жан-жактан топырлатып сатып алу керек.

Бас зоотехник: Төкен, дұрыс айтады. Құнарсыз малда құн бола ма, құтылу керек бәрінен! Сонда сүттің де, еттің де астында қаламыз.

Директор: Онда ойымыз бір жерден шыкты. Алыстан арбалап қайтеміз, мына көрші ауданнан бір табын мал алайық. Бакташыларды бүгін жіберсөн, ертең-ақ айдап әкеледі.

Бас мал дәрігері: (күмілжіп) Алтай Сайлауұлы, мұнымыз жоғары органдардың нұсқауына томпактау болып шықпай ма? Ең алдымен сол малдың ауру-сырқаудан ада екеніне көз жеткізіп алсақ қайтеді?

Директор: Айттым, бітті! Үрғалып-жырғалып жүретін уақыт жок.

Бас мал дәрігері: Онда біз кеттік.

Бас зоотехник: Бүгін-ақ айдап әкелеміз. Кеттік! Кеттік!

Екінші көрініс

Совхоз директорының кабинеті. Директордың алдында бас зоотехник пен бас мал дәрігері отыр. Екеуінің де басы салбырап кеткен.

Директор: Ал, кәне, енді не айтасындар? Мал табынын сауықтырамыз дедіндер. Қолдарынан қаккам жоқ. Табынның тен жартысын үқит-сукит қылып, құрттындар. Сонда тапқандарың не? Айтпақшы әлгі сырттан әкелінген 215 бас қашардың жайы қалай?

Бас мал дәрігері: (кумілжіп) Күйі төмен, біразы ауру болып шыкты.

Бас зоотехник: №2 бөлімшеге әкелінген 404 бас асыл тұқымды қашарлардың жайы да мәз емес. Олардың да қырық шақтысы туберкулез, бруцеллезben ауыратын болып шыкты. Қазірдің өзінде он бірі шетінеді, он бесі пышаққа ілікті.

Директор: Не дейді, сендердің тамактарынан асыл тұқымды малдан басқа малдың еті өтпей ме?! Мыналарын сүмдық қой!

Бас зоотехник: Енді қайтейік. Арам өлмесін дегеніміз ғой.

Директор: Балтабай Сейсенұлы, сен өзің серіктестіктің малы қырылып жатқандай сөйлейсің ғой.

Бас зоотехник: Жасыратыны жок, өткен мал қыстату науқанына қарағанда биыл шығын көп болып отыр.

Директор: Сонда қанша? Айтсайшы бұқпаламай. Қазіргі жариялыштық кезеңінде кемшілігімізді жұрттан жасырсақ та өзімізден өзіміз жасырмайық.

Бас зоотехник: Өткен мал қыстату науқанының осы кезеңінде 100 сиыр шығын болса, биыл ол 116-ға жетті. Сол сияқты етте өткен жылға қарағанда 730 центнер кем өндірілді. Жұз сиырдан небәрі 55 бұзау алдық. Сөйтіп 154миллион теңге сом күмға сінгендей жоқ болды...

Директор: Токта, токта! Сен өзің үдетең барасын ғой.

Бас зоотехник: Қайдан білейін, жариялыштық деген соң жіпке тізіп жатқаным ғой. Айта берсем толып жатыр...

Директор: Жә, жә, жетеді.

Ушінші көрініс

Директор: Ертең аудандық әкімдіктің мәжілісіне баратынымызды білесіндер ғой. Ал, ендігі әңгіме былай болсын. Ертең сұрайды ғой, сонда мал қыстатудың бүгінгі жайы туралы не айтамыз?

(Екі маманда үн жоқ).

Директор: Неге үндемейсіндер. Тілдерін байланып қалғаннан сау ма?

Бас зоотехник: Жариялыштық, жариялыштық деп сізді ренжітіп аламыз ба деп жүрексініп отырғанымыз ғой.

Директор: Әр нәрсені өз атымен атаяу керек деп неше рет айтам мен сендерге, кәне, қайсысын бастайсын?

Бас мал дәрігері: Басеке, жалпы жағдайымыз мәз емес. №2 бөлімшеде қоралар әлі жөнделіп біткен жоқ. Сонда

да жүз бұзаудың орнына екі жүз бұзауды қамап, жан сактап жатқан жайымыз бар. №1 бөлімшедегі өткен жылы туған 350 төл көтерем десе болады.

Директор: Ақырын, ақырын, осы арада санырау адам жоқ. Фактілерді құр жіпке тізе бермей себебін айтсайшы, дұрыстап.

Бас мал дәрігері: Себебі көп қой, қайсыбірін айтып тауысасын. Жемшөп жетіспейді. Мәселен №2 бөлімшедегі қашарлар ку сабанмен тұр. Жемазық цехи бір күн істесе, екі күн токтап тұрады.

Директор: Эй, оның бәрін маган несіне айтасын? Токтап тұрса, жүргізбейсіндер ме? Әлде мен барып жүргізіп берейін бе? Осы екеуін не істеп жүрсіндер?

(Сәлден соң директор тағы да сөз бастады).

Директор: Ал, кәне, уақытты босқа өткізбейік, енді не істейміз?

Бас мал дәрігері: Мал табынын сауыктыру керек!

Директор: Бұл қай сөзін, сауыктырамыз деп сау басымызға сақина тілеп алып отырғамыз жоқ па?

Бас зоотехник: Сауыктыру да керек шығар, бірақ ен алдымен қоражай, жемшөп мәселелерін шешіп алуымыз керек.

Директор: Сөйтіп жүргенде қалған малдан айырылып калмайык.

Бас зоотехник: Айырылсақ, екінші айналымға көшеміз. Бәрін қайта сауыктырамыз. Сауыктыра береміз, сауыктыра береміз?! Сонда қайда барады дейсіз?!

Бас мал дәрігері: Мынау табылған ақыл ғой. Көш құлаш қылыш шаралар жасайық. Акша сұрайық. Сонда бізге қарап отыр деп кім кінә таға алар екен?

Директор: Екінші айналым деңгендерін дұрыс екен. Эй, кулар-ай, тауып кетесіндер-ау!

Бас зоотехник: Енді... Қазір іздениссіз бола ма?

Директор: Онда не тұрыс, кеттік, екінші айналым басталды!

Бас зоотехник: Кеттік, кеттік!

Бас мал дәрігері: Ура, екінші айналым жасасын! Кеттік!

“ДЫМЫҢ ШІНДЕ БОЛСЫН...”

Қатысушылар:

Бригадир және бір топ малышылар.

Тұскі үзіліс кезінде мал өсірушілер кешегі күні көрген-білгендерін, естігендерін ортаға салып кеу-кеулесіп отыр.

I малшы: Кеше теледидарды тамашаладыныздар ма, сиқыршының кереметін-ай! Тіпті істемейтіні жок.

II малшы: Туа біткен қасиет қой, сірә, біздің балалар да бір мәре-сәре болып қалды.

Әңгімеге манадан үнсіз отырған бригадир Сәлимәш араласты.

Бригадир: Туу, жоққа таң қалып, тамсанады екенсіндер. Көзбояу ғой оның бәрі. Нағыз сиқыршылар некен-саяқ. Ал енді мына мен кезінде солардың жолын қуғанда бар ғой, алдымға жан салмаған болар едім. Сахнадағы сиқыршылардың сырьы белгілі. Көбіне олар қолдың ептілігіне сенеді. Ал ойдың ұшқырлығына не жетсін! Бөсіп кетті демессіздер, менде осы жағы басым ба деймін.

“Аузы кисық болса да байдың ұлы сейлесін” деген емес пе, ешкім уәж қайтарған жок. Бұдан кейін бригадир көп бөгелмеді.

I малшы: Бастығымыз не деп кетті осы?! Түкке түсінсем бұйырмасын, шыны ма әлі әзілі ме?! Жұрт таныған сиқыршылардың сырьы маған мәлім. Қолдарынан түк келмейді деген жоқ па?!

II малшы: Түсінбесен, мен саған түсіндірейін. Бірак дымың ішінде болсын. Шынында да сахна шеберлері біздің Сәлимәшпен өнер салыстыра алмайды.

МАЗМУНЫ

ЕМЕННИң ИР БҰТАҒЫ (повесть) 3

ӘҢГІМЕЛЕР

Тұған үйдің тұтін	87
Куырдақ	92
«Бұкір» шал	98
«Аллергия»	110
Айлы тұн	119
Жалғыздың үні	124
«Іштегі казактар»	129
Қош, Маманай!	135

СКЕТЧТЕР

Екінші айналым	145
«Дымың ішінде болсын...»	151

Жарасбай Сұлейменов

ЕМЕННИҚ ИІР БҰТАҒЫ

(казақ тілінде)

Редакторы **Құралай Омарова**
Суретші-дизайнер **Женіс Қазанқапов**
Компьютерде беттеген **Ерлан Ашилов**